



BIBLIOTHECA
UNIV. PADUENSIS

36599

Med. Cl. D.

P

Teol. 3876



36599

I

X. g. 43.

QV :
21

Qui Sedes Super Hemib.

Gloria

Paderce: orno
Wojen Borego / Marozem
Coland emud

Brontis et non. Kandi

Paderce pasl.

Puer Boko's Kasacz:

Puer Kani.

Konj Koko'koz

syn. aj.


Nabode barokriero?

Papalku c'loncka y'leswego?

O gloriosa Domina; So'celsa Super

eg

ff. ca. 100





SYMBOLICA
VITÆ CHRISTI
MEDITATIO.



THOMA TRETERO
C. S. T. O. et C. A. N. O.
V. A. R. I. A. S. E. N. A. V. C. T. O. R. U. M.

Nunc primum edita.
BRUNSBERGÆ.

Typis Geor. Schönfeld.
V. N. G. R. A. E. T. P. A. R. I. S. P. R. U. M.
Astrucii Colusii. In et hinc Vad. 1671.



AN. DNI M. DC. XCII.




Bibliothecæ Collegii Majoris

DE DIGMATE PRÆSVLARI.

S.

R.



E.

V.



36.599, T.

Appingi huic operi IACVLVM patiare CRVCEMq;
O HIERARCHA tuæ digma triforme domûs.
Conuenit huic operi (tibi namq; dicatur) idipsum,
Quod CHRISTI geminam vulgat in orbe crucem.
In pia corda TRETERTVS ab hoc iaculatur amorem
Sanctum, emblematis dogmatibusq; pijs.
Crux sua vita fuit, Crux fata nouissima CHRISTO,
Nos vt amatores redderet ille crucis.
Quisquis amans Crucis est, CHRISTI censetur amator.
CHRISTI virtutes verus amator amat.

ILLV-

ILLVSTRISSIMO AC REVERENDISSIMO
Patri in Christo ac Domino.

D. SIMONI RVDNICKI,
D. G. EPISCOPO VARMIE:
Domino ac Patrono cle-
mentissimo, F.

Quanti uiuentem THOMAM TRETE-
RVM Ecclesia Varmien. Canonicum at-
que Custodem I. C. V. semper fecerit, nec
paucis nec obscuris indicijs didici. Eius-
dem autē obitus quàm acerbo animi sen-
su I. C. V. affecerit, satis superq; testatur epistolicum il-
lud nepenthes, quo I. C. V. dignata mox fuit mihi mei pa-
trui imo patris desideratissimi morte contractum mœ-
rorem abstergere, fidiſſimum iuxta patrocinium atq;
tutelam mihi meisq; clementer addicens. Et verò sat
euidens paterni fauoris argumentum confestim re ipsa
comperi, ubi meum crescentem Joannem Treterum no-
bilibus suis clientulis accensuit, quos in Episcopo suo
Brunsbergen. ad liberales artes liberaliter alit atq; su-
ſtentat. De quo gratias eas I. C. V. ago & habeo quas

PRÆFATIO

possum maximas, & quas tātā debeo beneficentiā. Quā
 is aliquando uberrimē remensurus est, qui solus potēs est
 & iustus arbiter ac munerator meritorum, id quod me-
 dullitus voueo & opto. Caterum ne gratiā tantis offi-
 cijs referenda aliqualem conatum in me quis iure desi-
 deret; en venerandam THOMÆ TRETERI spirantis
 imaginem J.C.V. qua possum submissione ac reuerentiā,
 datum ac dicatum eo. Imaginem, inquam, in qua non
 tam habitus ac oris lineamenta, quā ingenij ac morū
 conformationes & monumenta, velut ad viniū expres-
 sa, patenter elucent. Quid enim præstantium virorum
 elucubrations eruditionem ac pietatē spirantes, dixe-
 ris esse aliud, quā limatiōis ingenij, elegantioris do-
 ctrinæ, lectissimarumq; virtutum (quæ in TRETERO
 prope summa) periucundos quospiam in speciem iconis-
 mos? Huiusmodi picturatæ humanarum mentium illu-
 stramenta meritō & sapienter antetulisse fertur Sigis-
 mundus Imperator, Diuitum clypeis, lanceis, atq; lori-
 cis, quibus adium suarum parietes passim conuestiunt.
 Ergo dum TRETERVS CHRISTI SERVATORIS
 Opt: Max: aclus & cruciatus, dum Christianis colen-
 das virtutes, quā scribendo, quā pingendo, alijs profu-
 turus, efformat; animi, genij, ingenijq; proprii simula-
 crum, aliud agendo, simul effigiat posterisq; perpetuat
 Enimverō literarium hoc simulacrum plus, opinor, au-
 thori suo commendationis asferet, quā vel Zeusi di-

quon-

tate Ser: Reges STEPHANVS & SIGISMVNDVS
 III illum cohonestarunt) mirum quàm vitæ integri-
 tate, animi candidi sinceritate, morum verborumq;
 comitate, maximarum deniq; virtutum dignitate su-
 spiciendus, summis, medijs, infimis charus atq; iucū-
 dus vixerit. GREGORIO XIII Pont. verè opt. Max.
 nec non CLEMENTI II X. vehementer acceptus.
 Hic legandus Card. in Polonias, à T R E T E R O de
 omnibus informatus. Ille suæ gentis insignia eidem
 nobilitato (quantus honos?) vsurpanda muneratus.
 Canonicatu Rō. S. Mariæ trans Tyberim & Olomucē.
 donatus. Oblatos sibi altiores in aula, in Ecclesia,
 dignitatis gradus modestè recusauit. Cum S. R. E.
 Card. AND. BATHOREO, Regio nepote, Roma
 reduce, Varmiam se recepit cuius inter Ven: Ecclesiæ
 Canonicos pridem census fuerat. Per idoneam hanc
 pietati ac otio literario solitudinem negotiosæ aulæ
 ac infulæ prudens volensq; præhabuit. Vbi cæpto
 probitatis, solertiæ, humanitatis tenore, nullo super-
 cilio, nullo temporiperdio, reliquum vitæ laudabilis-
 simè posuit. Perenne domesticis, exteris; nobilibus,
 ignobilibus; copiosis, inopibus; doctis, indoctis asy-
 lon atq; diuersorium. Memorabili hospitalita-
 tis in aduenas, in egenos benignitatis exemplo. Ni-
 hil ipsius late picti, nihil doctius. Omnis paries, om-
 ne lacunar, speciosis emblematis & ingeniosis lem-

matis eruditionem spirat. Sanctos ipse Principesq; viros nunc Apollineis, nunc vice grata, coloribus Apellæis, animi causa eleganter expressit. Verbo dicam; Musarum delictum, collegarum speculum, pauperum refugium habitus TRETERVS. Nullum librum in lectissima, quam suis impensis conflârat, bibliotheca reperies quem non hic studiosissimus antiquitatis indagator prouolutasset. Notæ, obelisci, asterisci, rubentes inducti loquuntur. Quid quod ipse suis doctis elucubrationibus rem librariam cestro styloq; adauxit & ornauit earum recensionem accipe.



OPVSCVLA THOMÆ TRETERI
Romana.

- | | |
|---|---|
| <p>Romanorum Pontificum compendiarîa gesta soluto vinctoque sermone.</p> <p>2 De vita & miraculis S. Benedicti carmina diuersis imaginibus subiecta.</p> <p>3 Ad effigies Imperatorum Romanorum elogia.</p> <p>4 Theatrum virtutum S. R. E. Cardinalis Stanislai Hofij iconoplyphico opere, nō sine sententiis lemmatis.</p> | <p>5 Variæ in easdem virtutes oda adhuc, vt & alia eiusdem doctæ poemata, inedita.</p> <p>6 Symbolica vita CHRISTI vna cum Christianis virtutibus post obitum edita.</p> <p>7 Elenchus vocularum Horatiani poematis, de quo gratias TRETERO egit scita scripta ode vnus Gymnasiarchorum Elbingen:</p> |
|---|---|

VARMIANA.

<p>Hierosolymitana Peregrinatio Illustrissimi Domini Nicolai Christophori Radziuili Niesuifi- en: & Olycen: Ducis &c. &c. La- tinitate donata.</p> <p>² Sacratissimi Corporis Christi historia & miracula quæ in Eccle- sia Posnan: D. Bonitas operatur collecta & æneis typis per Blasi-</p>	<p>um Treterum illustrata. ³ Series & Acta Episcoporum Posnanien: soluta oratione, vt & quæ nondum prodijt, vineta. Mitto complura pietatis monu- menta & incitamenta æneis tabu- lis graphicè ab eodem incisa & excusa.</p>
---	---

Iure hæc illi elogia posthuma Fama occinit.

I.

VArmia semper habes, te quorum scripta celebrēt
Virtute insignes ingenioq; viros.
Sylvius & Cromer Historijs, Copernicus astris
Clarus auitæ Hofius Relligionis Atlas,
Vates Dantiscus numeras & in hisce Treterum?
Iure. Sed, heu, quantum Varmia Sidus humas!

II.

Pennâ, peniculo, cestrâ astrisq; Tretere,
Tu Numa, Naso, Mycon unus erasq; Myron.

III.

Brunoris Articolâ te Nato Posna, Tretere,
Roma palatino, Varmia lata Patre.

SUMMA PRIVILEGII.

CAutum est Priuilegio S. R. Maiest. Poloniae, ne quis Typographorum, Bibliopolarum, aliorumue, qui librariam negotiationem exercent, libros nouos, quos Georgius Schönfels Typographus Brunsbergensis, primus in lucem ediderit, citra eius voluntatem, quocunq; modo, caractere aut forma, lingua aut idiomate edere aut uenundare, intra Regni Dominiorumq; Poloniae fines, &c. audeat, sub pœna confiscationis librorum, & alijs: uti latius patet, in literis S. Maiest. Regiae, datis Varsauiæ die 10. Octob. Anno Domini, M. DC. XII.





PRÆCURSOR CHRISTI.



Noctis tenet & confinia lucis.



IOANNES Baptista, quo inter natos mulierum maiorem non surrexisse Christus ipse testificatur, aptè congruenterq; cum mane oriente Lucifero potest comparari: qui sicut accessum solis anteuertere consuevit, ita Ioannes Christi

Malach. 4

Domini veri iustitiæ solis, præcursor fuit & emissarius, veteribus quidem legis umbris finem, nouæ auté euangelij luci principium ostendens. Huius aduentum non obscure prædixit Malachias, vbi in seruatoris persona loquitur;
Ecce ego mitto Angelum meum, & præparabit viam ante faciem meam. Malach. 3.

VOX CONSONA FACTIS +



Prædicatio.

1. Tim. 2.

Joannis Baptistæ præcursoris Dñi, grauissimam sustinet apud nos Præcones verbi Dei personam: qui dum auditorum mentes, instando oportune, importune, arguendo, obsecrando, increpando, à vitiorum sordibus expurgare conantur, venienti Christo viam quodam modo in cordibus fidelium præparât. Ad explendum auté munus hoc, duo sunt illis maxime necessaria, Dicendi scilicet grauitas, per tubæ figuram sic expressa, (quod enim tubicines in bello contra corporeos; hoc sunt prædicatores in Ecclesia contra spirituales hostes) & actuum bonorum exemplum; quod manuum nomine frequenter in sacris literis de-

signatur.

signatur. His duobus ad amorem Dei & proximi homines
 vt plurimum incitantur, si videlicet eum, cui verbi Dei an-
 nunciandi cura est commissa, & doctrina & vitæ innocentia
 videant excellere: vt quod de Magistro nostro scribitur, ipse
 quoq; simul & docere & facere incipiat. Neq; verò statim
 quod nostri temporis Hæretici facere videntur, aliquem of-
 fendere, & à Fidei vnitrate desciscendi occasionem alicui præ-
 bere debet hoc, si quis vitam cum Magistri doctrina non cõ-
 sentire perspexerit. Nam quid magis iniquum & ridiculum
 cogitari posset, quàm si miles ex acie hac tantùm de causa se-
 se proripere vellet, quòd qui classicum Imperatoris arbitrio
 canit, hunc intercutis, aut alio quopiam corporis morbo la-
 borare animaduertit. Pugnet ille nihilominus; & in clan-
 gore illo non infirmitatem tubicinis, sed mandatum Impera-
 toris sui attendat. Eadem nostræ militiæ spiritualis est ra-
 tio. Non quis sed quid & cuius nomine dicat est confide-
 randum. Dummodò ex præscripto Catholicæ Ecclesiæ
 (quæ sub vno Imperatore Christo eiusq; visibili in terris vi-
 cario, castrorum acies est ordinata) Verbum Dei legitime
 missus annunciet, & ad congregiendum cum Mundo, Car-
 ne, & Sathana nos exciter; non est quod mores ipsius, si quid
 offensionis habent in se, nos ab vnitrate fidei retrahant. Id
 agamus, quod ille Christi voce, nos agere vult: vitam autem
 ipsius, non alia rone ad nos pertinere, putemus, quàm qua
 supportare nos inuicem in Charitate iubemur iudicium de
 eo reseruantes illis, quorum de vita & moribus Sacerdotum
 iudicare proprium est. Quoniam verò natura nostra, quasi
 semen quoddam malorum omnium de peccato primi paren-
 tis excepit; vt in alienis quidem vitijs curiosius inuestigan-
 dis diligentior, in proprijs autem corrigendis remissior sit;
QUI solus mundũ de immundo conceptũ semine facere po-
 tes, immuta tu quæso, Pietissime IESV, nostræ communis
 naturæ fragilitatem & concede vt quæ in proximis peccata
 videmus, ea non in scandalum sed in correctionem potiùs
 nostram trahamus. Aperi aures nostras; vt qui quasi tuba ex-

Actor. 1.

Ephes. 4.

Iob. 14.

altant vocem suam & annunciant populo tuo scelera eorum
 verbum vitæ prædicantes, eos cum fructu audire possumus.
 Da, vt quod ore docent, id nos vnà cum ipsis, factis implere,
 & quam viam præcursores ij, venienti tibi in cordibus nostris
 sternunt; eam ad lætissimum gratiæ tuæ aduentum, vitiorū
 obstructionibus amotis, amplam & immaculatam conser-
 uare studeamus.

INCARNATIO.



Sub lege uteri; sine lege mariti.

Magni illius mysterij, quo Christum extra naturæ ordinem, ex purissimis Mariæ sanguinibus susceptum credimus, symbolum quoddam fuit vellus illud Gedeonis, rore Cœlesti rigatum.

Quemadmodum enim sine strepitu in lanæ vellus imber infunditur; ita sæculo ignorante Dñus IESVS ex Cœlestibus suis templis, immigravit in castissimum Virginalis vteri Cubiculum. Ipsam autem virginem Mariam, rectè velleri posse comparari scribit Ambrosius, quæ ita concepit Dñum, vt eū toto hauriret corpore: de cuius fructu salutaria populis vestimenta texuntur: de cuius molli sinu agnus egressus est, qui & ipse matris laniciem hoc est carnem gestans, molli vellere cunctorum operit vulnera peccatorum. Atque hac quidem ratione saluatorem in vterum virginis descensurum Dauid testatus est, dicens:

Descendet sicut pluuia in vellus.



Quemadmodum Amygdalus, arborum omnium prima

A 3

floret

Iudic, 6.

Ambr. ser-
mon. 13.
de Natiu.
Domini.

Psal. 71.

floret, & vt vberiores fructus adferat in radice clavis perforari solet; ita fides in nobis virtutum prima florere nosq; ad Charitatem & reliquas virtutes disponere debet, Quoniam autem nostra fides in vera, Dei cognitione, & in mysterio Incarnationis Christi (rebus quæ mentē rationemq; humanam longè superant) esse posita videtur, ideo in radice cordis nostri clavis timoris & amoris Dei altius est perforanda, vt duobus his prouocati, assentiamur illis quæ quantò nostris obtutibus minus patent, tantò maius meritum, & fructus ampliores cōdentibus nobis acquirunt. Quid enim à ratione communi magis dissentit, quàm Deum hominem fieri? quid porrò contra naturam ipsam magis contendisse credendum est, quàm vt homo absq; vllō seminis adminiculo, in Virginis utero conciperetur? Mysterium hoc absconditum fuit à sæculis & generationibus, absconditum à sapientibus & prudentibus huius sæculi: qui cum acumine ingeniorum hæc occulta perspicere non possent, Deo vocanti parere recusarunt: manifestum autem est Sanctis, reuelatum est paruulis, quibus voluit Deus notas facere diuitias Sacramenti huius vt per fidem & Deum hominem factum videat, & eum in utero Virginis absq; viri semine conceptum credant & agnoscant. Cum itaq; Fidei ianua, per quam ad Diuinarum rerum considerationem contemplationemq; ingredi-mur, nobis Diuino quodam munere, patefacta sit, hoc illius ita debemus vti beneficio, vt quæ intelligentiæ nostræ vim ac notionem fugere videntur, altiora nobis ne quæramus; Sed timoris potius & amoris stimulos nobis admoueamus, quò semper augeatur & supererescat amygdalus hæc Fides scilicet nostra; vt non solum corde credamus ad Iustitiam, sed ore quoq; confiteamur ad salutem. At quoniam sine te Christe IESV, nihil facere possumus: quod olim Apostoli, idem nunc nos ad pedes Maiestatis tuæ prouoluti, supplices à te petimus: Adauge nobis fidem Dñe: tenebras & caliginē mentis nostræ radio tuæ claritatis discute infer lumen sanctissimæ tuæ fidei, in tenebricosum cordis nostri tabernaculū:

Colos. I.

Matth. II.

Roman. IO

Luc. 17.

quo illustrati mysteria nostræ salutis accuratiùs contempla-
ri, & quæ ad salutem nobis necessaria sunt, ea sine vlla hæsi-
tatione credere valeamus.

NATIVITAS.



Nigras discutit Umbras.

Nato Christo IESV, pulchrè, Basilius mortem in
natura dominantem humana diuinitatis præ-
sentia disparuisse, exemplo solis, ortu suo glaciè
dissoluen-

*Homil. de
sum. Chri.
gnatione.*

Ambro. de
Nat. Dom.
Serm. 16.

dissoluenti, ostendit. Verus quippè sol Christus est, qui spiritu suo viuificat mortua, corrupta reparat, suscitât iam defuncta: vel qui calore suo, purgat sordida, exurit fluida, decoquit vitiosa, Ipse, inquam, est qui in cunctis actibus nostris perspicit omnia opera nostra & non tam condemnat, crimina quam emendat. Hic planè est sol iustus & sapiens, qui non sine discretione sicut istius sol mundi bonis ac malis similiter circumfertur, sed quodam iudicio veritatis, sancto lucet, occidit peccatori. Hunc solem mundo appariturum prædixit Isaias, cum diceret;

Isa. 9.

*Populus qui ambulabat in tenebris vidit lucem
magnam: habitantibus in regione um-
brae mortis, lux orta est eis.*



Ap. 3.

Christus IESVS verus iustitiæ sol, posteaquam orbi illuxisse veritatis Diuini cultus, quæ falsarum religionum superstitione diu obruta iacuit, vniuersis hominibus est ma-

nifesta


nifestata in qua cum candorem lucis æternæ, imaginem videlicet Diuinæ bonitatis intueamur, speculum sine macula merito potest appellari. Hoc itaq; speculum hanc veritatis cognitionem quandoquidem iam per fidem apprehendimus, præcipua nobis esse cura debet, vt ad frequentem illius inspectionem mentium nostrarum sordes abstergamus. Quorsum enim speculum adhibetur, si is qui maculas in eo facies suæ videt nullam de illis delendis cogitationem suscipit? Ad quid nobis manifestata veritas, ad quid Christus paruulus sic natus, si cum illo cælo non nascimur, si nos itidem paruuli & humiles non efficimur? Danda nobis est opera, vt ex seruatore nostro, qui propter nos durissimam peregrinationem hanc suscepit, omnium factorum nostrorū exempla petamus: & quam nobis vitæ regulam tradidit; ea omnia studia nostra metiamur. Hoc autem nos assequutos arbitrabimur, si quibus in rebus veritatis cognitio, ex Augustini sententia, consistere videtur, in eas aciem mentis nostræ diligenter intendamus: nempe vt primò nos ipsos cognoscamus, & quod esse debemus esse studeamus: quod autem corrigendū est, corrigamus. Deinde vt cognoscamus & amemus creatorem nostrum: qui filium dedit in pretium redemptionis, spiritum sanctum in Priuilegium amoris, se deniq; seruat hæreditatem adoptionis. Quæ omnia si in speculo hoc diligentius contemplati fuerimus fieri non poterit, quin ad vitiorum spurcitiem exterminandam animum adijciamus: admovebimus manus operi bono: & **COGNOSCENTES** ea quæ muneris nostrisunt, **AGEMVS** quæ Deo grata nobis autem cum primis erunt salutaria. Tu autem benignissime **IESV** præsidio tuo nos adiutos velis, vt post agnitam veritatis lucem ad nullas errorum tenebras prolabamur: quod tantò votis ardentioribus abs te postulamus, quanto plurib9 exemplis didicimus, multis propter inobedientiam, contumeliam, vel inanem gloriam, veritatis intelligentiam esse subtraham. Et quoniam tu Deus ex homine nasci voluisti, vt postmodum homines è Deo nascerentur effice, quæso, vt

Sap. 7.

Manualis
cap. 26.

tanti honoris gradum, quo vilem creaturam tuam decorasti, rectè possimus agnoscere: vt nihil quod illi aduerferur, admittamus; sed paruulorum more, vitæ innocentiam & cædorem integritatis induamur.

CIRCVMCISIO



Legem lege resoluit.

Quandoquidem non soluere sed adimplere legem & Prophetas Christus Dñs venerat, carnis suæ præputium octauo die circumcidi passus est: vt ostenderet quemadmodû scribit Epiphanius, legem non alienam esse, sed ab ipso quidè datam; in figuris autem vsq; ad se durantem, vt in ipso & per ipsum quæ in lege deessent implerentur, atq; ita per eius sanguinem. Circumcisionis sanguis sifteretur. Umbra in lege præcessit.

Matth, 5.

Aduersus
Ebionit.

Tulit

Tulit igitur Sephora acutissimam petram & Exod. 4.
 circumcidit præputium filij sui, tetigitq; pedes
 eius & ait, Sponsus sanguinum tu mihi es, &c.



Circumcisio veteris legis, cui se quoq; Christus Dñus vt
 ei finem imponeret, subijcere dignatus est, aliam quan-
 dam circumcisionem designabat: quam non in manifesto in
 carne, sed in abscondito in circumcissione cordis, in spiritu
 non in littera fundatam esse, vas electionis Paulus Aposto- Rom. 2.
 lus testatur: quæ licet ad omnia vitia, ex mentibus nostris
 procul exterminanda, referri potest, magis tamen propriè
 ad non rectos animi impetus & corporum libidines coercen-
 das pertinere videtur; eiusq; auctoritate domitas habere cu-
 piditates. & non minus corpore quàm mète, pueros Deo nos
 exhibere ministros docemur. Et castitati quidem ea laus præ-
 cipuè debetur; quòd hac vna virtute, quàm proximè ad An-
 gelos homo accedat; cùm virginitatem seruare, non aliud sit
 quàm Angelicam quodammodo vitam in terris ducere: cæ-
 terum quo virtus hæc pulchrior, eò maioribus tentationum
 periculis est obiecta, vt lilium inter spinas non inepte possit
 appellari. Verè namq; lilium est Castitas, quæ præter cando-


rem & puritatem carnis, odorem summa suauitate conditū
emittit. Deo quidem acceptissimum de se offerens holocau-
stum, homines autē ad innocentiaē amorem sui exemplo
prouocans. Porro antequam liliū hoc maturitatem suam
assequatur, ita variarum tentationum spinis pungitur, vt pe-
riculum non leuē sit, ne si frangatur, & candorem & odorem
simul amittat. Nec enim dormit antiquus ille pudicitiaē tori-
us hostis Diabolus; qui vias omnes rationesq; vestigat: vt à
creatoris amore ad creaturam, à puritate vitæ ad voluptatū
sordes homines traducat; cuius voti sui vt tantò facilius cō-
pos efficiatur, & immundas cogitationes suggerit, & blan-
das turpitudinis illecebras hominum mentibus insinuat.
Atq; hæc sunt illæ spinæ, quibus expugnare Continentiam
nititur: quarum aculeos qui vult evitare, necessum est, vt o-
tia fugiat, & ieiunijs, vigilijs, orationibus, cilicijs corpus ma-
ceret. Dura sunt hæc, fateor, & spinis non dissimilia: sed spi-
næ hæc, ne liliū noxiō tactu frangatur, prohibent, & illud
ad eam maturitatis perfectionem deducunt, vt excussis Di-
abolicarum tentationum aculeis, crescere & in omni genere
virtutum proficere possit. Quod autem in symbolo hoc tria
sunt lilia posita, tres virtutes ad rem præsentem accommoda-
tas, & in ipsa Christi Circumcisione expressas, ob oculos po-
nunt. Innocentiam scilicet in Christi infantia, Continentiam
in præputio abscisso: Patientiam autem in cicatrice relicta:
quæ vno quodam propinquitatis vinculo continentur. Nam
& Castitas Innocentiaē, & Innocentia Castitati, & vtriq; opti-
mè consonat patientia. Hæc itaq; sunt, quæ homines, celesti-
bus illis ciuibus similes efficiunt; ardua quidem illa, sed quæ
magnam postmodum adferunt delectationem. *PER ARDUA*
si transferis, *DVL CIS* ex laboribus hisce tuis fructus ad te
redundabit. cuius suauitatem, & hic in terris, ex consolatio-
nibus ijs quibus castas mentes, Deus sustentare consuevit,
percipies maximam: & vbi corpore fueris exutus; inter eos
proculdubio numeraberis: qui quoniam cum mulieribus nō
sunt coinquinati, virgines sunt, & agnum sequuntur quo-

Apoca. 14

cunq;

cunq; ierit. Quoniam verò magnam virium nostrarum, quã ex primi hominis peccato miseri contraximus agnoscimus imbecillitatem te, qui illæso virginitatis claustro, ex purissimo tuo matris utero natus es, CHRISTE JESU, supplices oramus, vt immundas cogitationes, tuæ sanctissimæ gratiæ cultro in cordibus nostris circumcidas; carnalis desiderij fomitem, & quæuis incentiua prauæ libidinis ex mentibus nostris funditus euellas: quò non min9 corpore, quàm mente casti, dignè tibi seruire & tandem inter eos connumerari possimus, qui vitæ huius angustias immaculato calle transgressi, facie ad faciem tuæ Maiestatis gloriam in cœlis contemplantur.

APPARITIO.



Coëunt hoc fadere Gentes.

Matth. 2.
Ser. 4. de
Epiphan.
Domini.

Ioan. 2.

sa. cap. 60

T Res ab oriente Magi; ad Christum adorandum stella duce, perducti, gentium ad Ecclesiam vocationem designabant. Vnde Augustinus de bellaturus, inquit, Christus gladio spirituali per vniuersum orbem regnum Diaboli; sed prima puer spolia Idololatriæ dominationi detraxit, & vt ad se adorandum Magos conuersos, à peste illius superstitionis auerteret, & in hac terra nondum loquens per linguam loqueretur de cælo per stellam: vt & quis esset, & quò propter quos venisset, non voce carnis sed virtute verbi, quod caro factum est, demonstraret. Hoc autem per Isaiam prædictum legimus.

Inundatio Camelorum operiet te: dromedarij Madian & Epba. Omnes de saba venient aurum & thus deferentes, & laudem Domino annunciantes.



Trium

Trium Magorum exemplo, qui aurum, thus, & Myrrham Christo recens nato obtulerunt, ad simile factum excitari debemus, vt ipsi quoq; spiritualia Deo munera offeramus. Ac illi quidem auro Regem, thure Deum, myrrha hominem moriturum, Christum Dñum sunt confessi; nos autē qui fideles iam facti, cum illis eandem fidei confessionē profiteamur. Puritatem præterea mentis cor coarctum, & deuotionis affectum, Christo, sicum nobis esse propitium volumus, summa cum alacritate deferre ac consecrare tenemur. Phiala itaq; aurea (cū auro nihil magis purum & solidum sit) animus est humanus, qui omni foeda admittance liberari cupiens, purus & integer esse desiderat: quam ad rem consequendam, cor amaritudine myrrhæ perfusum, à vitiorum sordibus repurgatum, & igne pœnitentiæ diligenter examinatum habere debet: vt cum Sancto illo Rege & Propheta dicere possit; Probasti cor meum: igne me examinasti, & nō est inuenta in me iniquitas. Ex hoc autem quasi, ignis effulgens, & thus ardens, in igne, consurget suauissimus & Deo gratissimus pietatis & deuotionis odor: quo non solum hæc terrestris sed & cælestis illa domus replebitur: vt qui tale incensum Deo obtulerit, is cum Paulo meritò possit in Dño gloriari. Christi bonus odor sumus Deo, in ijs qui salui sūt. Quo magis itaq; mentes & corda nostra peccatis onerata videmus, eo maiori studio providere debemus, vt spiritus contrituli, cordis contriti & humiliati Deo sacrificium offeramus. **NON DESPICIE** T ille munus hoc nostrum, quādo quidem illud à nobis vel maxime videtur exigere: Neq; tamen impius Hæreticorum nostri temporis error ferendus est; qui cū cordis tantū contriti sacrificium Deo offerri debere clamitent; externum illud & sacrosanctum corporis & sanguinis Christi (quam nos Missam vocamus) sacrificium prorsus abrogarunt: quo sublato quantum illis de illo quoq; altero, de quo tantoperè gloriantur relictum sit, nullus est qui non videat. Hæreticum mentis quædam facit elatio. An autem ibi potest esse humilitas, vbi superbia & inflatus car-

Psalm. 16.

2. Corin. 2

nis sensus principatum obtinet? An & contritio cordis, ibi locum habet: ubi exulat humilitas? Cordis itaq; contriti & humiliati, verum sacrificium non habent Hæretici; qui quoniam spiritus quodam turbine versari videntur, ea quæ re distinguuntur, vt sui erroris adstruant temeritatem, cæca quadam confusione inuoluunt, nec sacrificium à sacrificio: nec cultum exteriorem ab interiori discernentes. Nos verò Catholicæ fidei veritatem edocti, quemadmodum in cruentum illud sacrificium (quo ineffabili quodam modo meritum passionis & mortis Christi, ad peccatorum nostrorum expurgationem, interponitur) per Sacerdotum manus in Ecclesia quotidie Deo offerri libenter confitemur; ita vt illius quoq; virtute & efficacia, contriti & humiliati cordis holocaustum tibi possimus offerre, tuum, Christe, auxilium supplices inuocamus: Ex nobis enim nil præter peccatum habemus: si quid boni facimus; à te id omne promanat. Da igitur dulcissime IESV, prior illud nobis; quod à nobis tibi dari præcipis. Da quod iubes, & iube quod vis. Gratiam tuâ nobis infunde, vt de puritate mentiû seruanda seriâ tandem aliquando cogitationem suscipiamus, suscipientes autem, igne pœnitentiæ, vera videlicet contritione, integra Confessione, & debita satisfactione corda nostra aduramus & purgemus: quò carne mortificati, spiritu verò viuificati, digne tibi sacrificium laudis & gratiarum actionis offerre mereamur.



FUGA.

*Mihi peruia tellus.*

Herodes ille impius, diuturnam sibi dominationē comparare volens, cum ad inferendam Christo Dño recens nato Iudæorum Regi necem, nefario quodam furore incitaretur, Ioseph cum puero & matre eius in Ægyptum fugere iussus est, quæ res mirabilē rerū commutationem portendebat fore, ut ab Israelitico populo propter ipsius ingratitude[m], Regnum Dei ad gentes idolis deditas, quales fuerunt Ægyptij transferretur; ut illud Osee impletum iam videamus; Miserebor non dilectæ: & dicam non populo meo, populus meus es tu; ipse dicit Deus

Matth. 2.

Osee 1.

meus es tu. De hac autem seruatoris nostri fuga apud eundem quoq; Prophetam scriptum legimus;

Ex Aegypto vocavi filium meum.




EA est apum natura vt modicum etiam fumi nidorem ferre non possint: quem si praesenserint, auolant illico, & fuga sibi consulunt. Hanc apum solertiam omnes illi debent imitari, qui mellis instar dulces pietatis & sanctimoniae fructus producere studet. Fugiendae sunt illis vel minimae peccatorum occasiones: vitanda prauorum familiaritas & consuetudo: omnes praeterea saeculi voluptates & illebrae prorsus relinquendae: quae quanto turpiores sunt & breuius durant; tanto melius fumo possunt assimilari, qui & impurus est, & facile perit. Quoniam autem prisca gentilium superstitio fatorum quandam necessitatem, qua omnia contineretur & quam nullus effugere posset, induxerat; nos qui per Dei gratiam, veritatem religionis sumus affecuti, & liberam nos vel bene vel male agendi habere potestatem profitemur; non ad aliud nos, ceu fato quodam & vltima necessitate, magis adigi persuasum habere debemus, quam vt vitiorem turpitu-

dinem

dinem, si salui esse velimus. necessario nos fugere debere existinemus. Quamobrem quoties nos vel vitiosa nostra consuetudo, vel Diabolicæ tentationes ad peccandum inducunt, FATIS nos PREMI, extrema videlicet necessitate constringi nos arbitremur, vt peccato penitus renuntiantes: apium more ad terribilissimum illius fumi odorem fugiamus: & Herodianam illam, maligni videlicet spiritus, qui nos ad perdendum quærit, persecutionem declinantes, Christo Dño nos adiungamus, & in Ægyptum commigremus. Ægyptus angustia interpretatur. Angustum igitur iter debemus ingredi, si cum Christo viuere cupimus: vt à superbia ad humilitatem, à luxu ad continentiam, ab epulis ad ieiunia transeamus. Ita enim futurum est, vt Herodes moriatur, Sathanas scilicet conticescat & persecutio illius amplius in nos sæuire non possit. Tu verò mirissime IESU nobis eam mentem inspira, vt sæculi vanitatibus postpositis, per viam mandatorum tuorum ad veram spiritus tranquillitatem peruenire festinemus. Effice vt fortentem hunc peccati fumum, quoties oculos mentis nostræ voluerit inficere, cane peius & angue deuitemus, tibi autem qui summa es dulcedo, corpore casto & mente humili semper adhærentes, ad caelestem illam Hierusalem, quò tu iam præcessisti, redire properemus.



INFANTICIDIUM.

*Flos succisus aratro.*

QUOD immanis ille tyrannus posteaquam Dñum IESVM lucem hanc aspexisse cognouit, eum indignissime ipsa priuare constituerit, & omnes pueros qui erant in Berthee ac in omnibus finibus eius à bimatu & infra, crudeliter occidendos curauerit; causam non aliam adfert Augustinus; quã vt in paruulis ostenderetur, non alios fuisse pro Christi nomine morituros, quàm innocentes, quàm humiles. Nam ex quibus lex tota penderet & Prophetæ etiam illum, præceptorum numerum, significauit bimatus illorum. Occiduntur pro Christo paruuli, Pro iustitia moritur innocentia: vide quàm pulchrè ista secùm conueniant. Cædem autem hanc infantium, prædixit ante Ieremias.

Matth. 2.

*Aug. ser. 4
de Episc.*

*Aug. de In-
noc. ser. 2.
Buseb. E-
nus. H. I.
de Epiph.*

Vox in excelsis audita est lamentationis, luctus, & fletus Rachel ploratis filios suos, & nolentis consolari super eis, quia non sunt.

Jerem. 31.



Patentia +

AB ipsis statim Christi seruatoris incunabulis, legē Christianorū non aliud quā crucem seu martyrium quoddam esse, in crudeli illa puerorum ab Herode occisorum nece, apertē videtur omnibus demonstratum. Quam etenim illis mortem; immanis ille tyrannus, per scelus, intulit, eādem & alij quoq; multi, qui Christum constanter & liberē consiteri non dubitarunt, succedentiū sibi temporum serie, ab hominibus tererrimis, & impia Gentilium superstitione imbutis, affecti sunt: vt nihil magis proprium Christianorum fuerit, quā pro CHRISTO IESU, probra, maledicta, conuicia, irrisiones, ac mortē ad extremum ipsam pati. Quoniam verō per suum primum deinde verō per martyriū quoque suorum sanguinem, Christus Dñs (admirabili quodā vincendi modo, potentia gentium debellata) vniversum iam terrarum orbem, veluti quandam hēreditatem suam adiit:

existimare

existimare non debemus, cum occasio persecutionis desit, Martyrij meritum nobis etiam sublatum esse. Habet & pax nostra martyrium suum, inquit Gregorius: nam sine ferro & sanguine martyres esse possumus, si patientiam veraciter custodiamus. Huius itaq; virtutis, quæ nos absq; sanguinis effusione martyrij participes reddit & patientia vocatur, symbolum est iugum frumento superimpositum: ex quo nimirum quid nobis deinceps expectandum sit, vbi grauissimas iniurias nobis impositas, voluntaria obliuione contriuerimus, documentum capere possumus. Quemadmodum enim diligens agricola per iugum, boum ceruicibus impositum, terram ad excipiendum semen plurimo labore mollit, & quæuis incommoda perferre pro nihilo ducit, dummodo vberes diuturnosq; laborum suorum fructus, tandem aliquando percipere possit: ira nos quoq;, dum spirituales animis nostris culturam adhibemus, tolerare plurima debemus, si iucundissimos cælestis gaudij fructus metere desideramus. Voluntati propriæ renuntiare, iniurias æquo animo pati, vindictæ cupiditate non inflammari. Malum pro malo non reddere, graua & difficilia esse quis non videt? sed quæ difficilia pulchra, quæ graua iucunda postmodum solent euenire, & exitus eorum tanto dulcior, quanto initium acerbius videbatur. Per Patientiam vt curramus ad propositum nobis certamen, monet Paulus; aspicientes in auctorem fidei & consummatorem IESVM, qui proposito sibi gaudio, sustinuit crucem, confusione contempta. Sultineamus & nos quæq; dura, proposito nobis cælesti gaudio: & quoniam GAUDET PATIENTIA DVRI; huic iugo ceruices nostras vltro subiiciamus, vt videlicet quæ pro peccatis à Deo flagella nobis infliguntur, ea patienter toleremus: quas aduersarius noster Diabolus tétationes nobis suggerit, eas forti & excelso quodam animo reijciamus: postremo, quæ à proximo nobis iniuriæ damna, & contumeliæ irrogantur, eas in charitate absq; vlciscendi cogitatione: fortiter & moderate supportemus. His enim tribus modis nostra solet exerceri pati-

entia

103. sup.
uang.
Homil. 35

entia: quæ ubi probata diligenter fuerit, suis præmijs nunquã frustrari potest; & post constanter toleratos labores, fructus suauissimos, è Diuina benignitate promanantes, tam in hoc quàm in futuro sæculo percipiet.

Domine IESV Christe qui suavis & verus es, patiens & in misericordia disponens omnia, mentes nostras ad ea quæ cunq; propter peccata nostra nobis euenerint aduersa, placide toleranda, gratia tua corrobora: ne vel propter impatientiæ vitium, maiestati tuæ dum nos corripis, obmurmuremus vel Diabolo tentanti succumbamus, vel proximo nos persequenti, mala vicissim reddamus: sed potius quod iugum portamus, effice, vt id amemus: quod toleramus. tribue ne id odio prosequamur. Da patientissime IESV vt paruulorum more, in humilitate & simplicitate cordis ambulantes, pro sanctissimi nominis tui gloria, & Ecclesiæ sanctæ Catholicæ, quã tibi sponsam elegisti, augmento, nulla pericula, quoties opus fuerit, adire timeamus: nullis minis & terroribus, nullis Hæreticarum persecutionum procellis, à sacrosanctæ Fidei tuæ aperta confessione dimoueamur: quo per vitæ istius decursum, inter eos cõnumerari possimus, qui te verũ & otii patientiæ exemplar sequuti; fortiter extrema quæq; pro te pertulerunt, & recum nunc immortalitatis honore vestiti, gloria perfruuntur sempiterna.

Sap. 15.

DOCTRINA.

*Hoc rigante Virebo.*

Luc. 2.

Philip. 2.

Christus Iesus perennis sapientiae fons, à quo totius doctrinae prudentiaeque, rivi deducuntur, duodecim annos natus in templo in medio doctorum sedit, hoc facto volens innuere, neminem salutis aeternae vias alicui posse tradere, nisi Christi ipsius prudentia regatur: deinde verò nullibi Christum eiusque veram doctrinam posse reperiri, quam in templo, Ecclesia scilicet Catholica, quam in medio sanctorum Doctorum, quos virtus & gratia Dei mirifice extulit, ut lucerent sicut luminaria quaedam in mundo verbum vitae continent. Currant igitur quocumque volunt Haeretici, nisi ad unanimum Sanctorum Patrum consensum, nisi ad Ecclesiam, à qua se nefarie praeciderunt, redierint; non est quòd se Christum inuenturos sperent: cum in sola Ecclesia, vera illa sapientia reperiat, de qua scriptum legimus.

Fons

*Fons sapientia verbum Dei in excelsis, & Eccles. i.
ingressus illius mandata aeterna.*



Oleaster arbor est inculta, sterilis, & amara, eius tamen ramus si in Oleam infertus fuerit, sterilitate naturæ deposita, vbi altius excreuerit, fructus profert suauissimos. Eius igitur Symbolum, virtutem & efficacitatem Conuersationis Sanctæ nobis ob oculos ponit. Per Oleastrum enim anima prauis actibus contaminata potest intelligi, quæ dum blanditijs præsentium voluptatum delinitur & corrumpitur, agresti quadam negligentia, ad studia virtutum, & pietatis ac exultationis bonæ fructus producendos redditur inutilis. Hæc igitur vbi in oleam inferta fuerit: vbi in virorū bonorum consuetudinem se penitus immerferit, fieri non potest quin & ipsa pinguedine virtutum omnium repleatur, & alijs quoq; vtilitatis fructum præbeat amplissimum. SVC-COS OBLITA PRIORES, vtpote amaros, quos dum in quouis genere scelerum volutaretur; imbiberat, mutabitur in Oleam fructus dulcissimos adferentem, vt illud Prophetæ merito possit usurpare; Ego autem sicut Oliua fructifera in Domo Dei. Cum quibus verò familiaritatem & consuetudi-

Psal. 15.

*Luc. 2.**Psal. 25.**1. Pet. 1.**Rom. 2.*

nem iungere nos velit; exemplo suo Christus docuit, cum annos duodecim natus, Hierosolymis manens in templo in medio Doctorum sedens audiret & interrogaret eos: cum ijs utiq; qui quanto magis Ecclesiam malignantium oderunt, & cum impijs sedere cauent, tanto maiore studio, ad virtutum & pietatis amorem concitantur: in templo Dei, in vna, sancta, Catholica & Apostolica Ecclesia manent. in lege Dei die ac nocte meditantur: exemplo bono sunt omnibus, ad honestatem adhortantur, à turpitudine absterrent. quos innocètia vitæ, morum suauitas, mentis optimæ conscientia, sermo castus & rectus, & ut breuibus complectar omnia. Timor Dei nobis præ cæteris commendat. Eos audire, interrogare, ac imitari debemus, si salubribus Sancti Regis illius monitis præceptisq; ducimur. Cum Sancto, inquit ille: Sanctus eris; & cum viro innocente, innocens eris. In medio eorum Christus inuenitur: Huc ergo properemus. Dominum IESVM, quem anima nostra per terrenas voluptates, cordis inconstantiam, negligentiam bonarum actionum intermissionem sæpenuero solet amittere, horum in medio queramus. Eos nobis socios & viuendi duces eligamus, qui in omni vita sua laudabiles sint, quorum familiaritate ad pietatem, sermone ad humilitatem semper excitemur. Omni cura prouideamus, ut quod nos facere vult Petrus Apostolorum Princeps, quasi filij obedientiæ, non configurati prioribus ignorantia nostræ desiderijs, secundum eum qui vocauit nos, Sanctum, & ipsi in omni Conuersatione nostra sanctissimus, quoniã scriptum est, sancti eritis quoniam ego sanctus sum. Quod Romanis olim scripsit Doctor Gentium Paulus, cum Oleaster esses, misertus es, & socius radicis & pinguedinis factus est, hoc nobis quoq; scriptum existimare debemus, quoties à turpitudine ad honestatem, à vitijs ad virtutes, optimorum quorumq; familiaritate traducimur. Atq; tunc nobis elaborandum est, ut in Sancta Conuersatione in finem vsq; perseverantes, bonis spiritualibus, quæ pinguedine gratiæ gloriæque corpus & animam ditant, repleti studeamus.

Tu autem Domine qui pedes veloces ab currendum in malum odisti, ad eos autem qui mundi & rectè incedunt statim euigilas, respice communis naturæ nostræ imbecillitatem, quæ cum in multis assidue offendat, à Sanctæ & piæ conuersationis tramite, sæpius aberrare consuevit. Hanc igitur nobis mentem, benignissime Deus, inspira, vt ne delectemur in semitis impiorum, nec placeat nobis malorum via, sed quæ iusto: um semita, quasi lux splendens procedit & crescit usq; ad perfectam diem per eam potius incedamus: vt te, dum à nobis, propter peccata nostra recedis, cum Maria virgine matre dolentes quæramus & inueniamus: inuentum autem, mundi voluptatibus abiectis, corde quieto, oratione assidua, auditu verbi Dei, completa satisfactione, & spiritualium iugi contemplatione perpetuo retineamus: quò sic, ex oleastro in Oleam mutati, à vitijs ad virtutes conuersi, sicut adipe & pinguedine repleantur animæ nostræ, vt labijs exultationis os nostrum te perpetuo valeat laudare.

Prouer. 6.

Iob: 8.

Prouer. 4.

Psal. 62.



BAPTISMVS



Sic nascimur astris.

Posteaquam Christus à Ioanne in Jordanis alveo baptizatus est; nouo quodam sanctificationis genere, in salutem credentium, aquam fuisse lotam scribit Augustinus. Ex quo, inquit Saluator in aqua se merfit; ex eo omnium gurgitum

Matth. 3.
eBD apt.
Chri. ser. 1

tractus

tractus, cunctorumq; fontium venas mysterio baptismatis consecrauit: & quisquis ibi in nomine Dñi baptizari voluerat, non tam illum aqua mundi diluit, quàm Christi vnda purificat. Saluator itaq; ideo voluit baptizari, non vt sibi mūditiā acquireret, sed vt nobis fluēta mundaret. Nec temere baptizato Christo, cœlos apertos fuisse Thomas memorat; sed vt ostenderetur, de cætero virtute cœlesti baptismum cōsecrari: per fidem baptismi cœlestia, quæ omnem sensum excedunt, inspicere baptizatis viam ad cœlum patere: & hoc ipsum, quod post baptismum cœlum aperitur credentibus, ex orationis virtute proficisci. Baptismi virtutem Dauid Rex & Propheta in spiritu præuiderat, inquiens.

3. part. 9.

39. 5. 0.

Vox Domini super, aquas, Deus Maiestatis intonuit. Dñs super aquas multas. Psal. 28.



IN Christo Dño qui se baptizari à Ioanne voluit, insigne nobis Humilitatis exemplum proponitur, vt ne eos con-

temnere velimus, quibus esse superiores videmur. Baptizari venit Christus ad Ioannem: magnæ id fuit humilitatis; Baptizare Christum Ioannes renuit; magnæ modestiæ fuit argumentum: ad quam tamen obedientia cum accessisset, Diuinæ voluntati Ioannes assensum præbuit. Ex Ioanne igitur modestiam cum obedientia, ex Salvatore autem nostro humilitatem discamus: cuius id vel maximè proprium est, vt seipsa cæteros iudicet meliores: quod cum alibi tum in Ecclesia Dei ministris non temerè iudicandis vel condemnandis præstare debemus, vt si eos ab honestate deuiasse viderimus non propterea statim, quæ nobis per illos administrantur, Sacramentorum usum intermittamus: præcipuè cum ad multò se inferiorem, vt ab eo baptizaretur, Christus descendere dignatus sit. Eius igitur exemplum sequuti humilitatem amplectamur omnes, quæ talis est, vt superioribus obediatur; æqualibus non se præferat, inferioribus, quod summæ demùm perfectionis est, se submittat. Hanc qui possidet, sacrificium quoddam in manibus habere videtur, quo Deum peccatis insensum placare possit. Contra inflatos autem spiritus, & mundanæ vanitatis fastus egregiè munitus est. Rectè igitur humilitas pisciculo, qui Echeneis vocatur potest assimilari, cuius in exiguo corpore tanta virtus elucet, vt nauem remis & velis incitatam, posteaquam illi adhæserit à cursu prohibere, ac remorari (vnde & Remora Latinis dicitur) nullo negotio possit. EX HUMILI & nullius ferè momenti pisciculo tam POTENS & administrationis plena virtus promanat, vt eam valida ventorum vis & maris æstus infringere nequaquam possit. Talis est reuera Humilitas, qua qui præditi sunt, mundo quidem abiecti & viles videntur; at si quis mentis oculis eorum actiones diligentius fuerit intuitus, videbit eos contra tumidos superbiæ spiritus, mundiq; vanitates, ea fortitudine & constantia dimicare; vt omnes ad hostis maligni conatus, quibus in hoc mundo nauigantes, ad peccandi illecebras impellere satâgit, viriliter rerundant. Insignis est hæc humilitatis laus, quod in contē-

pru honorem, in infirmitate maximam sibi potentiam comparer. Si potens igitur esse vis: si Diabolo terribilis: si volupratum domitor esse desideras, humilitatem quæ virtutum fundamentum est amplectere: atq; ita **EX HVMILI POTENS** efficiere. Humiliare & apprehendisti, inquit Bernardus, Apprehendes disciplinam. Non solum legem Euangelicam (quæ quidem lumen intelligentiæ, vt ait Gregorius, Humilitas aperit, superbia abscondit) cognosces, sed ea cognita, quæ ipsa præcipit adimplere curabis. Apprehendes vitam æternam in qua vocatus es. Ianua enim quædam est Humilitas, per quam credentibus ad virtutes Christiano homine dignas, atq; ita demum ad vitam æternam pater ingressus. Absq; hac qui virtutes congregat, hunc in ventum puluerem portare scribit Gregorius. Quo magis nobis est contendendum, vt ad eius virtutis amorem inflammemur, sine qua quæ agimus etiam si laudabilia sunt, Deo placere non possunt.

Nunc igitur te ô clementissime **DEVS** qui superbis resistis humilibus autem das gratiam, supplices precamur: vt quam nobis humilitatis viam vnigenitus filius tuus, Dñs noster in omnibus suis actionibus, ostendit; eam currere festinemus. Da vt sub potenti manu tua humiliemur, cæteris nos viliores iudicemus, frequenti peccatorum admissorum recordatione ad humilitatis amorem, & præteritorum actuum malorum detestationem inducamur. Si quid autem boni fecerimus, concede, vt per veram humilitatem in nobis id iugiter conseruemus, superbiæ & elationis spiritum fugiamus: quo non alta sapientes, sed humilibus consentientes, vbi præsentis vitæ peregrinatione completa ad terribile extremi iudicij tribunal constituti fuerimus, exaltari cum sanctis & electis tuis mereamur.

25. Moral

Homil. 6.

1. Pet. 5.

AQVÆ IN VINVM MUTATIO.



Hic fontes Deus ipse nouos.

Ioan. 2.

Hom. 2. de

Epiph.

2. Cor. 5.

In Ioann.

Tract. 9

Illam mirabilem, quam Christus in Cana Galileæ fecit, aquæ in vinum mutationem, suis non caruisse mysterijs Eusebij Emiseni testimonio confirmatur. Operante, inquit, Christo in Cana Galileæ vinum fit, id est, recedit lex; gratia succedit, umbra remouetur, veritas repræsentatur: carnalia spiritualibus comparantur, in nouũ testamentum obseruatio vetusta transfertur, sicut beatus Apostolus dicit, vetera transierunt, & ecce facta sunt noua; & sicut aquæ illæ quæ in hydijs continentur, nihil minuunt, ex eo quod erant, & tũc incipiunt esse quod non erant; ita lex non perit per Aduentum Christi manifesta, sed proficit. Augustinus verò per aquã in vinum mutatam libros Propheticos intelligit, in quibus si Christus non intelligatur aquæ insipidæ similes videri

possunt:

Possunt. si autem Christus in illis intelligatur, non solum sapit quod legis, sed etiam inebriat, mutans mentem à corpore, ut praterita obliuiscens, in ea quæ antè sunt extendaris. Hieronymus quoq; cum de sex hydrijs, in quibus aquæ in vina mutarè sunt mentionem fecisset, scribit quotidie Iudaicos latices verti in vinum quod lætificat cor hominis, & Christi cruore fit dulcius. Umbra mutationis huius in lege præcessit.

In Ezech.
cap. 40.

Feceruntq; Moyses & Aaron, sicut præceperat Dñs, & eleuans virgam percussit aquam fluminis, coram Pharaone & seruis eius, quæ versa est in sanguinem.

Exodi 7:



Quemadmodum hedera, cum per se stare non possit, adhaeret arbori, & quocunq; rami illius protenduntur, ipsa quoq; crescit suamq; viriditatem diffundit: ita & fidelis anima, quæ ex estimatione innocentiae cæterisq; virtutum ornamentis florere desiderat, arbori Christo radicem in terra viuentium habenti, coniungere se debet; ut tali **ROBORE FVLTA VIRESCAT.** Christi scilicet vestigijs semper insistens in omni opere bono fructificet, crescat in sciëntia Dei

*in quadā
Epistola.*

Sap. 2.

Psal. 103.

Luc. 10.

Cant. 5.

Psal. 59.

& quam maximè fieri potest, altioribus perfectionis gradibus ad summam virtutum amplitudinem peruenire contendat. Verissimum enim illud esse constat, quod à Bernardo scriptum legimus: Nemo perfectus, est qui perfectior esse non appetit: & eò perfectiorem quisq; se probat, quò ad maiore tendit perfectionem. Omnem igitur operam nostram in id studium conferre debemus, vt quam nobis seruator noster rectè pieq; viuendi regulam tradidit, ad eam actiones omnes nostras dirigamus; & quantum nos à perfectione abesse intelligimus, tantum semper ad perficiendum contentionis adiciamus. Hic enim scopus nobis in omni vita propositus esse debet, vt Christum qui bonitatis totius origo & fons est, diligamus, diligere autem non poterimus, nisi viam mandatorum Dei quam nobis ille tritam reliquit, sequamur, vitia prauæ consuetudinis, exercitatione sancta abstergentes & de virtute in virtutem, more crescentis hederæ, progredientes. Quod Christum in Cana Galileæ fecisse scimus, vt aquæ naturam in vinum commutaret, idem vt de nobis quoque fiat, omni diligentia providere debemus. Ex aqua in vinum mutemur necesse est: à voluptaria ad spiritualem vitam transeamus oportet, si ad cælestes illas nuptias aspirare volumus. Quid enim aliud voluptas est, nisi aqua illa fluctuans, in qua vestigium nauis transeuntis non est inuenire, quæ cito transit, & ad sempiternum interitum, molliter animas deducit? Quid porò vita spiritualis nisi vinum illud, quod latificat cor hominis; quod oleo mistum vulnera peccatorum sanat, & animam dulcedine amoris inebriat? In melius semper proficiendum est. Fugiendum frigus illud aquæ extinguentis ignem, cupiditas rerum temporalium quæ ardorem spiritus suffocat è cordibus procul exterminanda. Vini autem compunctionis natura ita retinenda, vt feruor deuotionis, calor dilectionis, sine quo cæteræ virtutes neq; ali neq; crescere possunt, perpetuo in nobis augeatur, & inftar hederæ in altum serpentis crescat. Neq; enim sufficit primo vini bonum ponere: à principio videlicet conuersationis sanctam

piamq;

piamq; vitam ducere, & tandem in turpitudinem prolabi, vt cum spiritu quis cœperit, carne ad extremum consumetur. Curandum est maxime vt de nobis quoq; dici possit, seruasti bonum vinum vsq; adhuc, perseueraſti vsq; in finem. Conuersatio tua ad eum finem perfectionis deuenit ad quem vinum diutius seruatum solet plerumq; deuenire. Hanc igitur in omni possessione nostra acquiramus prudentiam, vt in templum Dei viuam spiritu crescamus. Arripiamus illam & exaltabit nos. Glorificabimur ab ea cum eam fuerimus amplexati. Dabit capiti nostro augmenta gratiarum, & corona inclita proteget nos.

Tu autem Dñe. qui omnia in abscondito vides, infelicis animæ meæ frigiditatem adspice: quàm ad te amandum & colendum segnitas & tarda sit intueri. Aquis Ægyptijs similis factus videor, quibus decoqui mysticus agnus prohibebatur. Deuotio & cordis compunctio adeo friget in me vt te agnum immaculatum attingere nequaquam possit. Quid ergo? Aquam hanc frigidam & ignauiam meam, in vinum amoris & charitatis tuæ, pijsſime IESV, conuerte. Fac vt dulcedine tuæ suauitatis inebriatus, totus flagrem. Intercedat mater tua, aduocata mea, pro me misero, apud te totius misericordiæ fontem. Et quia tibi paræt omnia, dic vt vitia peccati, in vitam gratiæ, timor in Charitatem, desideria mea praua, in vnicum tui amorem tranſeant. Vasa arida cordis mei, aqua lacrymarum impleri iube, quibus semper peccata mea deflere, & qua ad purificationem animæ meæ nocte dieque vti possim. Hanc tu in vinum cœlestium consolationum, & gaudiorum spiritualium CHRISTE IESV, postmodum conuerte eamq; mihi mentem inspira, vt ad vitia fugienda, virtutes amplectendas, semper in melius proficiens exardeſcam. Quo dulcedine tui amoris degustata, eos qui à te vel per peccata vel per errorum tenebras aberrarunt ad te amandum adhorrari cum Propheta dicente valeam, Gustate & videte, quoniam suavis est Dominus: beatus vir qui sperat in eo.

Gal. 3.

Prouer. 4.

Exod. 12.

Psalm. 33.

TENTATIO.

*Exacto certamine victor.*

Matth. 4.

In Ioan.

Traët. 25.

1-Ioan. 2.

Quod à capitali totius humani generis hoste, Christus Dñs noster tentari se passus est; vt cætera omnia, sic hoc quoq; erudiendi nos causa fecit, rationem nobis volens ostendere, qua Diabolicæ tentationis procellas deuitare possim9. Et ille quidem, vt scribit Augustinus, tentatus est; sed non periclitatus, vt doceret te periclitantem in têtatione, tentatori respondere, & post tentatorem non ire, sed de periculo tentationis exire. Quoniam autem omne quod est in mundo concupiscentia carnis est. & concupiscentia oculorum, & su-

perbia

perbia vitæ; per ista tria tentatus est Dñus à Diabolo, vt dñ tentantis audaciam frangit, effrenatæ cupiditati, continentiam; oculorum desiderijs, moderationem; superbiæ verò humilitatem nos opponere debere, exemplo suo doceret. Omnes itaq; machinas & dolos aduersarij, saluator noster ita superauit, vt de ipso verè illud dictum sit.

Super aspidem & basiliscum ambulabis; & conculcabis leonem & draconem. Psal. 90.



In omni vita nostra maximam sanè curam in eo ponere debemus, vt ad dimicandum aduersus mundi rectores tenebrarum harum, contra spiritualia nequitia, parati semper & instructi simus. Profectus enim noster, vt ait Augustinus. per tentationem nostram fit: nec sibi quisquam innotescit, nisi tentatus, nec potest coronari nisi vicerit, nec potest vincere nisi certauerit; nec potest certare, nisi inimicum & tentationes habuerit. Graue cum primis inimicum & aduersarium habemus Diabolum, cum quo tanto difficilius & periculosius pugna committitur, quanto magis oculorum nostrorum

Ephes. 7.

in Ps. 60.

Psal. 10.

Psal. 63.

Tren. 3.

Ios. 8.

Pru. 30.

I. Iob. 1.

Sap. 5.

effugit obtutum, Sagittat ille in obscuro rectos corde: sagittat in occultis immaculatum: tendit arcum suum & ponit quemlibet quasi signum ad sagittam, vt ex occulto & insidijs vel concupiscentia carnis, vel concupiscentia oculorum, vel superbia vitæ homines vulneret: cuius nequitia suæ libidinem, in ipso quoq; seruatore nostro explere minimè veritua est, cum ad tentandum illum incredibili audacia se armasset. A quo quoniam se tentari seruator permisit, causâ nostri factum id fuisse persuasum nobis sit, vt quò longiùs à Christi Domini perfectione nos abesse scimus; hoc pluribus tentationum periculis nos obiectos intelligamus; & ad resistendum impijs Sathanæ persuasionibus nos præparemus. Ac suggerere quidem ille nobis, vt ab officio recedamus, potest; cogere nos non potest. Non impellit, non tangit, illud tantum dicit. Mitte te deorsum. Quamobrem qui Diaboli dictis se præbet audientem, ipse se quodammodo deponit, & mentem ex iustitiæ sede statûq; dimouens deorsum in vitiorum foueam mittit. Quoties igitur nequam spiritus nos adoriri, suaq; tela, in quibus vala mortis parat, conijcere in nos voluerit, optimum imperatorem illum Iosua imitat, clypeum qui in manu nostra est, ex aduerso eleuemus: Omnis sermo Dei ignitus, clypeus est sperantibus in se. Clypeus igitur hic, sermo nimirum Dei ignitus, Lex est Euangelica: in qua diebus istis loquitur nobis Deus in filio: quæ cum imperet iusta prohibeatq; contraria, scutum inexpugnabile æquitatis rectè vocari potest. Hoc scuto vt contra Diabolicas machinationes vteremur, Dominus IESVS nobis auctor fuit, qui non dissimilibus armis è veteri lege depromptis, inimicum se tentantem profligauit. Diligenter nobis ante oculos legem mandataq; Diuina tunc temporis ponere debemus, quoties ad committendum aliquod facinus aduersarius nos incitat, quod charitati Dei vel proximi, in qua lex & Prophetæ pendent, sit contrarium. Consideremus quæ & quam graua Christus Dñus vt nos à peccati iugo liberaret, perpeffus sit. Turpe & indignum esse ducamus, eum non a

mare præceptisq; illius non parere, qui solo nostri generis amore impulsus, acerbam crucis mortem oppetere non dubitauit: ei vero per peccatum se tradere, qui non alia re magis delectatur, quam sempiterno hominum interitu. Hunc cum turpibus carnalium voluptatum ille cæbris fugiamus, illum autem qui salutis æternæ auctor est, amemus: præceptaq; illius seruemus. Abscondamus in cordibus nostris dulcissima ipsius eloquia vt non peccemus ei. In lege eius die ac nocte meditemur. *LEGIS* enim istius *MVNIMINE TVTVS* erit quilibet. In ea quid fieri deceat, quid non, tanquam in communi vitæ speculo intuebitur: quibus bene consideratis, praua reijcere, optima quæq; sequi studebit. Etsi autem potens admodum sit inimicus, non est tamen is, qui Diuino auxilio accedente, superari à nobis non possit. Viriliter agētes, & impijs eius persuasionibus resistentes, iactemus super Dñm curam nostram; vt quod propter communis naturæ fragilitatem nobis deest, suppleat ipse. Nutriet ipse nos, non dabit in æternum fluctuationem iusto. Proferamus & aliud seruitutis nostræ scutum orationem, & per incensum cordis contriti & humiliati, deprecationem ante faciem Domini allegemus. Imponet Dñs finem necessitati, ostendet quoniam eius famuli sumus; quos non parietur tentari supra id quod possunt, quin etiam faciet cum tentatione prouentum, vt possint sustinere. In eo eripiemur à tentatione, & in Deo nostro transgrediemur hunc murum, quo nos à charitate Dei separare noster hostis voluit.

Ergo tu Deus noster qui conteris bella ab initio; & Dñs est nomen tibi. vide quod non est nobis colluctatio aduersus carnem & sanguinem, sed aduersus principes & potestates tenebrarum, imbecillitatem quoq; nostram vide; quam dū ipsimet consideramus, non possumus non timere, ne aduersarius noster Diabolus, qui tanquã leo rugiens circuit quærens quem deuoret, imparatos nos opprimat, Viribus igitur nostris non fidimus. In te spes omnes nostras positas habemus Vno te, si præsens nobis adfueris, vicin9; si nos de

serueris;

Psal. 118

Psal. 64.

Scp. 18.

1. Cor 10.

Psal. 17.

Iudith. 9.

Ephes. 2.

Tob. 12.

Iud 9.

Prove 28

3. Reg. 2.

serueris, heu miseri ab hoste superamur. Quod ergo nos unigenitus filius tuus Dñus noster Iesus Christus facere docuit, ensequimur. A te supplices petimus, ne nos pijsime Dñe inducas intimationem. Neq; verò id vt non tentemur oramus (nam vt Tobias qua acceptus erat tibi, necesse fuit vt tentatio probaret illum) sed vt ne in ipsam tentationem intremus, ne ab illa absorbeamur, ne illi succumbamus, hoc est quod vt ne permittas, à te supplices petimus. Hic ergo, Clementissime Pater erige brachium tuum; allide virtutem aduersarij in virtute tua. Ne nos vir ille sagittarius in fugam vertat, in stipulã tu eius sagittas vel lapides fundæ conuertat. Arcus hic fortium per te superetur; infirmi autem accingantur robore, vt cum domus cordis nostri in sanctificatione cui permanserit, omnes agnoscant, quia tu es Deus, & non est alius præter te.

LEPROSI SAMARITANI MVNDATIO.



Hoc gratia suadet.

Ilustre cum primis animi grati exemplum nobis in Samaritano illo proponitur: qui solus ex decem leprosis à Christo mundatis, reuersus auctori tanti beneficij Deo, meritas debitasq; egit gratias. Nec enim, licet canis fuerit, mutus esse voluit, sed illud vel maximè curauit, vt latratu suo insignem eius facti memoriam ad vniuersam posteritatem propagaret. Samaritanus autem hic, vtpotè alienigena, typus fuit Ecclesie ex gentibus congregandæ, quæ à lepra infidelitatis, hyssopo fidei petra Christo adhærentis, mundari debet; vt à sordibus eiusmodi mundata, illud Psalmi posset vsurpare.

Luc. 17.

Asperges me Domine hyssopo, & mundabor, lauabis me & super niuem dealbabor.

Psal. 50.



Quod in Ecclesiastici libro scriptum legimus; Da altissimo secundum datum eius, & in bono oculo, ad inuentionem facito manuum tuarum: id ad excitandam erga Deum grati animi nostri memotiam valere plurimum debet. Licet enim secundum datum eius nemo possit altissimo dare, cum maiora nobis ab illo tributa, & data sint beneficia, quam vt

Eccle. 35.

refundendis his homo mortalis par esse possit; si tamen aliquis in bono oculo, simplici nimirum rectaq; intentione, bona operando in omnibus Deo gratias agendo, benefacta ipsius extollendo, ad inuentionem manuum suarum faciat, is profecto ab ingrati animi crimine quàm longissime abesse censendus est: Facit insuper vt amplioribus, etiam muneribus à Deo cumuletur. Optima siquidem beneficiorum custos, est ipsa memoria beneficiorum, & perpetua confessio gratiarum; vt ait Chrysostomus. Danda nobis igitur est opera (cum ingratitude sit ventus vr̄s siccans fontes pietatis, & fluente gratiæ) si quascunq; Dei dotes augeri in nobis desideramus, vt ad collata Diuinitus beneficia, oculorum nostrorum aciem diligenter intendamus, & viam illorum memoriam quasi coram eadem intuentes, apud nos retineamus. Verferet semper ante oculos mētis nostræ, nunquã fatis prædicanda Dei misericordia & benignitas, qua nos, cum non essemus, ad imaginem & similitudinem suam creauit, creatos, cum in durissima Diaboli essemus seruitute, crucis & mortis suæ pretio, redemit, redemptos autem, cœlestis gloriæ participes amicos & filios suos nos effecit. Magna sunt hæc, & admirationis ac stuporis plena: quæ diligentius nobiscum perpendentes, ne nos obliuionis nox, & ingratitude nis vitium incautos opprimat, vigilare & manus nostras, in sancta extollere debemus, Deo scilicet bono animo gloriam reddendo, & sanctum nomen ipsius laudando & prædicando. Proponat vnusquisq; sibi, & semper illud meditetur; **VIDENS** ego magna hæc, quæ fecit mihi Dñus, qui potens est, non aliud apud me reperio, quo gratum animi meum benefactori huic meo testari possim præterquam hoc: **LAUDABO** Dominum in vita mea. Benedicam illum in omni tempore, idq; non magis lingua, & corde puro, quam factis laudabilibus adimplere pro virile conabor: vt videntes ea homines, glorificent te Patrem nostrum qui in cœlis es. Atq; hoc est in sancta manus elatas habere: omnes vitæ præsentis actiones, cœlesti sanctaq; conuersatione metiri, exemplo bono cæte-

Theß. 5.

Sup. Matt
Hom. 25.

Bern. de
Cont. Nñ.

Psal. 133.
Eccl. 35.

Psal. 45.

Matth. 5.

ris, præire illosq; ad laudandum & glorificandum Deum omnibus modis incitare. Hoc vnum gratos & memores nos esse Diuinorum beneficiorum, testabitur; si in eam curam maxime incubuerimus vt quam plurimos Deo, per nostram recte pieq; viuendi rationem, lucrifaciamus. Nec enim in vacuum Dei gratiam accipere debemus. Elaborandum est, vt non sine scœnore, quod nobis talentum concreditur, illud restituamus. Quam ad rem non minus exactoris ipsius rigor, quam gratitudinis quoq; nostræ ratio, nobis esse potest incitamento. Scopus actionum in hoc mundo nostrarum, sit animus collatorum beneficiorum memor & gratus: quem si attingerimus, non minor nobis laus, quam Samaritano illi debebitur, qui laudari voce seruatoris Christi meruit. Eius exemplum tanto magis imitari nos decebit, quanto peccati lepra, à qua per sacerdotes Christi iubentes virtute mundamur, grauior & perniciosior est illa, quæ exterius in corpore tantum apparet: quam vt effugere possimus, Dei primum misericordia inuocanda, deinde verò nostra quoq; , quantam maximam possumus, diligentia est adhibenda.

Quoniam verò Sacramentum Regis abscondere bonum est, opera autem Dei reuelare & confiteri honorificum est, tuam Deus, in genus humanū benignitatem, creationis, redemptionis & sanctificationis beneficia, prædicare quidem pro magnitudine rerum, satis dignè non possumus; illud tamen palam confitemur; Tu es Deus, qui facis mirabilia magna solus, Benedictum sit nomen maiestatis tuæ in æternum: repleatur maiestate tua omnis terra. Sed quomodo heu, miseri te laudabimus, quomodo pro collatis in nos beneficijs gratias agemus; cum peccati lepra simus infecti, quales tu exaudire non vis, quibus vix sempiternum denuntiatur Non habemus, Dñe, non habemus quò nos vertam9 Cū leprosis igitur illis, stantib; à longe per peccati deformitatē à te elongati, & tamē ante te humiliati, voces nr̄as ad te leuam9, illud solum clamantes. Jesu præceptor miserere nostri. Laua nos

Tob. 12.

Psal. 135

Psalm. 17

Ioan. 9.

4. Exo. 15

*Pfal. 50
Leu it. 13.*

ab iniquitate nostra, & à peccato nostro munda nos. Munda nos à lepra hac volatili, vt ne deinceps à vitio in vitium prolabamur, sed per humilitatis spiritum, orationis assiduitatem confessionis peccatorum frequentiam, ab inhaerentis morbi turpitudine recreati, te semper laudemus, & cum Samaritano illo ante pedes tuos procedentes, tibi debitas gratias referre valeamus.

DÆMONVM IN PORCOS EXPVLSIO.



Quo ducit quemq; voluptas.

*Luc. 9.
Comment.
in Luc. l. 6*

Vir ille ab immundis spiritibus vexatus, populi gentilis, vt Ambrosius testatur, typum gerebat : qui nudus (ad omnes videlicet vitiorum & idololatriæ errores obiectus) multis temporibus: à diluuiò vsq; ad aduentum Dñi, furore dementi corripiebatur. Adueniente autem Christo cū legio illa dæmonum, nec cœlestis illius luminis claritatem sustinere, nec bonos etiam ad eó facillè deprauare posset, in porcos

se mitti

se mitti petit, scilicet in eos, qui more belluarum, voce rationeque carentium, lutulentis vitæ suæ actibus, naturalium coinquinat ornamenta virtutum; qui tanquam de superioribus ad inferiora per improbitatis declivæ protrusi, inter validos huius mundi fluctus, suffocantur. Videmus igitur, quia homo ipse, sibi auctor est ærumnæ. Nam nisi quis porci more vixisset, nunquam accepisset in eum Diabolus potestatem, aut si accepisset; non ut perderet, sed probaret. Zacharias venturi Christi virtutem cum videret, prophetico spiritu prædixit inquiring.

Et erit in die illa dicit Dñs exercituum, Zach. 13.
 disperdam nomina idolorum de terra, & non memorabuntur ultra; & Prophetas & spiritum immundum auferam de terra.



Cum spiritibus immundis à Christo potestatem in porcos immigrandi concessam audiuimus; non mediocriter

Matth. 7.
Rom. 9.
I. Tim. 2.

In Epi. ad
Constant.

Psal. 60.
Psal. 36.

2. Cor. 4.

terreri & ad vitæ melioris amorem tanti periculi denuncia-
tione incitari debemus. Hinc enim apparet homines eos,
qui porcorum more in turpi mundanarum voluptatum luto
voluntantur; Diaboli esse domicilia; quorū non aliū finis est,
quam sempiternus interitus, quandoquidem in mare illud,
in cuius profundū omnia peccata proijciuntur, miserè præ-
cipitantur: vt vasa iræ in interitum apta, & in contumeliam
parata dici meritò possint; cum nulla maior corā Angelis Dei
ad que impiam calamitas & ignominia possit peruenire, quā
si quis eius se factum habitaculum videat, qui totius turpi-
tudinis & dedecoris auctor atq; architectus est. Neq; enim
Sathanas alibi libentius commoratur, quā ibi vbi officinā
nequitiae, & peropportunum libidinum suarum diuersoriū
se nactum videt. Quo maior cautio nobis est adhibenda, vt ne
locum huic apud nos esse velimus, à quo non solum summa
contumelia, sed perpetuum quoq; animæ exitium ad nos
promanat. Acri cum primis nobis hic iudicio vtendum est, &
diligenter examinandum, num sancti spiritus, an verò Satha-
næ receptacula; vtum vel in honorem vel in contumeliam
vasa præperata simus. Intueatur vnusquisq; semetipsum, in
quam partem potius propendat virtutisne an voluptatum
rationem maiorem ducat, angustāne vitæ semitam, an la-
rum mortis iter sequatur. Conscientia id cuiusq; dictabit.
Seipsum enim vnusquisq; & animum suum seuerum iudicē
sui vltorem sceleris & vindicem criminis habet ait Ambrosi-
us. Ergo qui nec rationem deceptam, dum ab vnitāte fidei
non recedit, nec voluntatem peruersam, dum Diuinis præ-
ceptis non repugnat, nec memoriam ingrātitudinis vitio in-
quinatam habet, bonum is se Deo habitaculum parasse nouerit.
Vas est in *IN HONOREM* sanctificatum & vile Domino,
ad omne opus bonum paratum. Inhabitat in eo gratia &
virtus spiritus sancti, cuius alarum velamento protegetur
vt non confundatur in tempore malo. Porro ne quis nimia
confidentia laboret, nouerit se thesaurum istum in vasis fi-
ctilibus habere, vt sublimitas sit virtutis Dei, & non ex no-

bis. Quamobrem sedulo provideat, ne vas istud constringatur. Diligenter omnes peccatorum occasiones vitet, quorum uidore purissima hæc columba, quæ simplicitate mansuetudinis humanas mentes afflat, facile propulsatur. Sciat vnusquisq; vas suum possidere in sanctificatione & honore, non in passione desiderij sicut & gentes quæ ignorant Deum. Admissa semper peccata detestatur, vt à futuris ablineat; præsentia sancti spiritus commoda, pulchritudinemq; cogitet, vt & Diaboli tentationes facilius eludat, & in summi istius boni possessione permaneat: quæ si priuatur, desideria negligentiaq; suæ factum hoc imputare debet, cum dona sua Deus nemini, nisi nolenti & ingrato, subtrahere solet.

Ego verò summè Deus, me vas illud omni bono vacuum, innumeris autem peccatorum sordibus ita refertum esse agnosco, vt cum spiritum sapientiæ, more fatui illius tenere nequeam, ad contumeliam potius quam ad honorem destinatus videar: Sed quoniam & omnipotens es, & miseris te inuocantibus non potes non misereri, te suppliciter peto, vt me vilem & abiectam creaturam tuam; non vas iræ, quam infœlix ego homo sæpissimè prouocaui, sed vas in quo immensam potius misericordiam tuam ostendas, me velis esse. Non est apud te impossibile omne verbū. Vas igitur cordis mei sic immuta, vt ex illo carnalis desiderij fomite propulsato, spiritus sancti templum efficiatur. Fateor Dñe me tali tantoq; hospicio dignum non esse; sed præparet ille, potens est enim, mansionem in me sibi: vitia extirpet, virtutes augeat. humilitate ornet, charitate illustret. Utinam vas illud, in quo mœna Aaron recondidit, ego efficiar; vt mentis corporisq; mei tabernaculum ita purum sit in quo cœlestium virtutum omnium thesaurus seruari possit. Ne patiaris Clementissime Deus, me Sathanæ immundi receptaculum fieri, sed à te creatum, pretioso filij tui sanguine ablutum, radio Sancti Spiritus illustra, vt non nisi quæ tibi placita sunt, cogitem, loquar & ad sanctissimi tui nominis gloriam, omnes vitæ meæ actiones semper dirigere festinem.

1. Thes. 4.

Eccli. 21.

Exod. 16.

PANIS MVLTIPPLICATIO.



Sufficient lenire famem.

Ioan. 6.
In Ioann.
Tract. 24.

Historiam Euangelicam de quinque panibus hordeaceis, quibus hominum quinque millia sunt à Christo satiata, explicans Augustinus; per quinque panes illos, quinque Moysi libros intelligi posse scribit, qui cum literam veteris testamenti carnalium sacramentorum tegumentis vestitam contineant; hordeo (cuius medulla, palea quasi velis quibusdam obtenditur) assimilantur. Puer autem ille populus erat Israel, qui sensu puerili scripturas ferens illas non manducabat. Posteaquam verò Christus venit & Sacerdotis & Regis personam, per duos pisces hic expressam, in se portans, panes illos frangi iussit, qui frangendo multiplicati sunt; quandoquidem quinque libri Moysi, dum post Christi aduentum scisso iam velo, exponuntur, quasi frangendo in multos iam libros, exercuerunt. Porro numerus pasti populi, pabulum sub lege, quæ Moysæ quinque libris explicatur, constitutum significabat: qui quod super sænum discubuit, cum omnis caro sœnum dicatur, in carnalibus tantum quieuisse intelligendus est. Superfuerunt itaq; fragmenta, secretiora videlicet scientiæ, quæ multitudo ille capere non potuit, quibus colligendis Apostoli primum, deinde Episcopi & Sacer-

Esa. 40.

mira-

dotes sunt delignati: vnde 12 Cophini sunt impleti. Umbra miraculi in Eliseo præcessit, qui viginti panibus hordaceis, viros 100. satiaturus, quendam alloquitur.

Da populo vt comedat, Hæc n. dicit Dñs, Comedent & supererit. Posuit itaq; coram eis, qui comederunt & superfuit iuxta verbum Domini.

4. Reg. 4.



PAbulum quo nos per sacerdotes suos Christus Dñs in hac peregrinatione militiæ nostræ mirabiliter refecit, doctrina est spiritualis & verbum Dei: quæ quidem: refectio cum vt scribit Ambrosius, saginet animam & impinguet viscera, cibus animæ aptè congruenterq; dicitur. Nec enim in solo pane viuit homo, sed in omni verbo quod egreditur de ore Domini. Quanto igitur corpori anima dignitate præstat, tantò maiorem nos adhibere curam conuenit, vt ne suus cibus, sine quo viuere non potest, animæ subtrahatur. Assuescant aures assiduitate quotidiana diuinis eloquijs audiendis: quodq; verbum ex ore sacerdotis exire audiuerint, id ad cordis interiora ita transmittant, vt homo Christianus in omni virtutum genere semper proficiat. Eo siquidem animo ad au-

In Serm.
de Quadr.

Deut. 2.

diendum verbum Dei veniendum nobis est, vt quilibet quasi delapsam de cælo regulam habere possit, ad quam totius vitæ suæ actiones dirigat: quam ad rem mentem primum ab omnibus mundi curis vacuam, deinde verò ita preparatam afferre debet, vt quicquid audierit, id ad se diuinitus delatum nouerit, ad quod agendum non illico inflammarî nefarium scelus arbitretur. Habet enim eam vim Dei verbum vt non solum mentis humanæ tenebras, abdita deregendo, illuminet; sed etiam charitatis desiderium inspirando, corda adurat inflammâtq; vt scintilla quæ cum silicis & ferri attritu fuerit excussa, ignem producere solet, comparari non ineptè possit. Et libri quidem sacræ scripturæ, lapides sunt Syon, qui placent seruis Dei; ferrum autem fortis est & patiens legis Diuinæ Doctor, qui interiores & reconditos scripturæ sanctæ sensus scrutatur & excutit. Ex his igitur, velut è ferro & silice scintilla, elicitur doctrina spiritualis: sermo videlicet scintillæ, ad commouendum cor nostrum, vt amore Dei ac proximi sensim flagrare incipiat, quemadmodum ab vna scintilla ignis augeri consuevit. Maxima sanè in sacris literis vbiq; sunt recondita mysteria, quæ intellecta non minus ad rectè credendum quam ad pie viuendum conducunt, vt non absque causa seruator ipse nos admonitos voluerit. **SCRUTA MIN I**, inquit scripturas: illæ sunt quæ testimonium perhibent de me. Si litteram spectes, dura tibi flex scriptura videbitur: at vbi, Dei spiritu adiutus, excutere scutariq; diligentius singula cœperis; mirabilem quandam vim in ea latere reperies, quæ delectationis habeat multum, & admirabili suauitate animum deliniat. Cauendum ramè est, ne in scripturis interpretandis suo aliquis ster iudicio, cum primis enim id periculosum esse, tot Hæretes nostro sæculo, ab inferis reuocata, documento sunt: quarum qui fuerunt auctores, id tibi tribuere & arrogare veriti non sunt vt se solos intelligere & sapere plusquam Ecclesiam vniuersam arbitrarentur, In qua mentis eorum elatione posteaquâ pertinacia innata fuisset, ad id deuenerunt, vt dicentes se esse sapi-

entes

Psal. 101
Ierem. 1.

Eccl. 11.

Ioan. 5.

Rom. 1.

quæ non solum nostrum possunt lauare delictum; sed etiam
 verbi cœlestis rigare vestigium, vt gressus in nobis eius exu-
 berent. Bonæ lachrymæ, in quibus non solû redemptio pec-
 catorum, sed etiam refectio est iustorum. Porrò vnguentum,
 quo pedes Dñi vnguntur, ait Augustinus, iustitia fuit, ideo
 libra fuit. Erat autem vnguetum nardi pistici pretiosi. Quod
 ait pistici. locum aliquem credere debemus, vnde hoc erat
 vnguentum preciosum, nec tamen hoc vacat, & Sacramen-
 to optimè consonat πικρὴ Græcè fides dicitur. Quærebas o-
 perari iustitiam, iustus ex fide viuit; vnge pedes IESV, benè
 viuendo, Dñica sectare vestigia; Capillis terge: si habes super-
 flua da pauperibus, & Dñi pedes terfisti. Capilli enim super-
 flua corporis vidètur. Habes quod agas de superfluis tuis. Ti-
 bi superflua sunt, sed Domini pedibus necessaria sunt. Fortè
 in terra Domini pedes indigent; de quibus enim nisi de mè-
 bris suis in fine dicturus est? Quod vni ex minimis meis fe-
 cistis, mihi fecistis. Superflua vestra impendistis, sed pedibus
 meis obsequuti estis. Domus autem impleta est odore mun-
 dus impletus est fama bona. Nam odor bonus fama bona est,
 Rectè itaq; illud sibi Maria potest vsurpare, quod in Canti-
 cis scriptum legimus;

*Dum esset Rex in accubitu suo; nardus mea
 dedit odorem suum.*



Pœnitentia.

*Aug. in Io-
 an. Tra. 12*

*Abac. 2.
 Rom. 1.*

PHœnicis eam esse naturam pleriq; tradiderunt, vt postea-
 quam se diuturnitate ætatis, quasi sensim extingui ani-
 maduerit: in rogam è lignis odorem spirantibus con-
 gestum, qui vento calido flante accenditur, ipsemet ascendat,
 atq; ita combustus in cineres redigatur: è quibus toto triduo
 vermiculus quidam enasci, paulatim plumis obduci, & in a-
 uem eiusdem generis transformari dicitur. Phœnix igitur
 hinc symbolum pœnitentiæ quoddã esse videtur. Homo nan-
 que ille qui ab innocentia paruulorum recedendo, diesq; lu-
 os in bonis, quæ cito transeunt, ducendo ad eam peccati ma-
 turitatem deuenit, vt consenuisse in turpitudine quodã mo-
 do videri possit, si seriam procurandæ suæ salutis cogitatio-
 nem suscipere vult, prouidere debet, vt si amore illo qui fili-
 orum est, ad diligendum Deum, honestatemq; sectandã nor-
 mouetur, saltem timore periculorum aliquo ad id faciendũ
 inducatur. Quamobrem ex assidua tum iustitiæ Diuinæ con-
 templatione, tum mortis suppliciorumq; æternorum medi-
 tatione (quarum rerum odor mentes propius afflare solet)
 veluti nidum quendam, in quo mens ipsius, dum tentationi-
 bus oppugnatur, conquiescat, sibi præparet. Ita enim futurũ
 est, vt spiritus sancti flatu superueniente, virtutem accipiat,
 qua adiutus, licet à timore cœperit, in ardenti amore desi-
 derium suæ in Deum charitatis terminare possit. In timore
 itaq; & amore Dei fundatus; compunctione seruenti, iustoq;
 pro peccatis dolore concepto, adustus, in humilitatis cinere
 redigetur. ex qua quidem humilitate (posteaquam triduum
 illud pœnitentiæ, in deuota cordis contritione, pura oris
 confessione, debitaq; operis satisfactione fuerit transactum)
 nascetur vermiculus ille cor scilicet mundum & spiritus re-
 ctus, qui virtutum omnium ornamentis, quasi pennis qui-
 busdam decoratus, in volucrem, virum scilicet perfectum &
 ad cœlestia semper euolantem transformabitur: vt veteri ho-
 mine cum vitijs & concupiscentijs suis deposito, nouum in-
 ducat, omnemq; vitæ suæ rationem ad honestatis & virtu-
 tum amorem reuocet. Atq; huc quidem paulus apostolus re-

spexisse videtur, cum Ephesios moneret inquiring; **RENOVA-**
MINI spiritu mentis vestræ & induite nouum hominem qui
 secundum Deum creatus est, in iustitia & sanctitate verita-
 tis. Nihil hac renouatione spiritus mentis nostræ vtilius, nihil
 ad immortalitatis gloriam consequendam magis est neces-
 sarium. Hoc enim illud vnum est, quod eligere cum Maria
 debemus, vt omnibus curis sæcularibus postpositis, secus
 pedes Domini sedeamus, & lachrymas ad abluenda peccata
 nostra fundere ne intermittamus. Digna pœnitentia facien-
 da tenebrarum autem abiicienda sunt opera, vt induamur
 arma lucis, quibus muniti aduersarij possimus impetus re-
 tardare. Dolor, gemitus, lachrymæ, corporis afflictio pro-
 priæ cupiditatis ablegatio præcedat opus est; si lætari exul-
 tare Christoq; conregnare volumus. Veniat nobis in mentem
 illius mulieris peccatricis, quæ humilitatis via, lachrymis,
 suiq; abrenunciatione, illud quod maxime desiderabat, est
 affectura, vt illam vocem solatiij plenam mereretur audire, Re-
 mittuntur tibi peccata. Phœnicem iam vides Mariam quæ
 vetustate peccati exuta, renouata est ad vitam; quodq; de
 illa canit Ecclesia, in vas translata gloriæ, de vase contume-
 liæ: O quam beata est illa, cuius remissæ sunt iniquitates, &
 resecta sunt peccata? Quam beata, cui non imputauit Deus
 peccatum nec est in spiritu eius dolus? Hanc igitur quam
 tantum pœnitentiæ fructum videmus reportasse, sequamur &
 nos. Seminemus in lachrymis, vt in exultatione metamus
 Seminemus in spiritu, vt de spiritu quoq; metamus vitam æter-
 nam. Dum peccatis nostris nos offendisse doleamus; In
 tribunal mentis tuæ ascende contra te, inquit Augusti-
 nus, & reum te constitue ante te. Noli te ponere post
 te, ne DEVS te ponat ante te. Si nos semetipsum diudica-
 bimus, non vtiq; iudicabimur. Ergo dum tempus habemus
 operemur bonum & illud sedulo prouidamus, vt malefactorum
 nostrorum pœnas hinc à nobis ipsi exigamus. Futurum enim
 est quicumq; id fecerit, vt, sicut quodam loco scriptum idē Augu-

Ephes. 4.

Luc. 10.

Act. 26.

Rom. 13.

Psal. 31.

Psal. 125.

Galat. 6.

In lib. de
vtil. agen.
pœn.


1. Cor. 11.

us reliquit Iustitia de cælo prospiciens dicat; Parcamus huic homini, quia ipse sibi non pepercit: agnoscamus: quia ipse agnoscit. Conuersus est ad puniendum peccatum suum, conuertar & ego ad liberandum eum.

Dan. 2. Domine qui mutas tempora & ætates, transfers regna. & constituis, das sapientiam sapientibus, & scientiam intelligentibus disciplinam; oculis misericordix tuæ respice super nos, qui peccatis onusti, & dierum malorum inueterati, defecimus in ira tua, & in furore tuo turbati sumus: innoua dies nostros sicut à principio, vt vetustate peccati abiecta, in nouitate vitæ ambulemus. Pœnitens cor & imbrem lachrymarum nobis tribuè; vt peccata nostra descentes, è principis tenebrarû potestate erepti, ad lumen regni tui perducamur. Da sapientiam hanc nobis, vt videre possimus quomodo caute ambulemus non quasi insipientes, sed vt sapientes redimentes tempus, quoniam dies mali sunt. Infunde pectorib9 nostris scientiam, vt in vanitate sensus nostri tenebris obscuratum habeamus intellectum alienati à vita Dei per ignorantiam; sed potiùs scientes & intelligentes voluntatem tuâ, eam exequamur, peccata verò admissa profunditate luctus, & lachrymarum vi iugiter abluamus. Effice misericors Deus, vt pœnitentiam, quæ ligata soluit, densa referat, aduersa mitigat, contrita sanat, confusa lucidat, desperata animat, semper agentes; maiestati tuæ, mente pura, corpore casto, seruire perpetuò mereamur.



TRANSFIGVRATIO.

*Novitate extrusa vetustas,*

IN Historia transfigurationis Dñi splendor ac maiestas immortalitatis, nobis ob oculos ponitur. Quod enim post dies sex, discipulos tres assumpsisse & in montē excelsū duxisse *I E S V S* scibitur, post decursū sex ætatum mundi, altitudo cælestis & æternæ illius gloriæ nobis apparitura significatur: quam tamen ex tot vocatis, pauci tantum electi (paruo trium discipulorum numero hîc expressi) consequentur. Candor vestimentorum Christi, qui niue dealbabuntur in Selmon, sanctos æternæ sælicitatis splendore vestiendos indicat. Per Moysen lex vetus, per Heliã Prophetarū oracula, à quibus duobus Christo Dño testimonium tribuitur possunt intelligi. Dum autem Petrus tria vult collocare ta-

Matt. 17.

Psal. 67.

de Chri
V. β. Hō. 10
sōn Martii.

1. Cor. 15.

2. Cor. 5.

Isa. 58.

bernacula, IE S Vvnum, Moyfi vnum, Helix vnum; legem scilicet, Prophetas, & Euangelium quæ non possunt ab inuicem separari, seiundur; ecce nubes lucida, quasi vno tabernaculo legem Prophetas & Euangelium (quæ nisi simul habitauerint concordiam habere non possunt) includēs, obumbravit eos. Nubes illa, gratia est spiritus sancti, solem iustitiæ Christum circumdans, è qua vox Patris erumpit. Hic ergo S. Trinitatis mysterium ostenditur: in quam credentes saluamur; cuius gloriam, posteaquam corruptibile hoc induerit incorruptionem, & mortale hoc induerit immortalitatem, reuelata facie specularimur, in eandem imaginē transformati à claritate in claritatem, tanquam à Dñi spiritu: vt quemadmodum nunc de Christo, ita tunc de quolibet, suo quodam modo illud Esaiæ meritò dici possit;

Tunc erumpet quasi manè lumē tuū, & sanitas tua citius orietur, & anteibit faciem tuam iustitia tua, & gloria Domini colliget te.



Quod

Quod ab Augustino scriptum legimus : Tantam esse pulchritudinem iustitiæ, tantam iucunditatem lucis æternæ, ut etiam si non liceret in ea amplius manere quam vni9 diei mora propter hoc solum innumerabiles anni huius vitæ pleni delitijs & circumfluentia bonorū, temporaliū rectè meritoq; contemnerentur: id longè verissimum esse quilibet iudicabit, qui Petri desiderium. quo ut in monte Thabor est Christo maneret, vehementer æstuabat, paulo diligentius fuerit contempletus. Nec enim absq; causâ illud dixisse credendus est; Domine, bonum est nos hic esse : si uis faciamus hic tria tabernacula. Nimirum videbat in facie Christi resplendente tantam dulcedinem voluptatis, tantam in vestimentis ipsius albescensibus maiestatis sublimitatem. ut omnibus, quæ in vita solent esse iucundissima posthabitis, angustum in vni9 montis parte tabernaculum, prætorius orbis machina sibi deligere satius esse duceret, dummodo beatitudinis æternæ felicitate, quam tunc primum degustare cœperat, frueretur. Exprimitur itaq; nobis, in Perro, iustorum desiderium, qui de bona conscientia securi. dissolui & esse cum Christo cupientes, cœlestis gaudij pulchritudinem ob oculos ponere consueverunt; qua quidem re id assequuntur, ut & à vitijs recedant, & si quas hic difficultates molestiasq; perferunt, eas summi boni illius recordatione patienter moderatèq; ferre discant cum non ignorent brauium non nisi currentibus, coronam autem ijs qui legitime certat, esse præparatam. Quæ autem sit illa, cuius potiundæ spe ducimur omnes pulchrè D. Bernardus explicat. Duodecim ea stellarum est; quarum prima Memoria dicitur sine oblivione; Secunda, Ratio sine errore; Tertia, Voluntas sine omni perturbatione; quarta, Impassibilitas in qua corpus nostrum surget sine corruptione; quinta Claritas qua cõfigurabitur claritati corporis Christi. Sexta Agilitas, ut secundum mobilitatè cogitationū nostrarū sit agile; Septima, subtilitas, ut quantumlibet spissum vel solidum possit penetrare. Octava diligere proximum suum in omni veritate tanquã seipsum;

*Li. de mor.
rib.*

Matth. 17

*Bernar. in
quodã ser.*

Apoc. 12.

Nona est videre proximum suum in puritate diligentem se, sicut diligit semetipsum. Decima est, Deum perfecte diligere, sed plusquam seipsum. Undecima diligere seipsum tantummodo propter Deum. Duodecima est Videre Deum diligentem se supra quam diligit seipsum. Hæc est illa gloriæ Corona in manu Dñi, & diadema regni in manu Dei nostri, qua Syon cœlestemq; illam Hierusalem animam videlicet fidelem ad immortale gaudium, vocatam, decoraturus est, cuius, quò maiorem excellentiam præstantiamq; videmus, hoc vehementiori desiderio teneri, & ad consequendam illam concitatori cursu ferri debemus. Hoc enim est, quod vas electionis Paulus nos admonet, inquit, sic currite VT COM-

Isai. 26. **PREHENDATIS.** Curramus & in omni virtutum genere, proficiamus, oportet; Si comprehendere volumus, quæ præparauit Deus ijs qui diligunt illum, quod oculus non vidit, nec auris audiuit, nec in cor hominis ascendit. Non minus desiderium in sitiendo, quam velocitatem cerui in currendo debemus imitari, vt, cum apparuerit princeps pastorum percipiamus immarcescibilem gloriæ coronam. Quemadmodum desiderat ceruus ad fontes aquarum, ita desideret anima nostra ad Deum. Siat anima nostra ad Deum fontem viuum, fallacis mundi delectatione reiecta. Quid enim aliud mundus hic est, si cum cœlesti gloria comparatur, quàm summa siccitas, quæ celeriter omnia quæ tibi florere videntur, deficiat, arefacit, & in nihilum redigit? Quid aliud concupiscentia mundi, quàm puteus sine aqua, refrigerium sine umbra, suauitas sine dulcedine? Ad Deum totius beatitudinis fontem, qui nunquam deficit, fessos reficit, languidos corroborat, euolandum nobis est. Ibi mens nostra omnis cogitatioq; defigenda est, vbi non caduca sed æterna, non fluxa sed firma sunt gaudia. Quamobrè cū unicuiq; data sit manifestatio spiritus ad vtilitatem; ea bona sibi quisq; maxime comparare studeat, quæ, cum in ipsa virtute versentur, suo tempore, magno sibi commodo futura videt. Vbi thesaurus noster est, ibi & cor nostrum. In cœlo thesaurus noster repositus est; in cœlū

igitur

igitur aciem mentis nostræ semper intendamus, vt inter eos connumerari possimus; qui beati habitât in Domo tua Dñe, & in sæcula sæculorum laudant te.

Miser igitur ego homo, positus in hac lachrymarum valle, ad te Dñe Deus, ad eamq; deliciarum regionem suspiro, vbi certa est securitas, secura tranquillitas, tranquilla iucunditas, scelix æternitas, æterna fœlicitas: vbi amor perfectus, timor nullus, dies æternus, alacer morus, & vn9 omnium spiritus. Concupiscit anima mea ire in tabernacula tua, deficit præ contemplatione tantæ fœlicitatis. Sed dum Prophetam te interrogantem audio; Domine quis habitabit in tabernaculo tuo, aut quis requiescet in monte sancto tuo? Te verò respondentem considero; Qui ingreditur sine macula & operatur iustitiam; Heu terreor miser, totus conturbor. Iniquitates enim meæ supergressæ sunt caput meum, & sicut onus graue grauatæ sunt super me Hoc onere pressus, ad mortem sanctum tuum ascendere non valeo. Hac Sarcina grauatus in altissimum illud gloriæ tabernaculum introire, non possum, Dñe non possum. Ecce coronam video, quæ datur pro cinere; oleum gaudij, quod datur pro luctu; pallium laudis, quod datur pro spiritu mœroris At ego non in pœnitentiæ cinere sed in delicijs mundi, non in luctu, sed in volupratibus non in spiritu mœroris, sed in elatione superbiæ, semper sum turpiter volutatus. Num hanc coronam, quæ cineri tantum, luctui, mœroriq; debetur, ego mihi polliceri audebo; qui pœnitentiam agere distuli, corpus istud non castigavi, in seruitutem non redegei? Si iustitiam tuam specto, perdidici coronam; si magnam misericordiam tuam cogito quod amisi inuenire spero Quod vt assequi tua benignitate possim, obsecro Domine aufer iniquitatem serui tui, quia inspicienter egi. A peccato meo munda me. Gratiam hanc mihi clementer concede vt ne adin: rescant ignorantia meæ & multiplicentur delicta mea, & peccata mea abundant, sed doce me facere voluntatem tuam. Perfice pedes meos tanquã ceruorũ, vt viam mandatorum tuorum celeriter currendo, super ex-

Psal. 83.

Prosper :
vita cont.

Psal. 14.

Psal. 37.

Isaie. 61.

1. Par. 31

Psal 50.

Eccle. 23.

Psal. 17.

clsa tua statui, & torrente voluptatis tuæ portari, mereat.
PARVVLORVM PRÆSTANTIA.



Vita monstrata via.

Matth. 18

in caput

Matth. 18

Ostenfurus Dñus modum & rationem, ad propositum æternæ gloriæ finem perueniendi, paruulum in medio discipulorum statuit, inquit; Nisi conuersi fueritis & efficiamini sicut paruuli, non intrabitis in regnum cælorum, Quem Euangelij locum explicans Hieronymus; Non præcipitur inquit, Apostolis, vt ætatem habeant paruulorum, sed vt innocentiam: & quod illi per annos possident, si possideant per industriam, vt malitia non sapientia paruuli sint. Ac si dicat; sicut ille paruulus (cuius vobis exemplum tribuo) non perseuerat in iracundia, non læsus meminit, non vidēs pulchram mulierem delectatur, non aliud cogitat & aliud loquitur. sic & vos nisi talem habueritis Innocentiam & animi puritatem, non poteritis in regna cælorum intrare.

Porro

Porro, si quæ virtus alia, nobis humilitas in paruulis maxime commendatur: quam cum cæterarum virtutum fundamentum esse dicat Bernardus, curæ nobis esse debet, vt actionum nostrarum omnium radices, in ea potissimum defigantur. Gradus & ascensus est ad celsitatem, humilitas: quæ qui assequitur, is demum paruulus ascendens est; is cœleste regnū sibi promissum nouerit, iuxta illud quod in Prouerb. libro legimus;

Humilem spiritum suscipiet gloria.



SI quando Apostolos antequam spiritus sancti donum, accepissent, humanum quid passos legimus, vt dum quis eorum esset maior in regno cœlorū, secū contendere scribūtur, instruendi nostri causa Chriſtū Dñum id permisisse debemus existimare Paruuli enim, cuius exēplo ad humilitatē discipulos incitaret, in medio eorum statuendi occasionem maiorem habuit. posteaquā de præcellētia illos cogitare ani-

maduerit.

De Confir-
rat. lib. 5.

Prouc. 29.

Matt. 17.
Mar. 9.

maduertit. Quemadmodum itaq; è paruulo illo humilitatē,
 ita ex hac quadam Apostolorum inter se concertatione, hu-
 manarum rerum contemptum discere debemus. Neq; enim
 illis de honore, gloria vel vana istius sæculi pompa sermo fu-
 it, sed licet adhuc in corpore isto mortali constituti essent,
 cœlestium tantū rerū contemplatione occupabatur aquilas
 cæca in re imitati; quæ vbi corpus esse sciunt, eò libenter cō-
 uolare feruntur. Ostensa iam illis fuit maxima, & certa spes,
 tanquam fortissimis militibus, amplissimorum in cœlis præ-
 miorum: sibi ergo animo cogitationeq; conuertebantur, vbi
 perfectum gaudium, fœlicitatem æternam, quietem sempi-
 ternam esse videbant: qua ex re mirabilis humanarum rerū
 contemptio, cupiditatumq; prauarum despicientia in illis
 nascebatur. Ex illis itaq;, quos veluti Duces quosdam agno-
 scimus, factorum nostrorum exempla petere debemus, vt &
 ipsi non temporaria sed æterna, non falsa sed vera gaudia se-
 quamur. Abducendus est animus à presentium voluptatum
 blanditijs à quibus quo remotior fit, hoc ad virtutem ipsam
 ad Deum, & ad supera cœlestiaq; propius accedit. Eam esse
 naturam aquilæ tradūt, vt pullos suos in nido perpetuò de-
 litescere ferre non possit; sed ad volandum eos prouocet, no-
 lentes autem rostro seriat, cibum illis neget, atque ita nido
 compellat euolare; quò altius eleuati, solis pulchritudinem
 facilius iutueri possint. Idem & nos facere decet. Omnis est
 adhibenda opera; vt ne semper in carnalium desideriorum
 nido (quod quanto molliùs substernitur, tanto citiùs aduer-
 sitatum flammis consumitur) hæreamus; sed sensus potiùs
 nostros, ab ijs quæ citò pereunt, ad lucis æternæ gaudia con-
 tēplanda traducam9: repugnantes autē, ieiunijs, vigilijs,
 orationibus, afflictionibus maceremus, conficiamus, castige-
 mus, & vt spiritus obediant, in seruitutem redigamus. Quod
 Angelus ille terrestris & homo cælestis Paulus Apostolus
 nos facere vult, vt si cum Christo confurreximus, quæ sur-
 sum sunt quæramus, quæ sursum sunt sapiamus, **NON QUÆ**
SVPER TERRAM. id vt exequamur prouidendum nobis est.

abus

deus qd dicitur
 vi id dicitur ad uirg.

Colos. 3.

Sursum, aquilarum instar, euolare; cœlestia sola meditari dubius alis, Dei videlicet & proximi charitate ad superiora ferri nos oportet. Quid enim Christus passus & mortuus nobis profuerit; si membra nostra quæ sunt super terram non mortificamus, si paruuli non efficimur, si ad cœlestia non euolantes, exiguo tantum istius mundi nido circumscribi velimus? Discamus inquit Ambrosius, in hoc mundo supra mundum esse, etsi corpus gerimus, volitet in nobis alis interior. Quid enim est mundus hic? Citò præterit illius figura; concupiscentia illius transit. Asperitatem habet verã, vt quodam loco scribit Augustinus, iucunditatem falsam, certum dolorem, incertam voluptatem: durum laborem, timidam quietem: rem plenam miserix: spem beatitudinis inanem. Contemnatur igitur à nobis, conculcetur, & proteratur mundus; coniungamus autem nos Deo, vt crescat in nouissimo vita nostra.

Domine, qui timentibus te occurrere mala non permit-
tis, & in tentatione illòs conseruas & liberas à malis, da nobis
timorem & amorem tuum: vt fallacis mundi insidias deu-
itare, illecebras turpitudinum fugere, noxias cupiditates
exterminare, spernere & reijcere te adiuuante possim. Sis no-
bis sicut aquila prouocans ad volandum pullos suos, & su-
per eos volitans. expande alas & assume nos, atq; porta in
humeris tuis. Inspira nobis pias & sanctas cogitationes, quæ
à voluptatum mundi istius nido nos auocent, in dulcedinis
amorisq; tui admirationem rapiant, à noxijs præseruent, cu-
stodiant, protegant. Libera nos, secundum multitudinem
misericordiæ nominis tui, à rugientibus præparatis ad escã,
de manibus quærentium animam nostram, & de portis tri-
bulationum, quibus nos in tentationibus hostis humani ge-
neris circumdare solet. Da nobis cor sapiens & intelligibile,
vt abstineamus à peccatis, & in operibus
iustitiæ successus semper fœli-
ces habeamus

lib. de virg.

Eccle. 2,
Eccle. 33.

Deut. 32.

Eccle. 51.

Eccles. 4.

ADVLTERÆ LIBERATIO.

*Thalamis desponsa pudicis.*

Ioann. 8.

Psal. 105.

Mulier in adulterio deprehensa, & ad Christum adducta gentium significat, Ecclesiam: quæ quamdiu barbara Ethnicorum idolorum superstitione conflictabatur, tandem alteri viro, nempe Diabolo, & errori turpiter adhaerebat: vbi verò Christum agnouit, & ex impietate ad puram veri Dei religionem sanctimoniamq; nefario adulterio, quo in adinventionibus suis fornicabatur, abiecto, demigravit; tū demum conuersa, & vni viro Christo Dño coniuncta, sponsa eius est effecta. Et lex quidem vetus (per scribas & Phariseos abeuntes, qui de iustitia tantum legis gloriabantur, hinc expressa) disparuit; IESVS autem & mulier, Euangelium

vide-

videlicet & Ecclesia, vsq; ad consumationem sæculi manet; quam nulla deinceps tempestatum vis, nullæ Hæreticorum & quorumcunq; infidelium minæ, nulla Ethnicæ idololatriæ libido, à legitimo suo sponso separabit vnquam. Quandoquidem illa sola est, de qua Propheta vaticinatur.

Pro eo quod fuisti derelicta, & odio habita, Isa. 60.
 & non erat qui per te transfret; ponam te in superbiam, seculorum, gaudium in generationem & generationem: &c. & scies, quia ego Dñs saluans te, & redemptor tuus fortis Iacob.



Quamvis anmæ fidelis intersit, optimæ mentis conscientia sustentari, scribarum & Pharizorum exemplo possumus admoneri: qui dum mulierem in adulterio deprehensam Christo adducunt, homines alioquin, audacissimi, angore sollicitudineq; conscientiz cruciati, non modo illa voce

Ioan. 8.

Dñi audita. Qui sine peccato est vestrum primus in illam lapidem mittat, conticuerunt, sed etiam profugerunt. Quomodo enim peccatorem peccatores punirent, qui fortasse in insigniori aliquo ad puniendum vitio vel farentur? Quamobrem ut quisq; se maxime grauatam videt, hoc ad iudicandū de proximo suo tardior, ad commiserandum verò promptior esse debet. Conscientia mille testes, dixit quidā: nosmetipsos in omnibus actionibus nostris siue bonis siue malis, & Deū qui renes & corda scrutatur testes adhibeamus: duo ij mille testium instar nobis sunt, cum nihil horum quæ agimus eos latere possit. In nos ergo potius ipsos, non in aliena vitia, cōiectos oculos habeamus, maximoq; studio caueam⁹, ne quid committamus quod vel Deum inspectorem offendat, vel nos nobismetipsis testibus accuset. Domus quædam esse videtur conscientia nostra: in quam nemini præterquam Deo soli, atq; adeo nobis ipsis accessus patet. Quod igitur alicubi scriptum legimus; præcurre prior in domum tuam; & illic auocare, & illic lude, & age conceptiones tuas, & non in delictis & verbo superbo; hoc quisq; ita sibi dictum arbitretur, ut antequam de aliquo iudicium ferat, ipse domum ingrediatur, vitam actionesq; suas contempletur: ut à strepitu carnalium desideriorum auocatus, Deiq; voluntate, quam in tabulis cordis sui descriptam habere debet, perscrutata, non nisi illa curet, quæ Deo grata, sibi salutaria, proximo autem suo fore vtilia animaduertit. Hac enim ratione, eam sibi ad beatè viuendum securitatem comparabit; ut rectè factorum conscientia fretus, **NEC VI** Diabolarum tentationū, quibus veluti machinis quibusdam animi nostri constantiam semper expugnare nititur, ad peccandum induci; **NEC METU** humano, quo multi tanquam vento vrente percussi ne virtutum fruges producant, retardantur, labefactari possit. Hoc enim est muro aheneo, cuius Poeta lyric⁹ meminit, vallari; puram atq; integram mentem; quæ nullius sibi criminis conscia est, habere. Contemnit illa vanos hominum rumores, perturbaciones retundit, præstat solatia, famam auget, vitam

Quintil.
de cl. 9.

Ecc. 31.

Gen. 41.

Hor. Epif.
l. 1 epist. 1

produ-

producit, aduersa tolerat, prospera secundat, minis non mo-
 uetur, mortem spernit, & ea perfundit, homines voluptate,
 qua in vita nulla maior cogitari potest. Hanc igitur bonæ
 conscientiaē vim considerantes, de tali tantoq; bono conse-
 quendo sollicitos esse nos conuenit. Consequemur autem id
 si peccata cane peius & angue fugiamus, commissa frequen-
 ti confessione abstergamus, & in sola cælestium rerum con-
 sideratione defixos nostræ mentis oculos habeamus. Quod
 præceptum Paulus Timotheo commendauit; hoc & nos dili-
 genter seruemus; vt militemus bonam militiam, habentes
 fidem & bonam conscientiam; quam quidam repellentes,
 circa fidem naufragauerunt. Lubricus enim est ab impieta-
 te & dissoluta viuendi licentia ad fidei naufragium gradus:
 quod nostro sæculo multis Hæreticis euenisse videmus & in-
 gemiscimus, qui dum à concupiscentia sua abstracti & ille-
 cti, largam, conscientijs suis viam sternunt, à fide ad perfidi-
 am, à Christo in Bethleem nato, ad Islebiensem, vel Gene-
 neuensem, vel Tygurinum, vel quemcunq; tandem alium
 Antichristum, cuius verbum pro Dei verbo, & Sancto Euan-
 gelio colunt, magno cum salutis æternæ discrimine, transla-
 ti sunt. Abscondamus igitur nos in angustum illud timoris
 & amoris Dei plenum domicilium: elongemus nos, à pecca-
 to fugientes: maneamus in solitudine conscientiam nostram
 in interiori mentis tabernaculo diligenter examinantes, ra-
 tionem cogitationum, dictorum & factorum nostrorū quo-
 tidie à nobis exigentes: vt si qua in re nos à mandatis Dei re-
 cessisse animaduertimus, lachrymis & dolore pœnitentiæ
 id expiare festinemus: sin autē in virtutib; nos proficere cō-
 tingerit, in cubilibus nostris lætari, proq; tanto beneficio, lar-
 gitori honorum omnium Deo gratias referre valeamus. Ecce
 ego, Dñe, multum in cogitationibus meis conturbor, & fa-
 cies mea mutata est in me. Video enim librum conscientiaē,
 meæ, ex quo iudicabor, secundum opera mea. Video me irā
 indignationemq; tuam prouocasse, legem tuam non custo-
 diuisse, te nō dilexisse proximū non amasse. Video cōsciētiā
 meā tentatam, grauata, conturbatam: videns timeo: timens

I. Tim. I.

Iacob. I.

Psal 59.

Dan 7.

Apoc. 30.

Psal. 102.
Hebr. 9.

doleo. Tu ergo clementissime Deus, aspice dolorem hunc meum, quem quod te patrem benignum filius inobediens offendit, magnum concipio. Non secundum peccata mea facias mihi neque, secundum iniquitatem meam retribuas mihi. Sanguis Christi filij tui Domini nostri, qui per spiritum sanctum semetipsum obtulit immaculatum tibi, emundet conscientiam meam ab operibus mortuis, ad seruiendum tibi Deo viventi. Da ut de nulla re magis cogitem, quam de peccatis meis per poenitentiam expurgandis, per lachrymas abluendis, per voluntariam castigationem in hoc saeculo puniendis: ut mente casta, conscientia pura, fide perfecta illustratus & ornatus, in libro vitae scriptus inueniri, teque cum Sanctis & electis tuis in caelesti illa patria perpetuo laudare & glorificare valeam.

LANGVIDI CURATIO.



Vita reseruat postera.

Languidus ille, quem ad probaticam piscinam trigesimū iam & octauum annum decumbentem Christus Dñs ē grauiissimi morbi; longinquitate ad sanitatem reuocauit, speciem quandam & figuram totius humani generis exprimit: quod post primi parentis lapsum, cū in extremum salutis æteræ discrimen coniectum esset, hominem non habuit, qui diurnam illam infirmitatem ab ipso posset depellere, donec cœlestis ille medicus homo Christus IESVS veniens non iam in piscina quinq; porticus habente, non in veteri lege, quinq; libris Moyfi quasi circumsepta, sed proprio sanguine sordes & morbos illius ablueret, & in integrum restituta illi salute, diceret; surge, tolle grabatum tuum, & ambula, Surge à peccatis & prauis animi motibus recede: grabatum, in quo hætenus delituisti tolle: onus pœnitentiæ pro delictis impositum, lubens siffer: & ambula proficendo in bono; iuxta illud Psalms, Ibunt de virtute in virtutem. De hac istius Euangelici languidi, quin & totius generis humani curatione, illud in Ecclesiastico scriptum, possumus vsurpare.


Est homo marcidus egens recuperatione: plus deficiens virtute, & abundans paupertate: & oculus Dei respexit illum in bono, & erexit eum ab humilitate ipsius, & exultauit caput eius. & mirati sunt in eo multi, & honorauerunt Deum.



Ioan. 5.

Vide Thō.
in cap. 5.
Ioann.

Eccles. II



Correctio Fraternalis.

Ioan. 5.

L Anguidum illum hominem curaturus **JESVS**, quod, num sanus fieri vellet interrogavit: admonitionem ab animo sincero profectã non modò vim maximam ad homines ad meliorem frugem reuocandos habere, sed prorsus necessariam esse, videtur omnibus demonstratum. Multi etenim reperiuntur, qui posteaquam vitijs assuefacti, longo quodam vsu callum obdixerunt, non ferè animaduertunt, in quàm graui periculosaq; versentur infirmitate; Admonitore itaq; egent, qui vt salutis suæ curam suscipiant eos adhortetur, & quantum in ipso firum est, opportuna quoque curandis illis adhibeat remedia. Non satis enim est reprehendisse peccantem, si non doceas recti viam. Admonendi sunt, orandi & nũ sani velint esse frequenter interrogandi. Hoc illud est quod Paulus facere nos iubet inquiring; si præoccupatus fuerit homo in aliquo delicto vos qui spirituales estis, huiusmodi instruite, in spiritu lenitatis Nec verò solis illis qui sacerdotes facti, spiritualem vitam profitentur dictum id videtur; ad omnes præceptum hoc extenditur; Mandauit vnicuiq; Deus de proximo suo Cautos tamen nos hinc esse oportet, ne dum

Col. 1.7.

Gal. 6.

Eccle. 17.

alieno

alieno morbo mederi volumus, & ipsum magis prouocemus & nos in dati scandali occasionem conijciamus. Fraternalis igitur correctio coti, quæ ferrum solet acutum reddere, similis esse debet. Quemadmodum enim lapidi huic, quandoq; aqua superfunditur; ita qui proximum corripit, acre cum primis iudicium in hoc munere feliciter exequendo adhibeat oportet. plenum lenitatis & mansuetudinis; aqua autem crudelitatis & rigoris cuiusdam symbolum est. Prudentia igitur hæc in corrigendis aliorum erroribus requiritur, vt ne qui seueriore obiurgatione deterior fit, huic aqua; qui vero lenitior corrigi nequit, huic oleum apponatur. Variandæ sunt vires, & ingeniorum motus cognoscendi. Porro ad mores, qui nobis in alijs minus probantur, emendandos, hoc plurimum affert momenti, si is, qui aliquem monet, vir bonus sit & dum allos reprehendit, ipse non habeat quod in eo alij merito reprehendant: tum autem ab ira vel odio quæ longissimè remoueatur, ne quicquid dixerit aut fecerit, id ab impetu punientis, non à charitate corrigentis profectum videri possit. Dilige: & dic quicquid voles scribit quodam in loco Augustinus. Charitas sit, quæ arguat, increpet, corripiat: non odium vel maleuolentia. Ametur persona: vitium detestetur. Illi autem qui monentur, quod in Prouerbiornm libro legimus, illius memores esse vicissim debet; Qui odit increpationes inspiens est. Ne sint illusores qui non audiant cum arguuntur. Habeant aures, quæ audiant increpationes vitæ, & in medio sapientium commorabuntur. Monentibus & recta docentibus acquiescant, nec habeant corda superantia duritiem ferri: quod tamen dum acuitur mollior, vt hominum deseruiat vsui. Illius Sancti Prophetæ monitis ducantur, qui ad ea quæ Deo placent nos excitans: Hodie inquit, si vocem eius audieritis, *NOLITE OBDVRARE* corda vestra. Vocem eam domini esse sibi quisq; persuadeat, quoties ab aliquo in charitate fraternali corripitur, ad bene faciendum acuitur, instruitur, expolitur, vtq; à via iniquitatis recedat monetur. Ad hanc vocem obedientia, ad obedientiam

In epist. ad Gal.

Prou. 12.

Ibid. 13.


Ibid. 15.

celeritas accedat, vt qui vocem Diuinam hodie audierit, hodie faciat quod audiuit, hodie exequatur quod iubetur. **Hebr. 13.** Quod ergo Paulus Apostolus facere nos monet, inquit; Adhortamini vosmetipfos per singulos dies. donec hodie cognominatur, vt non obduretur quis ex vobis fallacia peccati, id cordibus nostris infixum sit. Ne velimus ex eorum esse numero qui non audierunt, nec inclinauerunt aurem suam, sed indurauerunt ceruicem suam, ne audierent Dñm, & ne acciperent disciplinā: super quos vniuersa mala se indueturum Dñs pollicetur. Pleni simus dilectione, repleamur omni scientia, vt alterutrum monere, & animas nostras castificantes in obedientia charitatis, in fraternitatis amore, simplici ex corde inuicem attentius nos diligere possimus; scientes quod qui conuerti fecerit peccatorē ab errore viæ suæ, saluabit animam eius à morte, & operiet multitudinem peccatorum.

Domine Deus, qui eos qui exerrant paternè corripis, & de quibus peccant admones & alloqueris; humilitatis & mansuetudinis spiritum nobis tribue, vt si quando in commotione suscitamur ad bonum, excipiamus doctrinam tuam, & relicta malitia credamus, in te Dñe. Da vt in fratre corrigendo, non odium sed charitatem spectemus, ea quæ in alijs reprehensione digna existimamus, ipsi fugiamus, aurē monentibus benignam præbeamus, alios in amore fraternitatis adhortemur, viam prudentiæ doceamus; quò cum illis qui arguunt impios laudari, & super nos vehementem benedictionem apprehendere possimus.



CÆCI NATI ILLUMINATIO.

*Spiritui ne carnea distent.*

Post Adami è paradiso voluptatis, expulsionem, quoscunque natura in hoc iam exilio fingit homines ac creat, eorum animos peccatum ira cœcare solet; vt cæco nato, quem Christus Dñus illuminauit, per similes videantur: quæ illorum cœcitas nisi superna gratia illustretur, in perpetuis tenebris, & sempiterna quadam caligine iacerent. Quamobrem pulchrè Gregorius redemptorem nostrum saliuam luto miscuisse & cæci nari oculos reparasse scribit; vt ostenderet, quod superna gratia carnalem cogitationem nostram per admixtionem suæ contemplationis irradiat, & ab originali cœcitate hominem ad intellectum reformat. Saliuæ nanq; nomine, vt idem alibi testatur, sapor internæ contemplationis intelligitur: quæ ad os, è capite defluit, quia de claritate conditoris, qui caput nostrum est, adhuc in hac vita nos positos, gutta reuelationis tangit, vt illud Esaiæ, non magis ad oculorum quam ad animorum cœcitatem, beneficio seruatoris relaxandam, referri possit.

Ioan. 9.

Isaia. 35.

Deus ipse veniet & saluabit nos. Tunc aperi-
entur oculi caecorum, & aures surdorum pa-
tebunt.



Opera bona

Ioan. 9.

Vox illa Christi, qua cum caecum natum illuminaret, vsus esse scribitur, vade, laua, innuere videtur, Deum semper a nobis cum nos illuminat vel iustificat, aliquid require- re, vt verissimum illud sit; Qui fecit te sine te, non saluabit te sine te. Quamobrem cum caecus ad lauandum ire iubetur, admonemur atq; instruimur nos, vt si ab animae caecitate mudi- dari, & Diuinae gratiae gloriaeque claritate velimus illustrari, prius nos lauemus, nempe ad sordes vitiorum abstergendas, manus ipsi quoque nostras admoueamus, declinemusque a ma- lo & faciamus bonum, scientes quod vnicuique reddet Deus secundum opera eius, ijs quidem qui secundum patientiam boni operis gloriam & honorem & incorruptionem quaerunt vitam aeternam: ijs autem qui sunt ex contentione, & qui non acquiescunt veritati. credunt autem iniquitati, ira

Rom. 2.

& in-

& indignatio. Quò magis detestandus est impius nostri temporis Hæreticorum error, qui dum solam fidem ad æternam salutem consequendam sufficere putant, operibus bonis meritum omne detrahunt, eoq; homines pertrahere velle videntur, vt ne vnquam aliquod opus bonum faciant: quod etiam eorum sequaces sedulo curare, quilibet facile videbit, qui seditiones, bella, templorum deprædationes, virginum Deo dicatarum violaciones, subditorum oppressiones, sacrilegia, homicidia, & alia quæuis abominanda facinora, illis in locis maxime vigere animaduertit, in quibus ab vnitatis cathedra discessum est. Scilicet isti sunt præclari huius noui cuiusdam Evangelij fructus; quod sub scamno latens, quinquaginta ab hinc annis se in lucem nostri temporis Hæresiarcha produxisse gloriatur, vt ne quid boni homines agant, sed fidei soli innixi quiduis agendi libidinem atq; licentiam sibi permittant. Nos verò missos facientes illos, qui Diaboli potius Cacangelium, quàm Christi Euangelium profitentur, eam fidem amplectamur, quam per Charitatem operari scribit Apostolus: cuius quasi mentem pulchrè explicans Hugo, tria dicit esse, quæ ab initio, & ante aduentum Christi, & post, ad salutem obtinendam necessaria fuerunt; scilicet Fides, & Sacramenta fidei, & bona opera; quæ tria ita cohererent, vt salutis effectum habere non possint, si simul non fuerint; Quia nec Fides meritum habet si dum potest operari negligitur: nec bonum opus est aliquid si sine fide fir; & rursus fides operans, hominem sanctificare non sufficit, si eam quæ in Sacramentis Dei constat, sanctificationem concipere contemnit. Hactenus ille. Hæc igitur tria, vt ne ab inuicem separemus, omni cura diligentiaq; prouideamus, Habeamus eam Fidem, quæ à Sanctis maioribus nostris per longâ Episcoporum & Sacerdotum successionem, velut per manus tradita, ad nos vsq; peruenit. Sacramentis ijs vtamur, quæ ex ipsius Christi instituto, Sancta Catholica & Apostolica seruat, atq; fidelibus dispensat, Ecclesia. In omni autem opere bono ita nos exerceamus; vt non sublimè sapientes; neq; in

De Sacra.

1. Tim. 6.

- incerto diuitiarum, sed in Deo viuo, qui præstat nobis omnia abunde ad fruendum, sperantes, bene agere, diuites fieri in bonis operibus. facillè tribuere, communicare, thesaurizare sibi fundamentum bonum in futurum discamus. Quod in Prouerbioru. n. libro scriptum legimus; Qui operatur terram suam satiabitur panibus, qui autem seclatur otium stultissimus est; id perpetuò mentibus nostris infixum sit. Ne secltemur otium, si stultissimi videri nolumus: operemur terram nostram abundemus in omne opus bonum, si pane gloriæ cœlestis cum seruis Dei satiari volumus. Debet in spe qui arat arare; qui triturat in spe fructus percipiendi, inquit Paulus. Spe igitur regni cœlestis apprehensa, dū spiramus.
- Proue. 21.* **DVM TEMPVS HABEMVS**, dum dies est & sol lucet, dum in hoc mortali corpore versamur, operemur bonum ad omnes. Veniet enim illa nox, post animæ e corpore migratione, quando nemo poterit operari. Ante obitum operemur iustitiam, quoniam non est apud inferos inuenire cibum: operemur autem semper in melius proficientes, de virtute in virtutem euntes, memores illius dicti seruatoris nostri; Nemo mittens manum suam ad aratrum & respiciens retrò, aptus est regno Dei.
- 2 Cor. 9.*
Isai. 65.
1. Cor. 9.
- Gal 6.*
Ioan. 9.
Eccle. 14.
- Luc 9.*
- Luc. 2.*
Iacob. 3.
Iob, 26.
- Psal. 67.*
Eccle. 17.
- Tu autè Dñe, qui operatus es Petro in Apostolatū circūcisionis: operatus es & Paulo inter gētes: auxiliare quoq; & nobis miseris, vt ex bona conuersatione, operatione nostrā in mansuetudine sapientiæ possimus ostendere. Et quoniam eorum tu adiutor es qui sunt imbecilles, & sustentas brachia eorū qui nō sunt fortes; accinge nos infirmos robore: gratiāq; hāc mētib; nostris infunde, vt nō nisi quæ recta sunt cogitare, dicere, & facere possimus. Da virtutē & fortitudinē plebi tuæ vt ea perpetuò cogitet, quæ ad salutē cōsequendā necessaria; ea dicat quæ ad ædificationem proximi vtilia, ea faciat quæ ad laudē & gloriā tuā dilatandā honorifica videbūtur. Vt videntes opera nostra bona, gētes quæ te non cognouerūt nec inuocauerūt, nomē Sanctificationis collaudare & magna opera tuorum enarrare vnā nobiscum valeant.

LAZARI SVSCITATIO.

*In pristina reddo.*

Lazarus quem mortuū & quatrīduo in sepulchro cōstitutum Dñs à morte ad vitam reuocauit, hominē quēuis in peccatis mortuum, mystico sensu denotat: qui verē in monumento concludi dicitur, quando mala consuetudine ad aliquam deformitatē veniens, in illa se totum immergit, vnde nisi solius Dei aecedente præsidio erui atq; liberari non potest, qui cū totius pietatis & clemētīæ sit fons, nolēs mortē peccatoris, sed magis vt cōuertatur & viuat, ad monumentū fatidi cadaueris illius, cuius teterrimus odor per peccatū

Ioan. II.

Ezech. I 8

consurgit

In Hō. 26.
sup. Euan.

confergit; accedit, & diuino instinctu afflatuq; mentes affi-
dus concitans, vocare hominem non cessat, vt foras exeat, vt
qui intra conscientiam suam abscondus iacet per nequitiam
a seipso foras exeat per confessionem. Omnis quippe pecca-
tor, vt scribit Gregorius, dum culpam suam intra consci-
entiam abscondit, introrsus later: in suis penatibus occultatur:
sed mortuus venit foras, cum peccator nequitas suas spon-
te confitetur. Lazaro ergo dicitur, veni foras: ac si aperte cu-
ilibet mortuo in culpa diceretur; Cur reatum tuum intra co-
scientiam abscondis? Foras iam per confessionem egredere,
qui apud te interius per negationem lates. Veniat itaq; fo-
ras mortuus, id est, culpam confiteatur peccator; venientem
verò foras, soluant discipuli: vt pastores Ecclesiæ ei pœnam
debeant amouere quam meruit, qui non erubuit confiteri
quod fecit. Summam itaq; Saluatoris nostri benignitatem vi-
dere & admirari licet, qui multis varijsq; modis hominem a
peccati turpitudine ad innocentiam retrahens, ad se pera-
manter allicit, & nos, apud Hieremiam illis verbis alloqui-
tur;

Ierem. 31

*In charitate perpetua dilexite, ideò attra-
xi te miserans, rursumq; ædificabo te.*



Qui



Qui Martham & Mariam sutores, mortem Lazari fratris complorantes, & ad Christum magna cum alacritate accurrentes, cogitat; colligere ex eo potest amicos Christi, dñi in hac vita sunt, variè quidem affligi; sed ad auxilium Christi illico confugere: quo per illustrationem internam & amoris excitationem adueniente, sancti spe fututz resurrectionis consolantur: maiorem posthac in ipsa Lazari, corporis nimirum in terra sepulti resuscitatione consolatione percepturi. Horum igitur imitatione, quoties Dñus lucem in vmbra mortis & caliginem ponit, animum videlicet nostrum serenū quarumcunq; tribulationum tenebris obscurat, hanc potissimum mœrori ægretudiniq; nostræ medicinam adhibere discamus, vt mente omni ad Christum reuocata rebus nostris auxilium ab ipso ferri supplices petamus. & illius, quod in libris Machabæorum scriptum est, memores, ne abhorrescamus propter aduersus casus, sed reputemus ea quæ accidunt **NON AD INTERITVM** sed ad correptionem esse generis nostri. Notū est omnibus aurum & argentum, non vt intereat, sed vt mundetur. vasa fictilia non vt dissoluantur sed vt perfici-

Ioan. 11.

Ierem. 13.

2. Mach. 6

antur in fornacem ignis mitti: idem & de hominibus fieri ex Ecclesiastici libro discimus: In igne probatur aurum & argentum; homines verò receptabiles in camino humilitatis. Vasa figuli probat fornax: & homines iustos tentatio tribulationis. Fornax hic quemadmodum pulchrè quodam loco scribit Augustinus. mundus est; aurum iusti, ignis tribulatio, artifex Deus. Quod vult ergo Deus faciamus: ubi ponit nos artifex toleremus. Iubemur nos tolerare; nouit ille purgare. In nostram itaq; vtilitatem, id omne cedit, quoties hic affligimur. Nam & Deum tum maxime querere & diligere incipimus, cum quantum nobis in rebus humanis præsidij sit relictu discipimus, iuxta illud Prophetæ; Domine in angustia requisierunt te, in tribulatione murmuris doctrina tua eis; & à vitijs quæ plerūq; in causa sunt, vt vel in corpore vel in fortunis detrimentum aliquod sustineamus, diligentius cauere discimus. Fit etiam quod ad fortiter aduersa omnia toleranda animosiores efficimur, quando ea quibus affligimur, propter grauiora peccata siue nostra siue aliena nos pati, nobis persuademus. Ea siquidem recordatio, delicti magnitudine, pœnæ ipsius acerbiter eleuat. efficitq; illud, vt etiam grauiissima quæque in præsentī vita perferre, pro nihilo ducamus: dummodo hac ratione, quæ in futuro, flagitijs & sceleribus pœnæ debentur, hic aboleatur. Sed & illud magnum est Diuinæ gratiæ indicium, cū aliquis ærurnis premitur. Quem enim diligit Dominus corripit, & quasi pater in filio complacet sibi. Hinc & Tobias quia acceptus erat Deo, necesse fuit vt tentatio probaret illum: & omnes illos qui Deo placuerunt, per multas tribulationes transisse fideles. Iudith vidua enumerando recenset. His igitur cogitationibus armati, tanto libentius aduersa tolerare debemus, quanto altius & peccatorum nostrorum enormitatem & summā Dei benignitatem memoria repetimus. In maximo certè lucro id nobis ponendum est, dum hic ad tempus punimur, vt ne in æternum puniamur. hic lugemus, vt perpetuo gaudeamus: hic purgamur & mundamur, vt in cœlesti patria splen-

dorem

dorem sempiternum induiti viuamus. Damna temporalia, felicitate immortalis, tristitiam lætitia; luctum gaudio commutamus, dum solam cælestium spem propositam habentes, aduersas res quæ accidunt, placidè moderatèq; ferimus: vt interim illud taceam, fieri nonnunquam, vt postea quæ forti & excelso animo calamitates pertulerimus, etiam hæc quæ ad vitam præsentè pertinent, magis augeantur & crescant: quod Sancto Iob euenisse videmus, cui post flagella Dñus addidit omnia quæcunq; fuerant duplicia, & nouissimis magis quàm principio eius benedixit. In paucis igitur vexati, in multis benè disponemur. Quoniam Deus tentauit eos, & inuenit eos dignos se, Tanquam aurum in fornace probauit illos, & quasi holocausti hostiam accepit illos, & in tempore erit respectus illorum.

Domine qui suauiter omnia disponens mortificas & viuificas; deducis ad inferos & reducis; pauperè facis & ditas; humilias & subleuas: da vt ne in prosperis extollamur, in aduersis ne animo decidamus, sed in omnibus Diuinæ tuæ uoluntati acquiescentes, quæcunq; nobis euenierint, illa ad emendationè & utilitatè nrâm à te profecta intelligamus. Corripe nos Dñe, uerūtamen in iudicio & non in furore tuo, ne fortè ad nihilū redigas nos. Peccata nostra contra nos sunt semper: accusant nos: uindictā exposcunt. Corripe nos igitur in hoc nō in illo futuro sæculo. uerūtamen in iudicio corripe. Tantū nos tribulari permittè; quantū sustinere fragilitas nostra potest: ne si supra vires tētari fuerim9, pereamus, & dū in furoris tui uirga nos corripis, miseri in nihilū redigamur, descendentes in profundum quasi lapis. Fortè animū & patiens cor nobis tribue, vt dū tribulationū igne adurimur, in cōspectu tuo humiliemur: dū rixamur, preces nrās ante faciè tuā in miserationibus tuis multis prosternamus: dum affligimur non ulciscamur nos pro his quæ patimur: sed reputātes peccatis nostris hæc ipsa supplicia minora esse flagella Dñi quibus quasi serui corripimur: ad emendationè & nō ad perditionè nrām illa nobis euenire credā: tibiq; cū dilecto seruo tuo Iob pro omnibus gratias agētes illud semper in ore habeam9

Iob, 42.

Sapient. 3.

I. Reg. I.

Ierem. 10.

Exod. 15.

Dan. 6.

Iudith. 2.

Iob. 1. & 2

si bona suscepimus de manu Dei; mala quare non suscipiamus: Dominus dedit, dominus abstulit, sicut Domino placuit, ita factum est. Sit nomen Dñi benedictum.

INGRESSVS HIEROSOLYMA.



Tales in bella venimus.

Matt. 21.

Homil. 37
in Matth.

IN omnibus nostri saluatoris actionibus cum virtutes quædam insideant, quæ animos hominum ad imitationem sui quasi stimulis quibusdam incitant, tum verò in hoc ipso Hierosolymam ingressu, mansuetudo quædam & modestia singularis elucet. Nec enim ut Chryostomus ait, sedit in curru aureo pretiosa purpura fulgens, nec ascendit super seruidum equum discordiæ amatorem & litis; sed sedet super asinam, tranquillitatis & pacis amicam. Non vides in circuitu eius splendentes gladios, aut cætera ornamenta terribilium armorum. Sed quid? Ramos frondentes, testimonia pietatis. Venit ergo mansuetus sedens super asinam & pullum eius. Nam super vtramq; animal, cum esset Deus, spiritualiter se-

dere

dere poterat vt & in Iudæis federet & in gentibus simul. Sedere autem super iumenta, est in præcordijs eorum habitare, vt dicat illis Christus Tollite iugum meum super vos, & videte quia mitis sum & humilis corde. Mansueti enim mansuetum debent portare. Vestimenta autem super asinam ab Apostolis imposita, præcepta sunt Diuina & gratia spiritualis, quam super gentiles & Iudæos Apostoli imposuerunt; Nec enim requiescere in eis potuisset Christus, nisi mandata eius fuissent in eis. Et vide quoniam super iumentum quidè Apostoli posuerunt vestimenta sua, sub pedibus autè iumentum cætera turba iudaica quoniam mandatis Apostolorum sternuntur quidem Christiani & adornantur; legis autem mandata conculcãnt, dum circumcisionem spernunt, sacrificia iudæorum, pro nihilo æstimant, & cæteras consuetudines iudæicas reprobant. Sciens autem Propheta malitiam Iudæorum, quia contradicturi fuerant Christo ascendenti in templum, ideo præmonuit, vt per hoc signum cognoscerent Regem suum Iudæi, dicens;

Ecce Rex tuus veniet tibi, iustus & saluator ipse pauper, & ascendens super asinum, & super pullum filium asinae.

Matt. I I.

Zach. 9.





[Nilla solenni pompa, qua Christus salutem nostram operaturus, Hierosolymā ingressus est; animæ spiritualis lætitia nobis exprimitur; qua perfruitur homo, dū per Apostolos eorumue successores, à peccatorū nexibus solutus, virtutūq; omnium ornamentis quasi vestibis quibusdam decoratus, Christum gerit; & de Hiericho instabili videlicet vitæ præsentis voluptate, quæ tanquā luna (hæc enim Hiericho significat) mutatur; ad Hierusalem quæ pacis cœlestis est uisio, per deuotam spiritualium meditationem deportatur. Hæc demū vera est lætitia, quæ non delitijs sæculi mundiq; voluptatib; sed harmonia cœlesti excitatur, quæ non de creatura, sed de creatore concipitur; Vnde & Apostolus ad Philippenfes scribens nos admonet; Gaudete IN DOMINO semper; iterum

Phil. 4

dico

dico gaudete. Modestia vestra nota fit omnibus hominibus. Dominus prope est. Gaudere lætariq; in Domino semper iubemur, gaudere autem in Domino ea demum ratione poterimus, si modestia nostra, integritas, vitæq; puritas per sanctam conuersationem hominibus innotescat; vt dum alios exemplo nostro ad innocentiam & pietatem erudimus, Dominum propè nos esse & veluti coram nobiscum versari intelligamus. O verè beatum illud gaudium, quo anima in angustijs istius vitæ posita, exhilaratur; ad laudandum & glorificandum Deum incitatur, abundantia dulcedinis dilatatur, consolatione roboratur, charitate perficitur. Quoniam autem mundi huius lætitia, musicorum instrumentorum tractatione. vt plurimum excitatur, habet & anima Christo dedita spirituale decachordum, cuius symphonia ad lætandū in Domino prouocatur & impellitur: quo in psallendo, sanctum illum Regem & Prophetam Dauid vsū fuisse nemo dubitauit, qui quo spiritu afflatus psalmos suos concinnauerit, diligentius voluerit intueri. Decem itaq; chordæ, quæ pleetro spiritus tactæ, mirabili quadam harmonia & suauitate animam afficiunt, decem sunt nostræ salutis mysteria: Sanctissimæ videlicet, Trinitatis mysterium, Incarnationis & Natiuitatis Christi, Prædicationis & Sanctitatis, miraculorum quæ fecit, Passionis & mortis, Resurrectionis, Ascensionis & Regni vniuersalis spiritus sancti missionis, Gentium ad Ecclesiam vocationis, & ex vtroque populo congregationis, Iudicij extremi, & vltimæ glorificationis. Hæc mysteria diligentius perscrutata, suauissimum quendam concentum efficiunt, & animam ea lætitia voluptateque perfundunt, vt terrenarum iucunditatum oblita, in hac sola conquiescat harmonia, cuius quò maiorem dulcedinem perspiciamus, hoc maiori contentione nobis est elaborandum, vt si veræ lætitiæ participes esse volumus, in hoc psalterio decachordo noctes ac dies Domino psallamus; decem ista mysteria semper præ oculis habeamus, illa meditemur, illorum recordatione, vitæ istius calamitatibus medeamur. Affequemur autem hoc, si primum quidem humanæ vitæ va-

*Iacob. Pa-
rè in pro-
logo Psal-
terij
Taact. I.*

Eccl. I.

Psal. 93.

Psal. 99.


Isaia. 61.

varia reputantes mala, quàm vana & fluxa sint mundi gaudia, quàm multo mœrore contaminata sit in hoc sæculo læticia ferio consideremus; deinde verò mentem nostram animùmq; ita cõponamus, vt ne aliquorum scelerum conscientia impediatur vel opprimatur. Nisi enim hoc factum fuerit, non est quod læticia spiritualis fructũ se quis consequi posse speret, cum in Domino lætari & exultare non alij possint, quam qui iusti, pij, & Deum timentes sunt. Timor enim Domini delectabit cor, & dabit læticiam & gaudium in longitudinem dierum. Qui sine timore est, non poterit iustificari, non poterit verè in Domino lætari, gaudere & exultare. Hæc igitur diligentissimè perpendentes, peccata quæ nos, quominus in Domino gaudere possimus, impediunt, abijciamus nos nostraq; omnia Christo Domino substernentes, à vanis ad vera gaudia progrediamur: despicientes transitoria, ad æterna festinemus: in terris viuentes ad cœlestium contemplationem ita nostræ mentis aciem intendamus, vt ibi nostra semper fixa sint corda, vbi vera sunt gaudia. Domine qui secundum multitudinem dolorum nostrorum, in corde nostro, consolationibus tuis lætificas animas nostras: da vt de nulla alia re maiorem dolorem concipiamus, quàm quod te Patrè benignissimum peccatis nostris offendimus. In hoc dolore, consolationum spiritualium læticia nos imple, lachrymarum dulcedine inebria, seruore amoris illustra. Quicquid in mûdo tuæ maiestatis oculos offendit, displiceat nobis, quicquid creaturam à creatore abducit, sordescat nobis, vt à peccatorum sordibus expurgati, tibi seruire in læticia, introire in conspectu tuo in læticia possimus. Utinam cum Propheta illud ego possim vsurpare; Gaudens gaudebo in Domino, & exulabit anima mea in Deo meo: qui induit me vestimentis salutis, & indumento iustitiæ circumdedit me. Vestimentis salutis indui, iustitiæ indumento circumdari, ingens animæ gaudium adfert. Da ergo clementissime Deus, vt tali amictu vestitus, tali corona decoratus, talibus monilibus ornatus, spirituale illud decachordum tractans, decem nostræ

salutis

salutis mysteria semper euoluens, tibi in cor meum venienti occurram, tibi adiutori meo psallam: vestimenta mea vitæ presentis commoda propter te abijciam, negligam: pro ramis oliuæ, pacem tecum factam tibi perpetuo offeram, illam retineam: & ad extremum Osanna illud cum turbis clamē; à te saluari cum lachrymis in hac vita postulem, quodq; postulauero in futura planè obtineam.

TEMPLI REPVRGATIO.



Procul este profani.

Inter omnia signa & miracula, quæ plurima Dñus IESVS edidit, illud plurimum habere admirationis scribit Hieronymus, quod vnus homo & illo tempore contemptibilis, & in tantum vilis vt postea crucifigeretur, scribis & Phariseis contra se sæuientibus, & videntibus lucra destrui sua, poterit ad vnus flagelli verbera tantam eijcere multitudinem, mensaq; subuertere, & Cathedras confringere, & alia face-

In cap. 21.
Matthæi

Homil. 18
in Matth.

Actor. 9.

Malach. 1

Isai. 56.

re, quæ infinitus non fecisset exercitus. igneum enim quidam atq; sydereum radiabat ex oculis eius, & diuinitatis Maiestas lucebat in facie. Porro per illud Dei templum mystice Ecclesiã Christi significari tradit Origenes, in qua sunt multi, non sicut debent; viuentes spiritualiter, sed secundũ carnem militãt, qui & domum orationis de lapidibus uiuis constructam, faciunt speluncam esse latronum, actibus suis non Ecclesia Dei dignis, sed spelunca latronum. Vendentes autem & ementes eos esse scribit qui rarius in orationibus vel alijs actibus rectis permanentes, huius tantũ mundi negotijs implicantur. Per numularios verò illos intelligit, qui non bene tractantes Ecclesiasticarum pecuniarum mensas, quæ cura propriè ad Diaconos (vt ex actis Apostolorum patet) pertinebat, semper de eis fraudant, & ipsas quas dispensant, non secundum iustitiam dispensant, sed diuites fiunt de rebus pauperum. Cæterum Episcopi & presbyteri, quibus creditæ sunt Cathedrae, qui tradunt Ecclesias quibus non oportet, & constituunt principes quibus non expedit, ipsi sunt, qui vendunt columbas, id est gratiam spiritus sancti, quorum Cathedras Christus euertit, quandoquidem non est illi voluntas in eis, & munus de manu illorum non suscipit, non nudationi sed orationi tantum in domo sua locum relinquens, iuxta illud Isaiæ.

*Domus mea domus orationis vocabitur
cunctis populis.*





CUm Christum in hac mortali carne constitutum tam graues poenas exegisse legimus ab his, qui insolentius circa cultum Diuinum se gerebant, vt eos è templo Hierosolymitano eijceret; cogitare debemus, nos impunè minime laturos, si quid quod Maiestatem Diuinam offendat, admiserimus. Quamobrem si nos amor, vt ne peccemus, in officio continere non potest, saltem timor iudicis, gehennæ metus, tenebrarum dies, torrens sulfuris, ignis inextinguibilis, vermis non moriens, & terribile illud ferendæ in impios sententiæ fulmen, à vitijs nos absterreat. Verissimum enim illud est quod apud Prophetã scriptum legimus, *FORTIS VLTOR Dominus; reddens retribuet. Nemo quicumq; peccat impunitatẽ sibi polliceatur. Ultorem & quidẽ fortẽ vltorẽ, qui non nisi à propria misericordia, superari potest, experietur. Reddens vniciq; retribuet Dnũs, secũdũ opera cuiusq;. Cũ itaq; horrendũ sit incidere in manus Dei viuẽtis, timeamus eũ qui & animam & corpus potest in gehennã mittere & terribilẽ illã*

Matth. 21

Ierem. 51.

Hebr. 10.

expectationem iudicij & ignis æmulationem quæ consum-
 pta est Diuinæ legis aduersarios, præ oculis habentes, à
 peccando abstinemus. Et si autem Timor hic, qui recorda-
 tione supplicij in nobis nascitur longius à laude perfectio-
 nis absit; tamen vel hoc vno laudandus est, quod sensim in cor
 hominis amorem Dei introducit, iuxta illud; Timor Dei, ini-
 tium dilectionis eius, fidei autem initium agglutinatum est
 ei. Nec enim hic illud habet locum, quod plerumq; dici so-
 let; Quod timent facile oderunt omnes. Ita Deus propter ius-
 titiam timetur, vt propter misericordiam non possit non a-
 mari. Quis etenim hunc non amet, quem cum ob illatam ini-
 iuriam, ad vindictam paratum esse videat, non illicò tamen
 peccantem punire, quin sæpius etiam illius misereri conspi-
 cit? Fieri non potest, quin hæc ipsius benignitas, errantis a-
 nimum molliat ad amandum, vindictæ autem cogitatio, im-
 pellat ad timendum. Qui Deum itaq; timet, etiã amat: qui be-
 nè amat etiã timet. Res enim istæ in cœlesti deuotiõe sociatæ
 sunt, ex quibus compunctio salutaris in nos oritur, ex com-
 punctione autem contemptus terrenorum, ex contemptu
 humilitas, ex humilitate mortificatio voluntatum, ex morti-
 ficatione vitiorum fuga, ex hac autem virtutum omnium do-
 na pullulant, quibus cordis puritas, & Apostolicæ charitatis
 perfectio acquiritur. Timor igitur Domini fons est vitæ è
 quo talia tantaq; bona promanant. Paradisus est benedictio-
 nis, à quo spiritualium voluptatum, & gaudiorum fructus
 diffunduntur. Thesaurus est inæstimabilis, in quo diuitiæ
 salutis, vera sapientia & scientia reconduntur. Malleus est
 Iabelis, quo Sisara, hostis videlicet noster Diabolus percuti-
 tur. Beatus itaq; homo cui donatum est habere timorem Dei
 qui tenet illum, cui assimilabitur? Assimilabitur viro sapien-
 ti, qui ædificat domum suam supra petram. Reuera enim su-
 pra firmam petram spiritualis ædificij fabricam construit is,
 qui omnium actionum suarum, tanquam fundamentum quod-
 dam timorem Dei ponit: in quo cum sit fiducia fortitudinis,
 non est quod à ventis & tempestatibus istius mundi sibi me-

Eccle. 25.

Cass. sup.
Psal. 32.

Eccle. 14.

Isaie. 40.

Isa: 33.

Iud: 4

Eccle. 25.

Eccle. 14.

tuat.

tuat. Atq; vtinam hoc fundamentum, in hominum cordibus nostro tempore positum videremus: nunquam ad eam impietatem ventum esset, qua Diuina & humana iura conuulsa sunt & labefactata. Plures etenim quam vellemus inueniuntur, ante quorum oculos cum timor Dei non sit, humanum quendam timorem sibi proponunt, quo ne Christum liberè confiteri. proq; domo Dei murum sese opponere aud- at, prohibentur: ibiq; trepidant timore, vbi non est timor: & dū Diabolum offendere timent, in grauem Dei indignationem se incurtere non animaduertunt, qui non tantum hæc temporalia, pro quibus solis esse solliciti videntur, illis non raro adimit, verum, quod multo grauius est, corpus etiam & animam in gehennam mittit. Timeamus ergo Deum, qui super omnes est; & Diabolum non timebimus: timeamus Deum, & non timebimus quid faciat nobis homo.

Domine qui voluntatem timentium te facis, & deprecatione eorum exaudis, & saluos facis eos; confige timore tuo carnes nostras, vt dum te iustum & rectum esse audimus, attendamus quid timeamus: dum te quàm dulcis & benignus sis cogitamus, attendamus quid diligamus: quo timore & amore tuo excitati, legem tuam semper custodiamus. Da vt timentes te, inquiramus quæ beneplacita sunt tibi; & diligentes te repleamur lege tua. Non nos humanus timor ab aperta tuæ sanctissimæ fidei confessione auocet: sed tuus potius timor ad omne opus bonum stimulet, segnes excitet, frigidos inflammet, languentes corroboret. Vtinam participes simus nos omnium timentium te, & custodientium mandata tua. Timor enim præsens, securitatem habet sempiternam: formido hæc, pacem generat æternam: paucor hic, quietem confert sine carituram. Ergo clementissimè Deus, hanc nobis gratiam concede vt hic potius te timeamus, ne dum turbabitur terra, angustiemur: hic pauemus, ne in die mala paucere ac morere necesse habeamus, sed cum sanctis & electis tuis, te laudare in terra viuentium perpetuò possimus.

Psal. 144.

Psal. 118.

Caß. super
illud psal.
Dulcis &
rectus Do-
minus.

Eccl. 2:

Psal. 118.

COENA.



Angelus hoc est homo.

Diuinæ benignitatis in humanum genus immensitas quàm longè latèq; pateat, vel hinc videre licet, quòd panem illum angelorum omne delectamentum in se habentem, preciosi videlicet corporis & sanguinis sui Sacramentum, tradidit homini manducandum: vt tali cibo recreatus, ad currendam viam mandatorũ Dei, promptior esset & alacrior. Nouerat ille totius sapientiæ & scientiæ fons, nos pro ea qua sumus per peccatum affecti fragilitate imbecillitateque magnis aduersarij nostri Diaboli viribus, absq; illius ope & auxilio, resistere non posse: itaq; in hoc Sacramèto quòd cæterorum omnium finis est & perfectio, nobis ineffabili quodam modo iungi & præsens adesse voluit: qua quidem re non magis suam, quam mutuam etiam inter nos ipsos charitatem nobis voluit commendatam. Nam quod sub panis

porissimum.

potissimum & vini speciebus corpus & sanguinem suum reliquit, ostendere proculdubio voluit, quemadmodum ex multis frumenti granis panis vnus, ex multis vix racemis vinum conficitur, ita nos per Sacramentum hoc pacis & dilectionis in vnum quoddam mysticum corpus coalescere oportere ut iuxta illud Pauli, vnus panis vnum corpus multi simus, omnes qui de vno pane participamus. Quamobrem pulchre nos admonet Augustinus; ut Carnem Christi non edamus tantum in Sacramento, quod & multi mali faciunt, sed vsque ad spiritus participationem manducemus, ut in Domini corpore tanquam membra maneamus: ut eius spiritu vegetemur. Quod autem nouum hoc corporis & sanguinis sui sacrificium, nouus sacerdos Christus in vltima cena erat institutus, eius rei in veteri lege vmbra pridem precesserat: cuius rei Diuus quoque Paulus meminit.

1. Cor. 10

Tract. 27.
in Ioannē.

Actor. 7.

At verò Melchisedech Rex salem, proferens panem & vinum (erat enim Sacerdos Dei altissimi) benedixit ei. &c.

Gen. 14.





IN Sacratissimo Eucharistiæ sacramento, quod in vltima cœ-
 na legalibus sacrificijs tanquam vmbra veritas successit, a-
 mor siue charitas in genus humanum Christi saluatoris no-
 bis est consideranda. Moriturus enim in ligno crucis Dñs,
 ne corpus mysticum sine capite esset, nobis in hoc sacramē-
 to ineffabili quodam modo coniungi voluit: cuius præsentia
 peccatum destrueretur, bona spiritualia multiplicarentur,
 & vita æterna nobis conferretur. Rectè igitur cum à vitijs
 sanet, medicina; cùm virtutum dulcedine repleat, manna si-
 ue panis cœlestis; cùm sublimitate gloriæ nos ditet, Eu-
 charistia, id est, bona gratia dicitur. Hunc Christi Saluatoris
 amorem, quo nostræ saluti tam diligenter prospectum volu-
 it semper præ oculis habere, atq; ad eum vicissim amandum

& dili-

& diligendum excitari debemus, memores illius quod ab Augustino scriptum est; ama amorem illius, qui amore cui amoris descendit in uterum virginis, & ibi amorem suum amori tuo copulavit humiliando se, sublimando te, coniungendo lumen suae aeternitatis, limo tuae mortalitatis. Quam autem ratione Deum amare debeamus, presenti simbolo indicatur. ubi is cecus, non nudus, non lascivus, qualem veneris filium vana Ethnicorum superstitio fingit, sed sanctus, amictu decenti ornatus, & oculos in caelum defixos habens, Amor Divinus exprimitur. Ac primum quidem (quoniam tanto quisque, ut scribit Gregorius a superno amore disjungitur, quanto inferius delectatur) Amor hic divinus alis sursum fertur, ut si Deum perfecte diligere velimus, animum a terrenis rebus, quam maxime fieri potest, abstrahamus. Hoc autem attingimus si contemplatione caelestium & spe futurorum bonorum veluti duabus quibusdam alis, ad superna semper elevari, vel minimas peccatorum occasiones, quibus quasi funiculis quibusdam grave peccati pondus nobis appenditur, ferro discretionis rescindimus, & a nobis proiciamus. Porro vestimenta, quibus qui Deum amant ornari debent, opera sunt bona, quorum decore nos undique tegi convenit, ut nulla actionum nostrarum, pars per via peccato relinquatur quod possit vniuscuique nostrum cum beato Iob in Domino gloriari. Iustitia indutus sum & vestiui me sicut vestimento. Talibus vestimentis qui indutus non est, amare Deum non potest. Nunquam enim est amor Dei ociosus, inquit Gregorius, operatur magna si est; si autem operari renuerit, amor non est. Quoniam autem ad excitandum in nobis amorem Divinum, plurimum sanctorum librorum lectio adfert momenti, haec pharetra nobis etiam semper est habenda, ut ex illa sagittas, quae animam penetrent depromere possimus. Legendi Sanctorum Patrum libri: gesta eorum, qui Deo placuerunt, diligenter evoluenda, & ad eorum imitationem omnis vita nostra est componenda. Vivus est sermo Dei & efficax & penetrabilior omni gladio ancipiti, & pertingens usque ad divisionem

Aug. de
Car. rud.

Iob. 29.

Hebr. 4.

Cant. 5.
Ibid. 8.

animæ ac spiritus, inquit Paulus. Eiusmodi igitur sagittis siue gladio, ita hominum corda vulnerentur, ut dilectum cum sponsa illa quærentes, amore langueant, charitate ardeant: quam aquæ multæ non poterunt extinguere nec flumina obruent illam: Cæterum cum hoc, ut & reliqua omnia, absq; singulari Dei gratia, perficere non possimus vultum & oculos in cælum erectos: mentem videlicet per orationem frequentem ad Deum eleuatam habere debemus, ab eoq; supplices orare ut, quod facere præcipit, id nobis ipse largiatur, Amore sui nos inflammet, charitate illuminet. Exaudiet ille nos, si ad eum clamauerimus; aperiet si pulsauerimus; accendet, si ad Sanctissimum hunc ignem, quem pectus frigidum non capit nos præparauerimus: beneficia quæ generi humano ipse Deus contulit, assiduò memoria repetendo, & qualiter nos adamauerit perpendendo. Diligamus ergo Deum, quoniam Deus prior dilexit nos; amemus, quoniam prior amauit. Dilexit nos Deus, inquit Bernardus, dulciter, sapienter, fortiter, dulciter quia carnem induit; sapienter quia culpam cauit: fortiter quia mortem sustinuit. Discamus igitur & nos Christiani à Christo, quemadmodum diligamus Christum. Discamus amare dulciter, ne illecti, prudenter, ne despecti fortiter ne compressi deficiamus. Dulciter amat, qui omnia terrena, Diuini amore postponit: prudenter amat qui obicem Diuinæ gratiæ peccando non ponit: fortiter amat, qui suauitate amoris Diuini degustata, constanter in diligendo Deum perseverans, ad illius amorem plurimos trahit. Haec igitur ratione Deum diligere discamus, & quod nos sapiens monet diligenter exequi studeamus: Qui timetis, inquit, Dominum Diligite illum, & illuminabuntur corda vestra. Diuinam dilectionem per timorem quidem nasci, sed in affectu crescendo permutari, scribit Gregorius. Vbi ergo timente Deum diligere illum; diligentes autem per Sacrosanctæ Eucharistiæ participationem vnum cum illo corpus effici ceperimus; illuminabuntur proculdubio corda nostra & gratia Dei claritate ita decorabuntur, ut puritas affectionum, sub-

1. Ion. 4.

Sup. Cant.
Serm. 20.

Ecccl. 2.

Moral. 1. 7
cap. 10.

tilita

tilitas intellectuum, desideriorum sanctitas, operum claritas, virtutum omnium fecunditas in nobis fulgeat.

Domine qui his qui te diligunt ea bona præparasti, quæ nec oculus vidit, nec auris audiuit, nec in cor hominis ascēderunt, amorem tuum nobis infunde, vt sæculi amore abiecto, te solum quæramus, diligamus, & veneremur. Da vt meditatione spiritualium, doctrina pia, oratione assidua, & exercitio Sancto, semper in nobis amor tuus nutriatur, augeatur, & crescat. Adure corda nostra tuæ charitatis igne, vt præter te nil aliud concupiscant, nil aliud desiderent & ament. Et quoniam in perpetuum pignus amoris, quo in genus humanum suaviter es effusus, Sanctissimum tuum corpus in Eucharistiæ Sacramento nobis reliquisti, concede vt amore tuo vicissim sauciati, frequenter ad hæc sancta mysteria, corde puro, conscientiaq; munda accedamus: quo tali cibo recreati hostes visibiles & inuisibiles à nobis propulsatos, fomité peccati refrigeratum, maculas cordis mundatas, iram tuam placatam, intellectum illuminatum, voluntatem in tui proximiq; dilectione inflammata, memoriam spirituali dulcedine repleam, merita vitæ bonæ multiplicata in omni opere bono nos confirmatos, ab æterna morte liberatos, ad patriam vitæ æternæ deductos, & ad sempiternam gloriam in corpore nos resuscitados videre, & te sine fine laudare possimus.

1. Cor. 2.



LOTIO PEDVM.

*Servilia soluit.*

Ioan. 13.

Tract. 55.

Quod agens ille incontaminatus, speculum sine macula, candor lucis æternæ, & Dñs Maiestatis Christus *JESVS*, humiliter se ad lauandos seruatorum suorum pedes inclinare dignatus est, factum hoc illius quantis abundet mysterijs ostendit Augustinus. Ac primo posuit inquit, vestimenta sua: qui cum in forma Dei esset semetipsum exinaniuit. Præcinxit se linteo, qui formam serui accepit. Misit aquam in peluim unde lauaret pedes discipulorum; qui in terram sanguinem fudit, quo immunditiam dilueret peccatorum. Linteo autem quo erat præcinctus; pedes quos lauerat restit, qui carne qua erat indutus, Euangelistarum vestigia cõ-

fortauit.

fortauit: & linteo quidem vt se præingeret, posuit vestimēta quæ habebat; vt autem formam serui acciperet, quando semetipsum exinaniuit, non quod habebat deposuit, sed quod non habebat accepit; crucifigendus sanè suis expoliatus est vestimentis, & mortuus, inuolutus est linteis, & tota eius passio, nostra purgatio est. Per hanc quoq; Apostolorum pedum ablutionem, quandam hominum imperfectionem infinuari Diuus Thomas scribit. Nam quantumcunq; homo sit perfectus, nihilominus tamen magis perfici indiget, & aliquas immunditias contrahit. Sicut enīa hominem stantem oportet ad minus terram pedibus contingere, ita quàm diu viuimus in hac vita mortali, quæ rebus terrenis ad sustentationem corporis indiget, ad minus ex parte sensualitatis aliquid contrahimus. Omnes itaq; egemus gratia Dei, quæ nos à peccatis emundet: cùm nullus tanta vitæ sanctimonia præditus reperiri possit, quin in pedibus saltem aliquid sordium habeat, iuxta illud Prouerb.

*Quis potest dicere mundum est cor meum?
purus sum à peccato.*

In cap. Io-
an. 13. le-
cti. 2.

Proue. 20.



Ioan. 13.

Cypr. de 12
abusib'

1. Ioan. 2.

Iob. 37.

Ioan. I.

1. Ioan. I.

Ephes. 5.

Quæ verba post ablutos discipulorum suorum pedes, saluator noster, protulit inquit; Exemplum dedi vobis, vt quemadmodum ego feci vobis, ita & vos faciatis, non solum ad humilitatem mentisq; puritatem, quæ duo nobis potissimum in hac pedum ablutione voluit commẽdata, sed ad omnes reliquas virtutes Christiano homine dignas referri possunt. Quæcunq; enim saluator noster dixit & fecit, propter institutionẽ nostram & dixisse & fecisse credendus est, vt videntes scientesq; illa eadem faciamus, & in exemplum trahamus. Nemo enim rectè Christianus dicitur, quemadmodum à Sancto Patre quodam scriptum est, nisi qui Christo moribus prout valet, corquatur. Præiuit ille nobis exemplo, doctrina, vitæ innocentia, tolerantia, mansuetudine earumque virtutum expressẽ nobis, in omnibus actionibus suis, reliquit vestigia, quibus nostri generis hostem superauit, æternamq; nobis salutem peperit; eadem itaq; via gradiamur & nos, si Sathanam vincere Christoq; coniungi veraciter desideramus. Qui enim dicit se in ipso manere, debet sicut ille ambulauit, & ipse ambulare. Nam cum gens humanum vniuersum post primum parentis lapsum, cæcis quibusdam ignorantia tenebris inuolutum esset, misertus nostri Deus filium suum vnigenitum in terras misit, qui & viam salutis ductoris instar, nobis indicaret, & ne in tam terra caligine errarem, totius sanctitatis & iustitiæ lucem velut in nocte lucernam nobis præferret. Rectè itaq; Christus Dominus lucernæ comparatur, qui, cùm sit lux vera, & tenebræ in eo nõ sint vllæ, illuminat omnem hominem venientẽ in hunc mundum. Illuminat autem Fidei. Spei, & Charitatis lumine, vt per fidem eum apprehendamus, per spem ad currendam viã mandatorum eius incitemur, per charitatem ad amandum illum inflammemur: inflammati imitatores Dei simus & ambulemus in dilectione, sicut & Christus dilexit nos. Diligenter itaq; cauendum est omnibus nobis, ne tam socordes, stulti, & ingrati simus, qui præsens lumẽ admittere & agnoscere nolimus. Si lux est Christus ambulemus dum lucem, habe-

mus vt ne nos tenebræ cōprehendant. Si via Christus est gradiamur per illam. Nemo enim venit ad patrē, nisi per Chrūm. Si veritas est Chrūs, cognoscamus & recipiamus eam, vt permaneat nobiscum, & nobiscum sit in æternum. Si vita Christus est, veniamus ad illum, vt vitam habeamus & non moriamur. Omnia bona mundi, scribit quodam loco Augustinus, Christus contempfit, quæ contēnenda docuit; & omnia mala sustinuit, quæ sustinenda præcepit: vt nec in illis quæreretur felicitas, nec in istis infelicitas timeretur. His igitur vestigiis incedam⁹ & nos, si veri sectatores Christi dici & esse volumus: perferamus quæ pertulit, contēnamus quæ contēpfit. Quod à principe Apostolorū Petro scriptū legimus; Christus passus est pro nobis, vobis relinquēs exemplū, VT SEQVAMINI vestigia eius; id perpetuo mētibus nostris inhære debet. Passus est pro nobis Chrūs; patiamur & nos pro Christo: nulla pericula adire timeam⁹, quoties pro illius nomine angustias perferēdi nobis datur occasio. Crucifixus est Chrūs, configamur & nos cruci Christi, mēbra & cōcupiscētias nrās mortificātes, & à terrenis ad cœlestia mentes nrās eleuantes. Hoc erit Christi passi vestigia sequi; hoc erit per vitę præsentis tenebras, Chrō præeūte in luce ambulare: vt sicut & ipse est in luce, societatem habeamus ad inuicem. O vere beata societas, quæ dum in hac vita cum hominibus in Charitate coniungitur, ad Christum etiam ipsum in cælis ad dexteram patris sedentē pertingit. Vere beata societas, quæ communioni Sanctorum, qui manentes in mundo vestigia Christi sequuti sunt, consociata, perfectionis gradus conscendere festinat, & quam viam à Christo primum deinde à tot Sanctis, Apostolis, Martyribus & Confessoribus tritam videt, eam maxima cum voluptate ingreditur. Hanc itaq; sanctam societatem amplectamur omnes, & nihil durum, nihil graue in hac saluatoris imitatione, nobis esse persuadeam⁹: cum rot tantāq; Sanctorum virorum exempla quotidie nobis in Ecclesia proponantur; qui licet homines, prout & nos fuerint; nudum tamen Chrūm & ipsi nudi sequi, & ad vitæ illius normā, suas actiones omnes cōponere potuerunt; vt non

Ioan. 8.

Ioan. 12.

Ioan. 14

2. Ioan. 1.

Ioan. 5.

Aug. de vera relig.

1. Pet. 2.

Galat. 2.

1. Ioan. 1.

1. Cor. 11.

temere Paulus Corinthios monuerit inquit, imitatores mei estote, sicut & ego Christi.

1. Pet. 2.

Psal. 118.

Psal. 19.

Iob. 23.

Psal. 16.

Tu autem Christe IESU, qui per ministros, pastores & doctores tuos, in Ecclesia tua sancta; nos quotidie de tenebris peccati, in admirabile Sanctitatis & pietatis lumen vocas, aperi quæso mentium nostrarum oculos, ut salubribus illorum monitis acquiescentes, te lumen verum videant, videntes autem ad currendam mandatorum viam pedes nostros excitent. Da ut quam similitudinem construendi cælestis tabernaculi nobis in omnibus actionibus tuis ostendisti, eam nos in spiritali ædificio, quod ad cælum usque pertingat, fabricando sequamur. Non solum verbum tuum, & mandata tua, sed etiam omnia gesta, & facta tua, sicut lucerna pedibus nostris, & lumen semitis æternis; ut qua via te ambulasse, & Mundum, Carnem, & Diabolum conculcasse videm, eadem quoque & nos te ducem nostrum sequuti gradiamur. Perfice gressus nostros in semitis tuis, ut non moueantur vestigia nostra. Vtinam Dñe propter verba labiorum tuorum, propter exempla factorum tuorum, nos custodiamus vias, in hoc quidem sæculo duras, per quas te ingressum scimus, sed in futuro latas & planas: vias autem quæ hinc late sunt, sed ad æternam angustiam postmodum deducunt, fugiamus: sed quæ infirmitas est nostra, præstare id non poterimus, nisi tu perficias gressus nostros in semitis tuis & gratia tua ira genua nostra infirma corroboret, ut nullis aduersarij machinis, nullis presentis mundi illecebris moueantur vestigia nostra. Mirifica igitur misericordias tuas, qui saluos facis sperantes in te, & concede ut vestigia tua sequantur pedes nostri, & viam tuam custodiamus, & non declinemus ex ea: quò sic in iustitia appareamus conspectui tuo, & satiemur, cum apparuerit gloria tua.

CONFORTATIO IN HORTO.

*Alieno lassus aratro.*

E T si creator creaturæ suæ præsidio nunquam indiget; orantanti tamen Christo, apparuit Angelus de cœlo confortans eum: vt qui factus homo pro nobis contristabatur, is etiã propter nos ab Angelo confortaretur Sed Ambrosij potius ea de re verba libet apponere. Hærent, inquit, pleriq; hoc loco, qui tristitiam Saluatoris ad argumentũ inolitæ potius à principio quam susceptæ ad tempus infirmitatis inclinant. Ego autem non solam excusandum non puto, sed etiam nunquam magis pietatem eius maiestatemq; demiror. Minus enim contulerat mihi, nisi meum suscepisset affectũ. Ergo prome doluit, qui pro se nihil habuit quod doleret, & sequestrata delectatione diuinitatis æternæ, tædio meæ infirmitatis afficitur. Suscepit enim tristitiam meam, vt mihi suam lætitiã largiretur, & vestigijs reuocaret ad vitam. Confidenter tristitiam nomino, quia crucem prædico. Debuit ergo & do-

*Luca 21.**In coment
Luc. l. 10.*

lorem suscipere, ut vinceret tristitiam non excluderet. Neq; enim habent fortitudinis laudem, qui stuporem magis vulnerum tulerint quam dolorē. Nos ergo voluit erudire, quē admodum mortem, & quod est amplius, futuræ mortis moestitiam vinceremus. Doles ergo Domine, non tua sed mea vulnera, non tuam mortem sed nostram infirmitatem. His itaq; Ambrosij verbis, illud Isaiaē rectē subijci potest, qui Christum infirmitates nostras in suo corpore portaturum, apertē prædixit.

Isaia- 53.

Verè languores nostros ipse tulit; & dolores nostros ipse portauit.



ET si pluribus in locis Christum Dñm orasse legimus, tamen quæ in horto iam iã in manus impiorum tradēdus in hoc genere præstitit, singulare quoddam nobis exhibent documentū, qua ratione nos dum oramus gerere debeamus. Nam quod pusillum à discipulis progressus scribitur, optimū orationis condimentum solitudinem esse, nobis in eo demō-

Matt. 36.

stratum

stratum videtur, quæ tamen non ad corpus magis quam ad animam quoq; ipsam est referenda. Cum etenim oratio nil aliud sit, quam quædam ad Deum locutio curandum est maxime, vt non solum à tumultu multitudinis; si fieri possit corpore nos sciungamus, sed multo magis mentem ipsam à strepitu mundanarum cogitationū quam longissimè auocem⁹. Deinde verò quod saluatorem fecisse legimus vt in faciem suam orans proccideret, qua creatorem nostrum alloqui debeamus reuerentia docemur. Vel ipso corporis gestu nos admoneri fas est, nobis cum Deo rem esse; cui honor omnis & veneratio est impendenda. In fundendis autem precibus scop⁹ hic nobis propositus esto; vt non nostræ sed Diuinæ voluntati, ea quæ à Deo impetrata cupimus, permittamus: cum idem quoq; Christum fecisse videamus, qui non sicut ipse, sed sicut Pater veller, à se passionis calicē transire postulauit. Ter autē repetita oratio, sine intermissione nos orare debere, videtur indicare. Frequentanda est assidue hæc pia mentis exercitatio: quæ & animæ maximum præsidium, & angelo bono solatium, Diabolo supplicium, Deo autem gratissimum obsequium & sacrificiū præstat. Vnde & incensi siue thuris; nomine in sacris litteris frequenter intelligitur. Dauidem in Psalmis orantem legimus, DIRIGATUR oratio mea sicut incensum in conspectu tuo: eleuatio manuum nostrarum sacrificiū vespertinum. Dirigatur oratio nostra sicut incensum in conspectu Domini, quando de corde sincero profecta, & carbone contritionis adusta, sursum absq; voluntaria distractione fertur, & veluti fidelis Nuncius mandata peragat, eoq; penetrat, quò caro peruenire non potest. Eleuatio manuum nostrarum fit sacrificiū vespertinum; quando duab⁹ alis, quæ sunt (vt scribit Augustinus) ignoscere delinquenti, & dare egenti, orationes nostræ ad Deū euolâtes, illū nobis ppitium reddunt. Hoc igitur sacrificiū, quoties in nobis deuotio vesperscit offerre Deo studeamus; vt ad orationem veluti ad sacrâ quandâ anchoram confugiētes, proximo primū delicta ignoscamus vt securè Dño dicere possim⁹. Dimitte nobis debita nrâ, sicut & nos dimittim⁹ debitorib⁹ nostris

Psal. 110.

In Sermo
Quadrag.

Matth. 6.

Matth. 7.

Matth. 20

Luc. 12.

2. Par. 1.

deinde verò egenis tãtò nos liberaliores exhibeamus, quãtò plura nobis à Deo, siue quæ ad animam, siue quæ ad vitam præsentem pertinent, conferri bona desideramus. His duabus alis, quæ ex charitate sunt compositæ nostra oratio adiuta, ascendet & dirigeretur tanquam incensum, quod sursum ferri consuevit, in conspectu Domini: exaudiet nos & petitiones cordis nostri dabit. Quanquam sicubi nos non illicò audit; animo consternato esse propterea non debemus. Quod differt, non aufert. Verax enim est in omnibus promissis qui dixit; Petite & dabitur vobis, quærite & inuenietis, pulsate & aperietur vobis. Si tamen ad tempus etiam aufert nostro id commodo fieri, nobis persuadeamus. Medicus enim noster est. Scit quæ data nobis ægrotantibus obesse, quæ non concessa nobis prodesse possint. Quamobrem Diuinæ voluntati acquiescentes, eam conditione in orando semper interponere meminerimus, vt si cum animæ nostræ salute coniunctum id esse Deus nouerit, id quod petimus nobis concedat; sin minus, in hac vita neget, vt in futura copiosius tribuat. Prudentia igitur sanè maxima hîc requiritur, ne si quid, quod minimè oportet postulauerimus, cum matre filiorum Zebedæi repulsam patiamur, & illud audiamus; Nescitis quid petatis. Nescimus enim reuera quid petamus, dū temporalia tantum commoda spectantes, diuitias, honores, & id genus alia, quibus plerumq; in animæ detrimentum vitimur, impetrata cupimus; ne minimum quid de regno Dei & animæ nostræ salute fiat, solliciti. Primum quæramus Regnum Dei & Iustitiam eius, & quæ sunt æternæ salutis procuremus, à Dominoq; nobis dari petamus; Cætera autè hæc quæ ad sustentationem corporis pertinent, ita nobis adijci-entur, prout nobis expedire iudicabit ille, qui meliùs quàm nos ipsi, nouit quibus opus habeamus. Domine qui Salomoni non diuitias, non substantiam & gloriam, non animas eorum qui ipsum oderant, non dies vitæ plurimos, sed sapien-riam & scientiam petenti; plurima sapientiæ & scientiæ dona contulisti; diuitias etiam & substantiam & gloriam, licet

nihil

nihil minus postularer, eidem plena manu tribuisti; hunc nobis gratiæ tuæ spiritum concede, vt in orationibus nostris, illa tantum abs te flagitemus, quæ ad animam spiritualibus diuitijs locupletandam, gloriam tuam propagandam, & pacem Ecclesiæ tuæ conseruandam pertinere videbuntur. Da vt semper oremus & non deficiamus: oremus autē in vera cordis humilitate, pura spiritus deuotione, vigilanti mentis intentione, immota fidei constantia, perfecta spei fiducia, ardenti charitatis seruore. Effūde super habitatores istius Hierusalem, quæ in terris sub Christo eiusq; visibili Vicario militat, spiritum gratiæ & precum; vt aspiciat ad te quem peccatis suis sæpius confixerunt, & plangent quod te offenderūt orent etiam & precentur à te delictis suis veniam. Oculi tui sint super eos, & aures tuæ in preces eorum. Noli quæso opponere nubem ne transeat oratio; sed da vt veniat ad te petitio nostra, & quod expectamus tribuas nobis Deus. Ascendat fumus aromatum: intret postulatio nostra in conspectu tuo; vt quam nobis vnigenitus filius tuus Dominus noster orandi formulam præscripsit, ea ad impetranda gratiæ tuæ munera ita vtamur, vt desideriorum nostrorum; si cum animæ nostræ salute coniuncta fuerint, compotes facti; ab omni malo liberari, & æternæ beatitudinis dulcedine perfrui mereamur.

Luc. 18.

Zach. 12.

Psal. 33.

Tren. 33.

Iob. 6.

Psal. 118.



IUDÆORVM CASVS.



Quis obuiam ausit ire.

Quod à Dauide pridem de Dño scriptum legimus; Ecce dabit voci suæ vocem virtutis; id cum alibi tum eo potissimum tempore adimpletū fuisse liquet, quo ad vnius vocis emissionem, armata Iudæorū cohors, quasi fulmine quodam

Psa. 67.

Ioan. 18.

tacta

taeta retro cecidit: in quo & magnam Iudæorum cæcitatem, & admirabilem Saluatoris nostri potentiã nobis licet considerare. Et cæcitas quidem Iudæorum tanta fuit, quod nec Christi omnipotentiam agnoscere, nec à nefario suo proposito desistere, post lapsum suum potuerunt, futurum proculdubio ostendentes, populum Iudaicum, vocẽ Christi in prædicatione non audientem, abiturum retrorsum, & à Regno cælorũ exclusum iri. Potentiã vero & maiestatem Saluatoris pulchrẽ describit Gregorius. Vocẽ inquit solimodõ mitiffimæ responsonis edidit, & armatos persecutores suos protinus in terrã stravit. Quid ergo facturus est, cum iudicaturus venerit, qui in vna voce hostes suos percussit etiã cum iudicandus venit? Quod est illud iudiciũ quod immortalis exercuerit qui in vna voce, ferri moriturus non potuit? Quis enim iram toleret, cuius & ipsa nõ potuit mansuetudo tolerari? Ex his & similibus videre est, Chrũm pro redemptione generis humani spõre corpus suum quibusuis supplicijs obiecißẽ. quẽ admodum illum facturum Esaias prædixerat.

Mora. l. 17
cap. 19.

Oblatus est quia ipse voluit.

Isaiã. 53.



Ioan. 18.

Proue. 27

Gen. II

Rom. I.

Eccl. 21.

Quod ad resipiscenciam Diuina bonitas semper homines inuitet; etiam sub illud ipsum tempus Christus Dñs demonstrasse videtur, quo armatae iudaeorum cohorti, quae ad comprehendendum illum venerat, verbo virtutis suae tantum terrorem incussit, vt reuersum abire & in terram cadere coacta fuerit. Volebat nimirum verus hic animarum medicus, hac plaga illata caecitatem perditorum hominum sanare, & ad agnitionem erroris, iustumq; pro tanta audacia dolorem concipiendum mentes illorum pertrahere: cui quoniam parere recusarunt, nullus est qui summam hanc illorum amentiam & temeritatem non detestetur. Quod ergo damnamus in illis, hoc vt ne ipsi admittamus, omni cura prouidendum nobis est. Admonemur enim & occulta quadam voce ad resipiscenciam vocamur & nos; quoties in hac praesenti vita, vel corporis vel fortunae incommodis affligi, & quasi in terram nos cadere Deus permittit: vt eorum bonorum, quae velut umbra praeterent, inconstantiam & varietatem considerantes, ad illa quae omni felicitate abundant, aeternaq; sunt, aspiremus; peccata admissa desicemus; & ne ad eadem illa quasi postliminio reuertamur, sedulo caueamus. Huic igitur Diuinae voci vbi non obtemperamus, & sicut canis qui reuertitur ad vomitum suum, imprudentes stultitiam nostram iteramus; non modo Iudaeis istis qui cadentes retrorsum nec vocem Christi audire, nec a nefario proposito desistere voluerunt, sed illis quoq; qui turrim Babel aedificabant similes esse videmur. Quid enim aliud est facere turrim cuius culmen pertingat ad caelum, quam peccata peccatis addendo in Babylonica quadam confusione versari, & contra Diuinam voluntatem veniendo, vanam sibi securitatem polliceri, diuitiasq; bonitatis, patientiae, & longaminitatis Dei continere? Hanc turrim qui aedificat, non alius illum manet exitus, quam vel in hoc vel in futuro saeculo grauis Dei vindicta atq; indignatio: in quam cum nos sapiens incurrere nollet, prudenter admodum a peccatis ad resipiscenciam nos vocat, inquiring; Fili peccasti? **NON ADIICIAS iterum: sed & de pristinis**

deprecare

deprecare vt tibi dimittantur. Eius itaq; monitis acquiescentes, quam turrim vitiorum, contra Deum illiusq; legem ex inordinatæ nostræ voluntatis lateribus, fabricare quodammodo in dies videmur, ad eam altius erigendam, ne Deum ad vlciscendum prouocet, animum non adijciamus, sed de pristinis potiùs erroribus, vt nobis dimittantur Deum deprecemur. Atq; vtinam faciant idem quoq; illi, qui hoc infelicisæculo nostro celebrare nomen suum volentes Hæreticorum opinionum auctores, & plusquam Babylonicæ confusionis architecti extiterunt. Vtinam aliquando respiscant, & voce Christi, ad quem blasphemandum, iterumq; crucifigendum mentes impias adiecisse videntur, admoniti, à scelerato proposito resiliant: ad Cathedram vnitatis, in qua posuit Deus doctrinam veritatis, redeant: displiceantq; sibi metipsis super malis quæ fecerunt in vniuersis abominationibus suis. Nulla enim maior abominatio, & quæ Deum vltorem magis exposcet, cogitari potest; quam si quis fornicetur in adinventionibus suis, & loco Christi in Bethleem nati, vel Islebientem vel Geneuentem Antichristum adoret. Fugienda sunt hæc idola omnibus, qui à perpetua confusione cæcitateq; liberi esse volunt quærenda est terra vnius labij & sermonum eorùdem, sancta videlicet, Catholica, Apostolica, Romana Ecclesia: in qua idem dicunt, idem sapiunt, & sentiunt omnes: vbi multitudinis credentiũ est cor vnum & anima vna. Quamobrem & Hæretici qui prauis opinionibus adhærendo, & Christiani qui malè viuendo Babylona ædificant, non adijciant amplius vt peccent. Auolent quasi auis ex Ægypto, & quasi columba de terra Assyriorum: illi de tenebris Hæresos, hi autem è terrenarum cupiditatũ affectionibus. Et collocentur in domibus suis: illi in vna Sancta Catholica Ecclesia à qua veluti peregrinus à domo sua, longissimè aberrarũt: hi autem in puritate conscientix, quæ illos tam ab ijs qui videntur, quam ab illis qui sub aspectum non cadunt, hostibus tutos reddere potest. Confurgamus igitur qui in vitijs sepultus iacuiamus, confurgamus autem diluculo. Compunctio-

Ezech, 6.

Osee, 11:

1. Mor.
cap. 19.

Psal. 48.


Ioan. 3.

2. Pet. 2.

nis vt scribit Gregorius, luce perfusi, humanitatis nostrae non-
 detem deseramus, & ad veri luminis radios, mentis oculos a-
 periamus. Ne simus Iudaeis nec videre nec audire volenti-
 bus, similes; sed audiamus quid loquatur in nobis do-
 minus, quia loquitur pacem in plebem suam. Et super
 sanctos suos, & in eos, qui conuertuntur ad eor, qui li-
 cet in peccatis fuerint, per salutarem tamen poenitentiam
 ad Dnum conuersi, sicut antea inimici Dei, ira postea amici
 effecti, pacis & charitatis cum illo vinculis colligantur,

Domine qui vidisti opera Niniuitarum, quia conuersi fu-
 erant de via sua mala, & miseris es super malicia, quam lo-
 cutus fueras, vt faceres eis, & non fecisti: da vt & nos imma-
 nitatem peccatorum perpendentes, conuertamur a vita no-
 stra mala, & ab iniquitate quae est in manibus nostris; serui-
 amus autem tibi in sanctitate & Iustitia omnibus diebus vitae
 nostrae. Utinam vocem visitationis tuae audientes, dum nos
 in tribulationes & angustias cadere permittis, de peccatis
 propulsandis; quorum causa mala haec nobis plerunq; eue-
 niunt, cogitationem seriam suscipiamus, Babylonem peccā-
 tes non aedificemus, animae vulnera post curationem non re-
 nouemus, sordibus post lotionem non inquinemur, vitijs post
 veniam non abundemus. Scimus Domine melius esse non
 cognoscere viam iustitiae quam post agnitionem retrorsum
 conuerti, ab eo quod traditum est sancto mandato. Concede
 igitur nobis, vt dum refugere coinquinationes mundi in co-
 gnitione Domini & Saluatoris nostri IESU Christi incipi-
 mus, his rursus implicati ne superemur: ne nobis posteriora
 deteriora prioribus fiant: sed potius praescientes lubricas vi-
 tae istius vias, & nomen tuum sanctum inuocantes, diligen-
 ter nosmetipsos custodiamus, ne insipientium mo-
 re a rectitudine fidei vitaeq; innocentia vnquam
 deflectamus & excidamus.

IUDÆ OSCVLVM.

*Ad utrunq; peritus.*

Iudas Iscariotes (qui ait Ambrosius, seruus dominum, discipulus prodens Magistrum amoris pignore vulnus infixit, charitatis officio sanguinem fudit, pacis instrumento mortem irrogauit) graue nobis suppeditat exemplū, ne quis nimium de statu suo confidat; sed cum via hæc & peregrinatio nostra adeò sit lubrica, vt ea ingredi absq; casu & prolapsione vix quisquam possit, cum timore potiùs & tremore salutem suam operetur, memor illius quod scriptum est; Qui stat, videat ne cadat. Subinde nobis in memoriam Iudas hic redeat, qui licet in hæc celsissimam dignitatis atq; honoris sedem ascendisset, vt inter Apostolos locū haberet; tantū tamē sceleris fecit, quo magis truculentum & detestabile cogitari non potest, vt Dñum suū in manus peccatorū nefariè traderet. Vtinā autem hoc nostro infelici seculo, plures quā vellemus, Iudæ similes nō reperirentur. Sed quā rectè per Iudā quosuis Hæreticos posse intelligi olim scripserit Origenes magno eū multarū animarū periculo, quotidianis docemur exemplis. Hi sunt qui osculo tradunt filiū hominis: qui dum

Coment.
in Luc. 1. 10

1. Cor. 10

Homi. 35
in Matth.

miris verborum lenocinijs & Specioso verbi Dei pietatisq; titulo, pestiferum suum dogma contegunt, aliud corde clausum, aliud ore promptum habentes, sanctissimumq; Christi nomē, malitiose criminosorum hominum ingenijs exponūt blasphemandum: & non minus Iudæ, quàm meretrici illi, ad decipiendas animas præparatæ, apprehensumq; iuuenem deosculanti, se ostendunt perfimiles, quando verbis ad blanditiam eompositis, animos simpliciorum in errorem pertrahunt, vt Corpus Christi Ecclesiam lacerent & distrahant, omnibus modis contendunt & elaborant, verbis quidem Deum honorantes & Iudaicum illud Rabbi semper in ore habentes, corde autem negantes: vt quod ab Hieremia scriptū est, non magis in Iudam quam in eos quadrare videatur;

Proue. 7.

Hiere. 9.

Sagitta vulnerans lingua eorum, dolum locuta est; in ore suo pacem cū amico suo loquitur, & occultè ponit ei insidias.



Insignè

Inigne fuit illud mansuetudinis nostri Saluatoris exem-
 plum, quod Iudam osculo se tradentem, amici nomine cō-
 pellare dedignatus non est, insignis fuit & Iudæ improbitas,
 qui, qua virtute ferocissimorum quorumq; hominum corda
 vel maximè molliuntur, ea se frangi minime passus fuerit.
 Quemadmodum igitur hanc Iudæ improbitatem detestari
 & fugere, ita singularem Saluatoris modestiam admirari at-
 que imitari debemus, vt & ipsi aduersus eos, qui nos quocū-
 que tandem modo offendunt submissè nos & mansuete ge-
 ramus. Hac enim potissimum ratione etiā ferocissimi quiq;
 (nisi forte ipsum proditorem Iudam duritia & impietate su-
 perare videri velint) domantur: & charitatis vis vberius in
 nobis crescit & diffunditur, si eos à quibus lædimur, non so-
 lum non lædamus; sed beneuolētia insuper non vulgari pro-
 sequamur. Mansuetudo itaq; Magneti similis esse videtur, vt
 ferrum ipsum ad se attrahat; Attrahit enim reuera, qui mitis
 est & mansuetus ad se, ferrea hominum corda, quodq; potē-
 tia feritate nequit; hoc humilitas lenitate sua perficere non
 raro solet; vt quod à Propheta scriptum est; Mansueti autem
 hæreditabunt terram non magis de cælesti gloria, quæ ter-
 ra viuentium est, quam de hac quoq; quam pedibus nostris
 calcamus terra possit intelligi. Quanta fuerit olim Ethnico-
 rum Principum potentia; nullus est qui nesciat, ea tamen
 mansuetudine sua, persecutiones perferendo, superbix hu-
 militatem opponendo, post effusum prius Christi sanguinē,
 sancti martyres & electi Dei ita debellarunt; vt Euange-
 lij suauē iugum suscipiens. hæreditas illius, qui mitis, hære-
 ditaturos terram non frustra promiserat, tandem sit effecta.
 Non ergo temere Apostolus, magistri sui doctrinam sequitur.
 Benedicere persequentibus nos, humilibus consentire, nul-
 li malum pro malo reddere, sed potius vincere. **IN BONO**
MALVM nos iubet. Sciebat in obsequium Christi seruitu-
 tis, gentes quæ Deum non nouerant, hac ratione Magnetis
 instar ferrum attrahentis, posse perducī. Eius nos admoniti-
 onem, Christi verò sanctorumq; ipsius exemplum sequuti;

Psal. 63.

Matth. 5

Rom. 12.

Ephes. 4.

In glo. sup.
Mat 5 Be-
ati mittes

Rom. 12.

Deut. 32

Prou. 25.

2. Tim. 2.

Psal. 36.

ad modestiam Christianis hominibus dignā, ita mentes nrās componere studeamus; vt dignè ambulemus vocatione, qua vocati sumus, cum omni humilitate & mansuetudine, cum patientia supportantes nos inuicem in charitate. Mansuetus siue miris est, scribit quodam in loco Hieronymus, quem nō rancor vel ira afficit, sed omnia æquanimiter sustinet, non irritat, nec irritatur, non nocet, nec nocere cogitat. Sustinea- mus igitur æquanimiter omnia; quæ nobis non sine graui iniuria nostra ab alijs irrogantur. Vltionis cupiditatem omnem ex animis nostris euellentes, non nosmetipsos defendamus, sed demus locum iræ. Scriptum est etenim; Mihi vindictam ego retribuam dicit Dominus. Nemini, etiam si maximè possimus, noceamus; cum hoc non minorem apud Deum gratiam, quàm apud homines laudem & gloriam conciliare soleat. Si eturierit inimicus tuus ciba illum, inquit sapiens: Si sitierit da illi aquam bibere. Prunas enim congregabis super caput eius & Dominus reddet tibi. Nihil ad expugnandos inimicorum animos æquè valet, ac ipsa beneficentia. Egregiè nos inimicos nostros vltos arbitrari possumus, si de illis, charitatis feruore incitati, quàm optimè mereamur. Congeremus carbones ignis super capita eorum; vt ardorem siue conscientiæ morsus sustinere non valentes, ipsi se beneficijs nostris obrutos, vltro fateri, & errorem suum agnoscentes, mansuetudinem patientiamq; nostram necessariò collaudare cogantur. Qua vna re nihil ad veram gloriam magis illustre, nihil ad Diuinam gratiam consequendam magis vile necessariumq; nobis accidere potest. His igitur armis contra falsorum fratrum machinationes muniti, vt seruos Domini facere par est, non litigemus, sed mansueti simus ad omnes. Ita enim hereditabimus terrā illam ad quam in hoc misero vitæ istius exilio constituti, aspiramus omnes: ita delectabimur in multitudine pacis, vt non solum pace cum Deo, conscientia nostra ac proximo, in hac peregrinatione vtamur; sed & in patria quoq; cœlesti, eadem quin multò potius beatiore absq; vlllo fine perfruamur.

Domine

Domine qui deludis illasores, & mansuetis das gratiam, impatientiæ vitium longè fac à nobis, ne nos ira ad vindictâ-
 furor ad peccatum propellat. Da vt ne quæramus vltionem,
 nec memores simus iniuriæ ciuium nostrorum, sed eos tan-
 quam amicos diligentes, quascunq; ab illis iniurias accipi-
 mus, eas peccata nostra promeruisse agnoscamus, tibiq; pro
 omnibus gratias agamus. Da vt in mansuetudine seruemus
 animas nostras, & demus illis honorem secundum meritum
 illarum. Honor animarum nostrarum maior esse non potest,
 quàm si obedientia, tolerantia, humilitate, modestia, lenita-
 te mansuetudineque commendetur. Hæc illarum hone-
 stas, hoc decus est incomparabile. His igitur dotibus si ho-
 nestatæ fuerint, quæso, vt ne eas dehonestemus: si fuerint,
 ita ornata, vt ne eas spoliemus: Sed decoratas & ornatas, ita
 conseruemus, vt mansueti illi, quos iam in hæreditatem il-
 lam terræ viuentium intromifisti, audiant hæc
 magna quæ tu fecisti nobis, & lætē-
 tur in te Domine.

Prou. 3.

Leuit. 18

Eccle. 10.

Psal. 33.



TESTIMONIA FALSA.



Vis nescia vinci.

Seneca E-
pist. 18.

Matth. 26

In cap. 26
Matth.

Quod ab Ethnico quodam scriptum legimus: veritas in omnem partem sui eadem est: tenue est mendaciū: per-
lucet si diligentius inspexeris; id longè verissimum esse falsa testimonia, contra Christum producta manifestè comprobāt. Perlucebat sanè magnum & impudens mendacium, in fal-
sorum illorum testium, quos principes sacerdotum suborna-
uerant, testimonijs: Veritas autē ipsa **CHRISTVS IESVS** utpote solida, grauis, & robusta petra, pullis aduersariorum machinis licet grauiter oppugnaretur, labefactari potuit. Qui autem falsorum testium nomine designentur, non ob-
scure indicat Hieronymus; Falsus testis est, inquit, qui non eodem sensu dicta intelligit, quo dicuntur. Saluator dixerat: Soluite templum hoc: isti commutant & aiunt. Possunt de-

struere

struere templum Dei. Vos, inquit, soluite non ego, quia illicitum est, vt ipsi nobis inferamus manus: deinde illi vertūt, & post triduum reedificare illud, vt propriè de templo Iudaico dixisse videatur. Dñs autem vt ostenderet animale & spirans templum dixerat, & ego in triduo suscitabo illud. Aliud est ædificare aliud suscitare. Quod itaq; falsos illos testes olim fecisse scribit Hieronymus, vt verba Saluatoris in aliam, quam dixerat partem torquerent: id hodie quoq; facere videntur nostri temporis Hæretici: qui cum moris habeant, (vt auctor Commentariorum in Marcum Hieronymo adscriptorum testis est) vmbra de veritate trahere; scripturarum verba ad peruersum doctrinæ suæ sensum accommodant, eaq; mutant, vertunt peruertunt, & deprauant: vt confictis ad placitum suum testimonijs, veritati mendacium infligere, Ecclesiæ errorem temerè obijcere tanto securiùs possint. Testimoniorum falsorum typus in duobus illis filiis Diaboli qui Nabal falsò accusarunt, præcessit;

Submittite duos viros filios Belial contra eum, & falsum testimonium dicant, Benedixit Deum & Regem &c.

In Cap.
Mar. 14.

3. Reg. 12.





Christus Dñs cū ipsa sit veritas, eandem in omni doctrina sua ita retinuit, in dictis ita conseruauit, vt quas illi Diuinæ & humanæ legis violatæ suspiciones per summū scelus affingerent Iudæi, licet vndiq; falsa testimonia conquirerent, eas nullo negotio à se dimoueret: instruere nos volēs, quicquid tandem Sathanas cū membris suis contra nos molitur, nihil illum perfecturum, si à veritate nō recesserim, illudq; sedulo procurauerimus, vt ne aliud corde gerendo, aliud ore proferendo, Diaboli qui mendacij pater est, membra simus. Quam igitur in omnibus actionibus nostris à nobis sinceritatem exigit, eandem & in loquendo puritatem Deus requirit, vt cor nostrum cum ore consentiat. & idem foris lingua concrepet, quod intus cor occultat. Hoc itaque sinceritatis symbolū effingentes os cordi inseruimus, vt ita se Christianus ore veritatem proferre debere intelligat; quē admodum cordis ipsius intima, optimæq; mentis conscientia illi dicat. Quoniam autem huc pertinere videntur illa Saluatoris verba quæ in Euangelio posita ab Apostolo legimus

Matth. 5.
Iacob. 5.

repetita, sit sermo vester **EST EST: NON NON**, idèò manum apertã quæ affirmationis & contractã quæ negationis vim exprimeret, symbolo adiūximus. In duobꝫ etenim his omnia esse posita videntur, vt ad rei veritatẽ demonstrandã vel quæ neganda sunt, negemus; vel quæ asserenda sunt, affirmemus: nihil est tertiũ. Quod enim his duobus abũdantius est, à malo esse Chrũs Dñus ait. Quod cùm ita sit, maximè curandum nobis est, vt vbi fides nr̃a requiritur, ibi altero horũ vtamur, & **AVT EST AVT NON** liberè pronunciemus; memores illius quod ille tantum habitabit in tabernaculo Dñi & requiescet in mōte sancto eius, qui ingreditur sine macula, loquitur veritatẽ in corde suo, nec agit dolũ in lingua sua. Vx sèpiternũ denũciatur his, qui duplici corde sunt & labijs sceleris, & manibus malefacientibus, & peccatori ingredienti duabus vijs. Nulla sanè res maiorẽ perniciẽ attulisse videtur terris illis, vbi ab vnitate Catholicæ Ecclesiæ, facta est discessio, quã hæc cordis & linguæ discrepantia. Nisi enim viri duplices animo, inconstantes in omnibus vijs suis fuissent, ad eam fidei diuersitatem, quam nunc maximo cum dolore plerisq; in locis esse videmus, ventum non esset: qui dum duabꝫ in sellis (quod est in prouerbio) sedere, & Chrũm cum Antichristo, vel Islebienũ vel Geneuẽsi simul se colere posse persuasum haberent, ad horrendam quandam idololatriã multos homines pertraxerunt. Quantò reũius fecissent illi, si vel frigidĩ essent aut calidi. sed quia tepidi sunt, & nec frigidĩ, nec calidi, incipiet eos euomere ex ore suo Dominus: vt partem cum electis ipsius habere nequaquã possint, quãdoquidẽ & ipsi Christum negasse & alijs ad errorem viã cum primis amplam patefecisse videntur, cuius hucusq; finis inueniri potest null. Quẽadmodũ igitur in religione ita & in omnibus reliquis actionibus nr̃is diligenter cauẽdũ est, ne clarissimã veritatis lucẽ ista cordis & oris diuersitate, veluti nebula quadã inuoluamus. Sit sermo noster est, est: nō, nō: quodque Hieronymũ Gelantiã monuisse legimus, id nobis quoq; dictũ arbitremur. Tãtus in nobis sit veritatis amor, quod quicquid

Matth. 5.

Psal. 14.

Eccle. 2.

Iacob. 1.

Apoc. 3.

Zach. 3.

Prou. 12.

Psal. 5.

Eccl. 2.

Psal. 11.

Eccl. 118.

Eccl. 37.

Proue. 28.

Psal. 42.

dixerimus, id iuratum esse putemus: ne in nos vlla veritatis aliqua mendacij nota cōtaminatæ suspicio, cadere possit. Loquamur veritatem vnusquisq; cum proximo suo, cum veritate pacē diligamus: illud semper præ oculis habentes, quod in libro Prouerbiorum scriptum videmus; Abominatio est Domino labia mendacia. qui autem fideliter agunt, placent ei. Fideliter illi videntur agere: qui nullo timore humano deterreri possunt, quominus veritatem loquantur: & quod ad cultum Dei siue propagandum siue diminuendum, ad ædificationemq; proximi pertinere vident, id prout in animo habent, liberè proferunt. Tales qui sunt Domino placent; Qui verò aliud cogitāt & aliud loquuntur, aliter; quàm sentiunt ipsi, propter sua commoda verba ad decipiendos animos accommodata proferunt, eisq; proximo, quin & Deo ipsi illudunt; eos merito abominatur Dñs, & suo tempore, graues de illis pœnas sumet, iuxta illud quod à Dauide, de tali hominum genere scriptum est; Odisti omnes qui operantur iniquitatem; perdes omnes qui loquuntur mendacium.

Domine qui protector es omnibus exquirentibus te in veritate disperdes autem labia dolosa & linguam magniloquam, ne auferas de ore nostro verbū veritatis vsquequaq; quia in iudicijs tuis supersperauimus. Ante omnia opera verbum verax præcedat nos, & ante omnem actum consiliū stabile, & quæ cogitamus ea dum postulat necessitas, non in labijs dolosis, sed in veritate ad tui nominis gloriam, proximi ædificationem nostramq; vtilitatem loquamur. Cor duplex & spiritum mendacij aufer à nobis, vt tibi qui veritas es adhærentes, Sathanam mendacij auctorem vincamus, insultantium nobis & calumniantium nos impetus, in patientia & veritatis assertionem superemus. Ne permittas clementissime Deus, vt pro buccella panis deseramus veritatem carnalibus desiderijs à Regia via abducti: sed emitte potiùs lucem tuam & veritatem tuam, vt ipsa nos per tenebricosas istius vitæ vias deducant & adducant in montem sanctum tuum & in tabernacula tua. Nec enim absq; tuo lumine & gratia,

lumen

lumen veritatis comprehendere possumus. Da ergo vt & in nobis. nosmetipfos diiudicando, cogitationibusq; sermones coæquando, & in proximis, eorum malis compatiendo, eosq; in vero charitatis affectu, humiliter absq; simulationis alicuius labe admonendo, veritatem ipsam inquiremus; inquirentes autem illam, non minuamur omni bono; sed tecum perpetuò gaudere atq; lætari valeamus,

PERCVSSIO.



Vsq; adeo furor insanit.

Cum grauitatem illam verborum, quibus se filium Dei Christus Dñus asserbat, impia Iudæorum factio diutius sustinere non posset: ad id confugit, quod commune multis esse solet, qui veritatis aciem perferre non volentes ad arma & cædes illico profiliunt. Quamobrem vt ait Euangelista, in venerandam Christi faciem conspuere, colaphis eum cedere & palmas in faciem eius dare, cœperunt Iudæi, vt hoc nefario facto suo, non desuturos homines impios ostenderet;

Matt. 26.

qui non tã in terris commorantem, quã (quod multo scelus est atrocius) in cælis Christum regnantem, modis indignissimis erant tractaturi. Nam qui præsentiam gratiæ Dei respiciunt, Diuinos instinctus contemnentes, & in cœpta impietate perseverantes, ij quodãmodo in faciem saluatoris expueri censendi sunt. Homines verò sensu carnis suæ inflati, qui cõmoda & honores suos Diuino honori & Ecclesiasticæ utilitati anteponunt, colaphis Christi cædere videntur. Gentiles porro & Iudæi, qui perfidia cæcati Christum in terras venisse negant, & memoriam illius omnem exterminare conantur, ij sunt qui palmas in faciem dant, & gloriam maiestatis Christi omnẽ cupiunt obscuratam. Passurum autem Christum indignissima quæq; à Iudæis, Isaias vaticinatus est: qui in saluatoris eiusdem persona loquitur;

Isaiæ 20.

Corpus meum dedi percutientibus, & genas meas vellentibus: faciem meam non auerti ab increpantibus & conspuentibus.



Venerandam illā Christi Saluatoris faciem, in quā Angeli prospicere desiderant, cum à Iudæis consputam anima fidelis audit, maximum sanè dolorē concipere debet, quod pro peccatis mūdi tam indigna filius Dei perpeffus sit. Si tamen & illud quod ab Augustino legimus annotatum, considerauerit, ad dolorem primum non mediocris accessio est futura. Expuere siquidem in faciem Christi nunc quoq; scribit illos, qui præsentiam gratiæ eius respuunt & contemnant: quorum vtinam ne tam copiosus esset numerus, qualè hoc sæculo reperire licet. Nō obscura sunt ea præsentia Diuinæ gratiæ indicia, dum ad pietatem vel à verbi Dei præconibus erudimur, vel à proximo admonemur, vel quodam etiam occulto instinctu incitatur. Quibus rebus si ad rectè faciendū non commouemur, & in peccatis nihilominus persistimus, filiū Dei conspuere & conculcare, sanguinem testamenti, pollutū ducere, & spiritui gratiæ contumeliam facere videmur. Quod quanto scelus est grauius, tanto grauioribus supplicijs illud Deus punire consuevit. Hæc igitur si volumus effugere, ad gratiam Diuinam acceptandā, ira nos ipsius inuocato auxilio præparare debemus, vt primum mūdi istius voluptates, tanquam vanas & momentaneas contemnamus; deinde verò ad deuotam Diuinæ voluntatis meditationem mentem omnem conuertamus, postremò feruens Diuinæ charitatis desiderium beneficiorū nostro generi collatorū recordatione in nobis excitare contendamus. Tria hæc ad acquirenda Diuinæ gratiæ munera Ira conducūt, vt impossibile sit Deū qui & summa bonitas est & veritas. ijs nolle misereri, qui eum tali animo cordeq; requirunt. Dabit illis spiritaliū diuitiarū abundantia, vt ad curanda animæ vulnera manus admoueant, quæ bona sunt illa tota mentē concupiscant, concupiscentes eadem faciant, facientes in bono perseverēt, perseverantes autē ad æternam gloriam perueniāt. Ad hos igitur Diuinæ bonitatis thesauros percipiēdos tanto maiore animi cōtentione ferri debemus, quāto huius mūdi

*De Quest.
Euang. l. 1
cap. 44.*

Hebr. 10.

Eccl. 5. 1.

Eccl. 5. 1.

Afor. 8.

Isaie 53.

Rom. 8.

Psal. 45.

2. Cor. 9.

diuitijs, illos antecellere videmus. Quod sapientem illum fecisse legimus, faciamus & nos; Manus nostras extendamus in altum, suppliciter à Deo petentes, vt ne gratia sua nos velit destitutos, sed in sapientia sua lucere faciat animas nostras & ignorantias nostras illuminet: quod si obtinuerimus bonam possidebimus possessionem, quam à nobis nullus auferre poterit: ad cuius desiderium, illis videmur sapientis verbis excitari, cum inquit; Comparate vobis *SINE ARGENTO*, & collum vestrum subijcite iugo, & suscipiat anima vestra disciplinam, in proximo est enim inuenire eam. Sine argento sapientia & reliqua gratiarum munera comparantur. Donum enim Dei pecunia non possidetur, cum æque pauperi ac diuiti eius potiundi potestas sit concessa Sed subijcere collum iugo; suscipere disciplinam, hoc est precium illud quo diuitiæ tales emuntur. Subijciamus, oportet, collum nostrum Sancto legis Euangelicæ iugo: vt quæ nobis facienda præcipit faciamus; quæ fugienda iubet, procul fugiamus. Apprehendenda est disciplina pacis nostræ, quam Christus ipsemet sustinuit, vt eum sequuti spiritu facta carnis mortificantes. non solum hic viuere, sed & in futurum viuentes gaudere possimus. Hæc si Domino obtulerimus, absq; aliqua rerum, quæ ad vitam sustentandam nobis sunt attributæ, iactura; gratiarum Dei participes efficiemur: vt fluminis instar, copiose super nos munera sua spiritus sanctus, qui à Patre filioq; veluti à fonte quodam procedit, effundat, & cor nostrum ad opus bonum ita promoueat, vt veluti fluius cursum suum non interrumpit, ita nos nunquam à bene agendo desistamus. Fluminis huius impetus lætificabit ciuitatem Dei, sanctificabit tabernaculum suum altissimus. Gratiarum enim Dei participatione, & ipsemet recreabimur, & pro ea qua nobis sunt charitate coniuncti, regni cœlestis incolæ gaudio lætitiæq; maxima perfundentur, cum nos veluti tabernacula Dei sanctificatos, & templa spiritus sancti effectos viderint.

Domine Deus qui potens es omnem gratiam abundare facere in nobis, vt in omnibus semper omnem sufficientiam

habentes

habentes abundemus in omne opus bonum: excita potentiam tuam hanc & veni; mentesq, nostras humilitate sancta illustra, vt eam possidentes ad dona spiritus sancti percipienda reddamur aptiores. Scim9 vberiore esse gratiam tuã quam precessionem nostram. Semper enim Domine tu plus tribuis quam rogaris. Concede igitur vt odio peccatorum præritorum stimulat; contemptu præsentium voluptatum confirmati, desiderio futurorum bonorum accensi, vasa digna efficiamur ad excipiendam gratiam tuam: quæ quoniam balsamum est purissimum, fac vt eam nobis datam in corde puro retineamus, in mentis soliditate conseruemus, in timoris & amoris profunditate, diligenter, ne effluat, perpetuò custodiamus.

Psal. 79.

Ambr. sup.
Luc.

PETRI NEGATIO.

*Vt vigilent alij.*

Trinam Petri negationem mysticè describens Origenes, per primam Principis ancillam, quæ discipulum fecit

In Matth,
Homil. 35.

R

Christum

De Quest.
Euang. l. I
6.45.

Christum negare putat intelligi Synagogam Iudæorū qui secundum carnem denegare frequenter cōpulerunt fideles. Secundum autem ancillam, congregationem gentium, qui & ipsi persequentes Christianos denegare cogebant. Tertios autem stantes in atrijs, ministros esse Hæresum diuersarum: qui & ipsi veritatem Christi denegare compellunt. Cæterū errorem Hæreticorum de Christo, secundum trinam Petri negationem, tribus generibus terminari scribit Augustinus. Aut enim de Diuinitate, aut humanitate, aut vtroq; fallūtur. Per Gallum cantantem, Doctores Ecclesiæ, & fideles verbi Dei præcones intelliguntur; à quibus vtinam Hæretici, ad apertam Christi nominis, ab ipsius negatione, confessionem, reuocari se paterentur. Personuit iam latè huius Galli canētis vox: patrum scilicet in Concilio Tridentino legitimè in S. Spiritu congregatorum vnanimis de rebus fidei consensus. Huic igitur Christi abnegatores acquiescant Hæretici: hoc excitentur; & ex atrio Caiphæ, è Sathanæ Synagoga, è cœtu seorsim colligentium foras egressi: petro se iungant: fidei quam Petrus tradidit, nunc autem Gregorius XIII. legitimus Petri successor custodit, firmiter adhæreant: atq; ita in Ecclesia vniratis manentes, negationis præteritæ iordes amaræ fletibus eluant. Quod quamdiu non fecerint, pro Christum negantibus sunt habendi; vt sicut olim sub ipsum passionis tempus, de Apostolis à se recedentibus, ita nunc suo quodam modo Christus quoq; de illis conqueri possit;

Psal. 87.

Elongasti à me amicum & proximum: & notos meos à miseria.



Quemad-



Quemadmodum terna Petri negatione, ne simile quid à nobis designetur, absterreri, ira cum eundē de admissō peccato amare flentem, & posthac Christum liberè Judæis & gentibus prædicantem audimus, ad apertam sacrosanctæ fidei Chatholicæ Christiq; nominis confessionem excitari merito debemus: ut cuius peccantis errorem detestamur, eius poenitentis & resipiscentis virtutes imitemur. Tria sunt hominum Christum negantium genera. Vnum eorum est, qui (quales Christiani omnes qui impiè viuūt esse censendi sunt) ore quidem confitentur se nosse Deum, factis autem negant, cum sint abominati & incredibiles, & ad omne opus bonū reprobi. Alterum eorum est, qui, licet corde vel factis nolint, ore tamen Deum negare videntur. Hos autem tepidos Chatholicos esse constat, quorū in ijs terris vbi ab obedientia Sanctæ Matris Ecclesiæ discessum est, ingens reperitur multitudo. Tertium illorum est, qui cum ab vna Sancta, Chatholica, & Apostolica Ecclesia se nefaria præcisione segregauerint,

Tit. I.

non magis ore quàm factis Deum negasse censentur, & Hæretici idèò vocantur; quòd sibi opiniones quasdam ab vnanimi totius Ecclesiæ consensu dissentientes, seorsim elegerint, illasq; sequantur; Omnes igitur hi pro Christi abnegatoribus, quicquid tandem ipsimet de se dicant, habendi sunt. Ac illis quidem qui in vnitrate Catholicæ fidei perseuerantes, vitam Christianis hominibus indignam ducunt, id vel maximè curandum est, vt quauia Christû in terris conuersantem incessisse vident, eandem & ipsi ingrediantur, & à quo nomen habent, eius facta, si negatores illius dici & haberi nolunt, imitari totis viribus contendant & elaborent. Hæretici porò si à Christi negati crimine liberi esse volunt, affectionibus humanis posthabitis, inter tot opinionum sibi contrariarum dissensiones, quas in dies crescere vident, veritatis inuestigandæ studio debent inflammari, quam quoniam extra Ecclesiam Catholicam reperire nunquam poterunt; hic eam quærant: Ecclesiam inauditam ne temere erroris arguant, & condemnent; sed vbi quæ sit ipsius de omnibus sententia, didicerint & audierint, illi non grauatim acquiescant, & quem antea Christum, Deos alienos colentes impiè negauerant, eum cum Ecclesia Catholica vnanimi voce laudent & confiteantur. Quoniam autem illi quoq; grauiter peccât, qui licet in Catholicæ Ecclesiæ cõmunionem perseuerent, vbi tamen Christi & corporis eius Ecclesiæ causa agitur, nec se frigidos nec calidos exhibent, & apertè se Christianos & nõ Hæreticos esse profiteri non audent, idèò diligenter eos curare conuenit, vt humano timore postposito, solius tantum Dei suæq; salutis rationem ducant, & quod corde clausum gerunt, id vbi necessitas postulauerit, ore etiam ipso palam, ad maiorem fidei Christianæ propagationem enuncièt, Pauli Apostoli exemplû doctrinamq; secuti, qui ad Romanos scribens NON ERVBESCO, inquit Euangelium. Virtus enim Dei est in salutem omni credenti. Ad quid enim virtus, ad quid salus est credentibus Euangelium: si nos Catholicam doctrinam virtutem & salutem credentium esse scientes, illam ab-

ROM. I.

scondi-

fcondimus, palamq; vbi locus & tempus exigit eam profite-
 ri non audemus? Nunquid Christus gratis mortuus est? Nū-
 quid vnicuiq; de proximo suo Deus non mandauit? Nū quod
 à Salvatore dictum esse scimus; Omnis qui confitebitur me
 coram hominibus, confitebor & ego eum coram patre meo
 qui in cœlis est, qui autem negauerit me coram hominibus,
 negabo & ego eum coram patre meo qui in cœlis est, id ve-
 rum esse dubitabimus: Apertè Christus coram hominibus
 est confitendus, ne nos ipse coram patre suo cœlesti neget; ne
 nos Euangelium erubescere quis iudicet, ne frustra Christū
 pro nobis passum existimet, neue de proximo nihil curare
 nos arbitretur. Exigit id à nobis suo quodam iure tam Diui-
 na quàm humana charitas, vt quod rectū esse videmus, ad id
 amplectendum quamplurimos pertrahamus, quò & gloria
 Dei crescat, & anima fratris è periculo liberetur. Atque huc
 Propheta respexisse videtur; cùm Dnū alloquens diceret;
 Iustitiam tuam non abscondi in corde meo, veritatem & sa-
 lutare tuum dixi. Iustitia non abscondenda; veritas & saluta-
 re Dei, quod in vna sancta Catholica & Apostolica permanet
 Ecclesia, annunciandum est omnibus illis, qui serpentis a-
 stutia seducti, in cuiusuis potius quàm Christi Euangelium
 transferri se passi sunt, vt resipiscant & ad Ecclesiæ vnitatem
 redeant. Non habet ille charitatem, qui licet cum Ortho-
 doxa sentiat Ecclesia, veritatem tamen doctrinæ illius, vel for-
 tunarum vel vitæ periculo deterritus profiteri non audet, &
 taciturnitate sua, alios in errore prauisq; opinionibus con-
 firmat. Itaq; nocet sibi, contra conscientiam peccando; nocet
 proximo scandali occasionem porrigendo, nocet & Ecclesiæ,
 gloriam capitis illius, qui Christus est diminuendo, eamq;
 ad quamcunq; tandem Antichristi Synagogam transferendo.
 Quamobrem vbi cultus Diuini siue religionis agitur causa,
 tepidos esse nos minimè oportet: sed cùm veritatem fidei
 possideamus, illa tanquam armatura induti, contra eos qui
 mendacium pro veritate sectantur, fortiter pugnare debe-
 mus. Habemus enim Christi primum auctoritate fabricatū,

Matt. 10.

Psal. 39.

Vt. 39

martyrum sanguine expolitum, Conciliorum & Sanctorum decretis, longoq; Ecclesiae vsu roboratum gladium, quod est verbum Dei. Hoc igitur è manibus Ecclesiae legitimo ordine sumpto, cum illis, qui se nefarie ab vnitae segregarunt, ita dimicabimus, vt quas ipsi sibi nouas peregrinasq; doctrinas excogitarunt, atq; illis verbi Dei & Euangelij nomen (cum nihil cum verbo Dei ipsiusq; Euangelio commune habeant) indiderunt, eas ab ouili Christi ipso nobis auxilium suppeditante, propulsare possimus. Adest enim semper pijs conatibus Deus, & suos mirabiliter, etiam si quandoq; res humanae deploratae videantur, protegit. Rectè itaq; is, qui aperte Christi fidem quæ signo crucis exprimitur, profitetur gladium cum palma gestare fingitur. Qui enim secundum scientiam Zelo ardenti commotus, murù se pro Domo Dei opponit, & ad tuendam promouendamq; Christianam religionem. non magis animi quam corporis vires, veluti gladium quendam adfert, victoriam cuius palma symbolù est laborum suorum fructum se reportaturum nouerit. Victoriam autem eam intellige, quæ non solum de corporis hostibus, quales sunt Hæretici, quibus non ferè quicquã contra Christianos sæliciter euenire solere, tot de illis ducti triumphis satis abundè testantur, sed & de ipso diuisionis auctore Diabolo, acquiritur. Fortior enim vnus Deus, quam mille millia legionum Diabolorum omnium. Hunc igitur Ducem sequenti, fidem ipsius aperte confiteri non erubescamus. Si Deus pro nobis quis contra nos? Non illico cælum ruiturum existimemus, si vbi res postulat, Christianos aperte & non Hæreticos esse nos, Deumq; Patrum nostrorum colere, & fidem maiorum nostrorum nos sequi liberè profiteamur, immò verò futurum est, vt quod de Petro coram Principibus & scribis Christum confitente seriotum est, videntes Constantiam nostram, qui discesserint à nobis admirentur, & nihil possint, ijs quæ locuti fuerimus, contradicere.

Rom, 8.

Aetor. 5.

Domine qui fecisti cælum & terram mare, & omnia quæ in eis sunt, quiq; spiritu sancto per os Patris nostri David

pueri

pueri tui dixisti; Aliterunt Reges terræ & Principes conue-
nerunt in vnum aduersus Dominum & aduersus Christum
eius: vide quoniam conuenerunt aduersus te & aduersus
sanctum puerum tuum IESVM quem vnixisti, non iam Hero-
des & Pontius Pilatus, sed quæ illorum impietatem supera-
re videntur, Hæreticarum factionum portenta: quæ sanctif-
simam fidem tuam euersam, sacramenta conculcata, sacerdo-
tium & sacrificium abrogatum cupiunt. Nunc igitur Domi-
ne respice in minas eorum, & da seruis tuis cum omni fidu-
cia loqui verbum tuum, & nullis horum inimicorum machi-
nationibus, nullis eorum terroribus, ab aperta tui nominis
confessione, dimoueantur; sed potius annuntient Iustitiam
tuam in Ecclesia magna, quam tibi per sanguinem vnige-
niti filij tui Dñi Nostri, sponsam elegisti: sanctificasti & coa-
dunasti. Da Domine fortitudinem plebi tuæ, vt quam fidei
veritatem per manus Apostolorum tuorum, sanctorum Epi-
scoporum & Sacerdotum accepit, eam ita retineat vt pro illa
quibusuis periculis, non modo fortunas omnes, sed & vitam
ipsam obijcere pro nihilo ducat. Zelus domus tuæ come-
dat nos semper, vt ne sanctissimū tuum nomen ab impijs ho-
minibus blasphemari tacentes permittamus, spiritum nostrū
pro tui cultus gloria profundere parati. In medio nationis
prauæ & peruersæ constitutos, qui te sub vno visibili pasto-
re colunt & adorant gratia tua corrobora, vt ad ouile tuum
quamplurimos reducant, & exemplo bono ad gloriam tui
nominis propagandam præluceant: quò Christum co-
ram hominibus confiteri non erubescens, Chri-
stus vicissim eos coram Patre suo
confiteatur.

Psal. 2.

Psal. 39.



CHRISTI AD PILATVM ADDVCTIO.



Vertit in rem gloria.

Math. 27.

Math. 15.


1. Pet. 2.

Immanis Iudæorum impietas, varijs iniuriarum & verberum tormentis Christum afflixisse non contenta, ad occidendum illum, animum insuper adiecit, & consilio manè facto, Pilato vincitū tradidit. Porro hæc Dño nostro illata ignominia, in magnam gloriam nobis est conuersa. Pilatus enim hic, gentilis populi figuram in se gerebat: ad quem Christus à Iudæis contemptus & illusus, postmodum erat adducendus. Mirabilis sanè rerum vicissitudo Christus non fuit missus nisi ad oues quæ perierant è domo Israel: ecce autè oues hæ, pastoris vocem audire nolentes, ab ipso nefariè desecerunt. Populus autem gentilis, olim contemptus & abiectus, factus est populus acquisitionis, genus electum, regale Sacerdotium, gens sancta, & de tenebris in admirabile Dei lumen, vocatus est: quod quidem lumen significare videtur illud Manè quo Christum Pilato tradiderunt Iudæi, nobis diem sibi verò noctem perpetuam inducentes. Regnum autè Dei ad gentes à Iudæis transferendum non obscure plurib9 in locis, cum alijs Prophetæ, tum Iſaias prædixit; è quibus illud produxisse suffecerit, vbi in persona Dei loquitur;

Ducam

Ducam cæcos in viam quam nesciunt, & in semitis quas ignorauerunt ambulare eos faciã ponam tenebras coram eis in lucem, & praua in directa.

Isaie 42.



Cum Dominum Iesum, à Iudæis adductum, ante Præsidem sterisse audimus; debet nobis in mentem obedientiã ipsius venire, qua humiliavit semetipsum, factus obediens vsq; ad mortem, mortem autem crucis. Creator ante creaturam se sistit, vt exemplo suo his qui cū potestate verfantur obedire, nec tam personæ, si quid alienum ab officio committât, quàm muneris illorum nos habere rationem debere doceret. Nam cū, quemadmodum pulchrè Diuus Paulus colligit, non sit potestas nisi à Deo; quæ autem sunt à Deo ordinata sint; profectò ille, qui potestati, qualiscunq; tandem illa sit, resistit, Dei ordinationi resistit. Qui autem

Math. 27.

Phil. 2.

Rom. 13.

Hebr. 13.

2 Para. 13

resistunt, ipsi sibi damnationem acquirunt; quam ut effugere possimus, rectè alio loco nos admonet iniquis; Obedite præpositis vestris & subiaceite eis. Ipsi enim peruigilât, quasi rationem pro animabus vestris reddituri. Tâto magis igitur illis parere, eosq; amare tenemur, quâto maioribus, dū nrâm curant, animarum suarum salutē periculis obijciunt. Duplex autē est potestatis species, quæ ut homines in officio contineat, à Deo constituta est. Vna Ecclesiastica vocatur; quæ cum sacerdotum sit propria, qui ligandi soluendiq; conscientias, à Christo traditam habent auctoritatē: per clauem duplicē in simbolo nostro exprimitur: Politica est altera, quæ ad ciuile magistratum propriè spectat, & gladio ac sceptro, quæ Regū & Principū quos seculares vocant, insignia sunt, significantur. Vtriq; potestati nos Deo subiectos esse voluit: ut quæ ad animā spectant in ijs sacerdotibus, quæ autē ad vitæ præsentis rationes pertinent, in ijs Politico magistratui, obediamus. Ad eum siquidē modū hæc officia in libro Paralipomenō distincta legimus, ut Amarias Sacerdos & Pontifex in his quæ ad Deū pertinent præsideat; porro Zabadias filius Ismahel, qui est Dux in domo Iuda, super ea opera sit, quæ ad Regis officium pertinent. Hic ordo vbi seruatur, summā ibi tranquillitatē, ac mirabilē animorū voluntatumq; consensionem videre licet. Cæterū in quibus eum terris commutatum & inuersum audimus, dum politic⁹ Magistratus ea quæ sacerdotū propria sunt sibi ausu temerario vendicat, in ijs plus quàm Babylonicam rerum omnium esse confusionē, nullus est qui non videat, & ingemiscat. Hunc fructū amentix suæ referre videntur illi, qui pro verbo Dei Christiq; Euangelio, impurum Lutheri vel Caluini dogma sequi maluerunt, ut quod habent, ne dicam Principes sed quoscunq; inferioris conditionis magistratus, tot, velint nolint, habeant etiam Politicos quosdam Pontifices; qui à forensibus rebus ad Ecclesiasticas transcendent, magno supercilio, quemadmodum ipsimet Hæretici de illis conqueruntur, audent nouas religionum formulas componere, easq; cuiusuis potius quàm Ecclesiæ Dei

Ministris

Ministris offerre, tali cū imperio, ni applaudāt, sine contradic-
tione, se suo sceptro illos expulsuros aut punituros: quod
etiā faciunt absq; omni misericordia. At non ita sancta Ca-
tholica mater Ecclesia quæ cū sit castrorū acies ordinata, po-
testates habet, quarū vnaquæq; sese intra suos cancellos cōti-
net. Sacerdotes quorū id munus est, legē Diuinam tractant;
principes ea, quibus pax politica & humanæ Societatis or-
do conseruari possit, attendūt. Huic igitur tanquā obediētes
illius filij perpetuò adhærentes, quam nos Deus Præpositis
nostris obediētiā exhibere iubet, eā cū omni humilitate il-
lis deferamus; & illā in obediēdi ratione, quam Bernardus
præscribit, veluti generalē quandā regulam teneamus, vt in
difficilioribus quidē agendis, obeditio gratior, quā præua-
ricatio grauior iudicetur; & in facilioribus minusq; onerosis
contēptus dānabilior, quā actus laudabilior æstimetur. Ad
animos autē ad præstandā superioribus obediētiā præpa-
randos, illud plurimū profuerit, si non à metu seruorū sed à
pleno Charitatis affectu ad obtemperandū adducamur. Plu-
rimū enim interest, vtrū timore pœnæ an amore iustitiæ faci-
at aliquis illa quæ iubetur. Humilitas præterea hīc vel maxi-
mè requiritur, quā qui habuerit, nihil tam durū, nihil tam
grauē humeris illi potest imponi, quod nō summa cū alacri-
tate perferre paratus sit. Quanto nāq; se quis inferiorē cæte-
ris iudicat, tanto illos se præstātiores esse facile existimabit;
quos autē meliores ducit, eos amabit; quos amat, illis hone-
sta iubētibus maxima cū hilaritate, nō poterit nō obtēperare.

DEVS à quo desuper omnis potestas hominibus datur, o-
bediētiæ humilitatisq; virtutem nobis largire; vt voluntati
propriæ renūtiātes, ea quæ per visibiles tuos ministros no-
bis faciēda præcipis, alacriter exequamur. Da vt tam Eccle-
siasticæ quam Politicæ potestati, honorem, reuerentiā, &
subiectiōnē in vera charitate deferam; à murmuratione de-
tractiōneque absteineamus. Scimus Domine; quot & quan-
ta mala propter primi parentis inobediētiā, in genus
humanum induxisti; miserere igitur nobis & concede vt

*De prace-
pto & di-
stipatione.*

Io: 19.

vt ne cuius peccati pœnas sustinemus, illud iteremus, teque ad vindictã de nobis sumendam prouocemus. Respice Dñe de domo sancta tua in nos, & inclina aurem tuam & exaudi nos, vt & illi, qui posteaquam legitimæ potestatis iugum excusserunt, nouas & peregrinas doctrinas amplexi sunt, ad Ecclesiæ tuæ sanctæ gremium redeant; & vna nobiscum, non solum tibi per caput in terris visibile in Ecclesia nobis imperanti, obtemperent; sed Regibus quoq; & Principibus à te missis, ita obediant; vt armis quæ pluribus in locis contra illos, immò verò contra te, nefariè arripuerunt, depositis, omnes vno ore, in vna sancta, Catholica, & Apostolica Ecclesia, te laudare perpetuo valeant.

IUDÆ SVSPENDIUM.



Scelus sceleri ingerit.

[N Iuda Ischariote veram pœnitentiam non fuisse vel illud apertè conuincit, quòd cum Pœnitentia inter spem & ti-

morem media esse debeat, de scelere admisso timorem quide
 & dolorem concepit, ceterum spem omnem de misericordia
 Dei prorsus abiicit, ita vt doloris remedium, morte sola &
 suspendio miserè ad extremum quæsuerit. In quo ipse a-
 troci facto, callida Diaboli nobis insinuat astutia: qui po-
 steaquam in Iudam fuerit ingressus; posteaquam hominem
 scilicet quempiam ad peccatum induxerit, recedit ille quã-
 doq; paulisper, vt se peccasse miser ille agnoscat (nec n. Iudas
 Diabolo cor suum implente poterat dicere, Peccaui tradens
 sanguinem iustum) sed obseruat tamen tempus, vt iterum se
 ei apponat; & cum cognouerit secundum peccatum suum
 quis (vt scribit Origenes) obseruat etiam tertie deceptionis
 locum, vt in abundantiori tristitia illum absorbeat. Hoc igitur
 prauidentem Apostolus consilium Corinthijs dat, vt con-
 feruent charitatem, in eius generis hominem, ne idem illi
 contingat, quod Iudæ videmus euenisse: qui nisi à Principi-
 bus Sacerdotum. Quid ad nos? Tu videris, audisset, fortassis
 ad vltimum impietatis barathrũ nunquam descendisset. Iu-
 dæ interitum videtur Architophelis mors præ-
 signasse; de quo illud in Regum libris
 extat scriptum,

Homil. 35.
 In Matth,
 2 Cor. 2.

Matt. 27.

2. Reg 17.

*Porro Architophel videns, quod non fuisset
 factum consilium suum, stravit asinum suum,
 surrexitq; & abiit in domum suam & in Ciui-
 tatem suam, & disposita domo sua suspendio in-
 terijt.*





*De vilit.
pan. ag.*

Q Vicinꝫ; grauissimorum sibi criminum conscius est; proditoris Judæ (quem non tam scelus quod commisit; sicut Augustinus scribit, quam indulgentiæ desperatio, fecit penitus interire) tristissimo & luctuosissimo casu debet admoneri; vt ne prorsus de misericordia Dñi, quòd eum saluare non possit, spem omnem abijciat. Et Sathanæ quidem hæ sunt artes, quibus incautos illaqueare consuevit, vt antequã peccatũ perpetret aliquis, illud extenuet, vbi verò consummatum fuerit, illius enormitatem, vt peccantem ad desperationem pertrahat, modis omnibus exaggerat. Quamobrem quemadmodum antequã peccatum aliquod committatur, quo facilius ab illo deterreri possimus, illius turpitudinem & magnitudinem, iram præterea & vindictam Dei, merito perpendere debemus, ita vbi fuerit admissum, dum nos & conscientia terret, & Sathanas inferni pœnas æternaꝫ; supplicia obijcit, ad pœnitentiam potiùs, quæ quasi quædã post naufragium tabula nobis relinquitur, quam ad desperatio-

nis abyssum confugere debemus, memores illius quod ab Ambrosio scriptum est; Nouit Dñs mutare sententiam, si tu noueris emendare delictum. Pœnitentia igitur est agenda, & spes in Deo ita collocanda, vt nec nimium quis de bonitate clementia Dei sibi præsumat, ne in vitium prolabatur, nec Iustitiam Dei grauitate peccati metiatur, ne de veniæ spe obtinenda, animum despondens à Diaboli tentatione absorbeatur. Quemadmodum itaque iustis ad quascunq; vitæ præsentis ærumnas facilius tolerandas; ita & peccatoribus ad opera pœnitentiæ exercenda, spes incitamento esse debet. Hæc enim est quæ, vt ait Apostolus; **NON CONFUNDIT.** Non confundetur siquidem Iustus, qui alto quodam animo terrena despiciens, illa sperat, quæ præsentibus tanto sunt præstantiora, quanto cœlestia terrenis sunt potiora. Non confundetur peccator, qui cogitans quæ sceleribus pœnæ debetur, de his in hac vita expiandis semper est sollicitus, futurum sperans, vt Deus tandem aliquando misereatur illius, nec eum in furore suo corripiat: quandoquidem pœnitentiam agentibus, appropinquaturum Regnum cœlorum per os præcursoris sui est pollicitus. Non minus itaq; in iusti quam in peccatoris persona Propheta David Dñm allocutus videtur; In te Dñe speraui non confundar in æternum. Si sperauerimus in Dño, sperantes autem, bonitatem fecerimus; pacemur proculdubio in Diuitijs Domini, & in æternum non confundemur. Quamobrem rectè Paulus Apostolus spem galeam salutis vocat; qua Christi militem indui vult. Spe enim munitus, qui animum ad cœlestia desideria erigit ex aicie cum aduersario dimicans, confusus non discedet. Projiciat licet in eum varias tentationum suarum sagittas Diabolus quibus eum conficere nititur; si galea spei sese muniuit, non confundetur. Sagittæ inimici dissipabuntur, resilient, & confringentur, in Domino autem sperans non infirmabitur. Terribilis est hæc galea, quæ cum in cono suo, Christi crucè qua deuictus est Sathanas; circumferat, inimici tela retundit, impetufq; tentationum propulsat. Hac igitur galea mu-

niamur

*in Lul. 2**Rom, 5.**Psal. 30.**39.**1. Thes. 5.**Psal. 25.*

s. i. i. i.

Sup. Exod.
ho. 9.Psal. 17.
& 31.
Rom. 5. 1.
Eccle. 2.

Isais 40.

niamur & nos, qui ad congregandum cum Diabolo semper esse parati debemus, Glorix cælestis coronam præ oculis habentes, in æternitatem animum erigamus, & quæ præmia legitime certantibus esse proposita videmus, ad ea obtinenda ita spe rapiamur; vt nec laboribus vllis parcamus, nec quibuscunq; tandem difficultatibus à certando deterreamur. Futurorum spes, inquit Origenes, laborantibus requiæ parit, sicut in agone positus dolorem vulnerum mitigat spes Coronæ. Sperantes itaq; bona, nunquam, à bene agendo vacuisimus. Quo enim magis in exercitio Sancto perseuerauerimus, hoc vberiore spe Regni cælestis potiundi, non tam nostro, quam Christi ipsius merito, in cuius virtute mereri possumus & nos, ditabimur. Domine Deus qui protector es omnium sperantium in te, misericordiaq; tua eos circûdas, reple nos omni gaudio & pace in credendo, vt abundemus in spe & virtute spiritus sancti. Ecce respicio nationes hominum, Dñe, & scio, quia nullus sperauit in te, & confusus est; concede igitur, vt omnem spem & fiduciam meam in te collocem, in tentationibus defensorem inuocem, in necessitatibus adiutorem quæram, in tribulatione consolatorem concupiscam. Et quoniam ij qui sperant in te, sicut per Prophetam promissisti; mutabunt fortitudinem, assument pennas sicut aquilæ, current & non laborabunt, ambulabunt & non deficient. concede misericors Deus, vt imbecillitas virium mearum, quæ ad bene faciendum nimis languent, mutetur in robur fortitudinis, quo aduersario contra me pugnâti resistere, eumq; in virtutis tuæ brachio superare possim. Vtinã assumam pennas supernæ cõtemplationis, quibus à cura terrenorum, quæ nos à degustanda suauitate tuæ dulcedinis abstrahunt velut aquila auolem, ea sola cogitando, quæ ad acquirendam veram illam beatitudinem conducunt. Vtinã in currenda mandarorum tuorum via, nullum laborem, nullam sentiam lassitudinem, quæ me ab officio meo, & à tã desiderato brauiio percipiendo, retardet. Vtinam ambulem in conspectu tuo, in innocentia, in lege tua, in via immaculata

& non

& non deficiam. Quod exopto, tribue mihi Dñe: quod humiliter peto, largire: vt sperans in te, amem te, amans te, perpetuò adhærere tibi, & cum Propheta exultare possim. Mihi autem adhærere Deo, bonum est: & ponere in Domino spem meam.

Psal. 72.

CHRISTI APVD HERODEM TACITVRNITAS.



Muta libertas.

Silentium Domini apud Herodé, sanctos viros, vt scribit Gregorius, videtur innuere, qui cum audientibus prodesse nequeunt, etiam despici tacentes volunt, ne de suæ sapientiæ glorientur ostentatione. Cumq; prudenter aliquid dicunt, non suam gloriam, sed auditorum vitam quærunt. Cum verò conspiciunt quia vitam auditorum loquendo lucrari non possunt, tacendo scientiam suam abscondunt: ne si ostentationis studio verbum Dei loquuntur & auditorum culpa quæ erat, esse non desinat, & ipsoràm quæ non erat, si-

Coment. in
Luc. l. 10.

at, In Herode typicè omnes impios significari dicit. Ambrosius: qui si legi non crediderint & Prophetis, mirabilia Christi opera in Euangelio quoq; videre non possunt. Quod verò alba veste Dñs ab Herode induitur, immaculatè tribuuntur indicia passionis, quod agnus Dei sine macula cum gloria, mundi peccata susciperet. In typo etiam Herodis atque Pilati, qui amici ex inimicis per IESVM Christum facti sunt, plebis Israel & populi gētilis figura seruetur, quod per Domini passionem vtriusq; sit futura concordia: ita tamen ut prius populus nationum capiat Dei verbum & ad populum Iudzorum fidei suæ, deuotionem transmittat. Cæterum ad Silentium illud Christi, Propheta respexisse videtur cum diceret.

Isaia 53.

*Quasi agnus coram tondente se obmutescet,
& non aperiet os suum.*



Herodes alba veste Chrūm induens, licet non aliud ea requæsiuerit, quàm vt ei à quo totius honestatis fontes
promanant

promanant, contumeliam inferret, cogitare tamen pia mens debet, candidæ illius vestis indicio, innocentiam saluatoris fuisse designatam: qui licet tanquam malefactor ad iudicium tribunalia duceretur, suæ nihilominus innocentia, ab eisdem, vel inuitis illis, testimonium reportare meruit. Qua quidē re docemur, veram innocentiam in contumelijs non modò probris nullis affici, sed laude potius illustrari: dū premitur, non opprimi sed vberiore semper gloria & præmijs coronari. Rectē igitur Hieronymus scribit, innocentē inter ipsa tormenta frui conscientia bono & inter malignitates, quum de poena metuit, de innocentia gloriari. Eius itaq; amore debemus omnes merito inflāmari; quam etsi in peccato primi Parentis amisimus; per ea tamen Sacramenta quæ ad eum finē Catholica seruat Ecclesia, gratia Dei nos adiuuante, possumus ad eius possessionem peruenire. Innocentiā autē eam animi puritatem voco, quæ cum ab inferenda iniuria vehementer abhorreat, nec proximo, nec sibi ipsi nocet, suāq; actiones omnes ita moderatur, vt de ea nullus meritò conqueri possit: Vnde etiam is, qui hanc virtutem habet, columbæ nō ineptè potest assimilari. Animal enim hoc simplex est, lætū, non felle amarum, non moribus sæuum, non vnguium laceratione violentum: hospitia humana diligens, & vnius domus confortia cognoscens. Verè enim colūba ille est, qui de se humiliter sentiendo, sapiens in oculis suis videri non vult, sed columbæ simplicitatem, & prudentiam, iuxta præceptum seruatoris, imitari studet: benè factorum conscientia fretus, etiā in luctu positus, gaudet in Dominoq; semper lætatur: iræ amaritudinem non retinet: grauissimas quasque iniurias, voluntaria obliuione conterit, deque vlciscendis illis omnem cogitationem abijcit: nulli insidias, nulli damna comparat: conuersatione bonorum delectatur; & in vnius domus, quæ Sancta est Catholica Ecclesia, perfugio acquiescens, vitam homine Christiano dignam, in Dei & proximi charitate fundatus, pie innocenterq; traducit. Qui ita se gerit colūba est,

*Ad Deme-
triadem
Epist. hac
incerto au-
ctori ad-
scribitur
inter Epi-
stolas Au-
gustini.
Tom. 2.
fol. 371.*

Matt. 10.

In Hixam

& ad gradum perfectionis, quæ globi figura, utpotè solida & sibi per omnia respondente, in symbolo hoc exprimitur, quàm proximè accedit. Quoniam autem innocentia atq; integritas, ut ait Ambrosius, leui sorde violatur aspersa & gratiæ suæ munus amittit; ideo summa cautio in ea conseruanda, debet ab hominibus adhiberi. Perpendenda est diligenter, maxima illa iucunditas, qua perfunditur anima dum à verme conscientiæ propter aliquam turpitudinem non roditur: quæ res quo maiorem habet in se voluptatè, hoc maiori nobis esse curæ debet, ut stabilis & fixa permaneat. Mens ipsa frequenter excitanda, ut in virtute magis ac magis proficiat: & quam Deo quamq; proximo charitatem debet eam omni tempore impendat. Exercenda quoq; est memoria, tum mortis, tum extremi iudicij. Diuinæq; iustitiæ ac misericordiæ, diligenti assiduq; meditatione: ut partim amore partim metu in officio contineatur, vitæq; honestatem ac innocentiam conseruet; quo spieta & contempta voluptate, Diabolo vel concupiscentia carnis, vel concupiscentia oculorum, vel superbia vitæ se tentanti, cum Sancto Iob securè possit respondere; *NON RECEDAM* ab innocentia mea. Iustificationem meam, quam tenere cœpi non deseram. Neq; enim reprehendit me cor meum. O vere beatus ille: qui in Dño ita gloriari potest: talis, sicut quodam loco pulchrè scribit Chrysostomus, ubiq; illæsus est. ubiq; securus. Si tentatur proficit, si humiliatur erigitur; si pugnat vincit; si occiditur coronatur. Cum itaq; nihil pulchrius innocentia, nihil integritate sancta que simplicitate beatius: quod extollimus id acquirere, quod suscipimus, id amplecti totis viribus contendamus. Frustra enim quæ pulchra sunt, prædicamus; si pulchris potiri decorariq; non studemus.

Iob. 27.

Psal. 83.

Prou. 2.

Eccle. 17.

Domine qui non prius bonis eos, qui ambulant in innocentia; & custodis rectorum salutem, & protegis gradientes simpliciter: da nobis pœnitentibus viam iustitiæ, & confirma deficientes ut quibus te peccatis offendimus, de ijs per voluntariam castigationem expiandis, assidue laboremus: à

futuris

tuturis autem dextera misericordiae tuae nos protegente pu-
 ros & immunes nos conseruemus. Da ut gloria nostra omnis
 haec sit, testimonium conscientiae nostrae; quod in simplicita-
 te & sinceritate Dei, & non in sapientia carnali, sed in gra-
 tia Dei conuersati sumus in hoc mundo. Ecce Dñe, quasi co-
 lumbæ meditantes gemimus. corde compuncti, ad te clama-
 mus miserere nobis. Præcinge nos virtute, & pone immacu-
 laram viam nostram, ut nec proximo iniuriam inferendo, nec
 nobismetipsis legem tuam transgrediendo, noceamus. Doce
 manus nostras ad prælium, quod cum carne, mundo, & Diabo-
 lo congredi intrepide possimus. Pone ut arcum æreum bra-
 chia nostra quibus aduersa omnia pro tui Nominis gloria, a-
 nimarumq; nostrarum vtilitate, fortiter sustinere, & manus
 nostras inter innocentes lauando, cordis mun-
 ditia, actionūq; bonarum decore tibi pla-
 cere, valeamus.

2 Cor. I.

Isaie 59.

Psal. 17.



BARRABÆ CVM IESV COLLATIO.

*Vaga rerum vices.*

*Matt. 27.
Ioan: 7.
Hom. 35.
in Matth.*

PER Barrabam insignem illum latronem & homicidam, quem Judæi Christo prætulerunt, Diabolus, qui & ipse homicida est, ab initio rectè designatur. Et Barrabas quidem iste, scribit Origenes, constitutus est ad seditionem & bella & homicidia facienda in animabus hominum: **I E S V S** autè quasi filius Dei & pax constitutus, & verbum & sapientia ad omnia bona. Hi ergo duo cum sint vincti in rebus humanis & corporibus, populus ille sibi postulavit absolui Barrabam; propter quem non cessat gens illa habere seditiones & homicidia & latrocinia secundū quosdam gentis suæ in rebus

quæ


quæ foris habetur; secundum omnes autem Iudæos, qui nõ credunt IESVM; intus in anima. Vbi enim est IESVS illic seditiones, & lites, & prælia sunt. Vbi autem est IESVS ut dicere possint, si autem CHRISTVS in nobis, corpus quidem mortuum est propter peccatum, spiritus autem vita, propter iustitiam; ibi sunt omnia simul bona & innumerabiles Diuitiæ spirituales in manib9 eius & pax. Ipse est enim pax nostra qui fecit vtraq; vnum. Et si quis videat contrariam illam operationem, cognoscet, quoniam ipse est in omnibus vincus insignis Barrabas, quem sibi solui desiderant, non solum tunc peccans. Israhel secundum carnem, sed & omnes qui eis similes sunt vel in dogmate vel in vita. Quicumq; ergo mala agit solutus est in corpore eius Barrabas, Christus autem vincus. Qui autem bona agit Christus ei solutus est, Barrabas, autem vincus. Porro ad detegendam summam cæciratam & malitiam Iudæorum qui rerum dimitti, innocentem autem occidi petierunt, illud Jobi possumus usurpare;

Rom, 8.

Ephes. 2.

*Quis vnquam innocens perijt; aut quando
recti deleri sunt?* Job. 4.





Quod Barraba ex carcere dimisso, Christus Iesus agnus innocens extremo supplicio destinatur Libertas illa, in quã morte & passione sua saluator noster nos vindicauit ea ratione designari videtur. Durissimo etenim Diabolicæ seruitutis & peccati iugo vniuersum genus humanum post primi Parentis lapsum premebatur: à quo non prius potuit liberari, quam vnigenitus, Dei filius, nostræ carnis assumpta fragilitate, totius mundi peccata in suo corpore sustineret; factus pro nobis obediens vsq; ad mortem, mortem autem crucis. Agnosce igitur ô Christiane, summam Iesu Christi benignitatem, qui formam serui assumpsit vt & amicum Dei faceret: contempus, & abiectus videri voluit, vt te vinculis tenebrarum & longæ noctis compeditum solueret; vinciri & ligari se passus est, vt te libertate donaret. Libertatem autem non

Phil. 2.

*Sap. 17 &
Psal. 145.*

eam intelligo, qua monstrum illud hominis Martinus Lutherus, veluti flabello quodam ad seditionem in Germania, rusticorum primum contra principes, deinde verò Principū contra suum Imperatorem concitandā vsus est: quali si Christus nos vti libertate voluisset, nunquam quæ sunt Cæsaris Cæsari reddenda præcepisset: nunquam discipulus eius, subiectos nos omni humanæ creaturæ propter Deum esse debere docuisset. vt simus quasi liberi, & non quasi velamen habentes malitiæ libertatem, sed sicut serui Dei. Non tam iraq; libertatem quæ licentia potiùs dicenda est, sed illam se Christianus per Christi mortem consecutum esse sciat; qua liberatos nos à peccato, seruos autem iustitiæ factos, Paulus apostolus ostendit. Vetus nanq; homo noster cum Christo simul crucifixus est, vt destruat corpus peccati; **V T V L T R A N O N S E R V I A M V S** peccato. Quoniã autem mos erat antiquis dato pileo seruos manu mittere, illosq; per eiusmodi signū, libertate donare; ideo in symbolo quoque nostro pilei cruce **D**i nostri **I E S V** Christi insigniti, & laurea corona, quæ honoris adepti significationem haberet condecorati, formam expressimus, laudabilem patriæ nostræ, cæterarumq; septentrionalium gentium morem sequuti, quibus solenne est, infantulorum recens baptizatorum capita, eiusmodi regumēto operire, quod Christi crucis figuram habeat expressam, nimirum vt Christianus intelligat, libertatem suam Christo Dño se acceptam referre debere. Ille etenim est, qui eruit animas nostras ex inferno inferiori: qui liberauit nos de manu pessimorum & redemit nos de manu fortium potestate Diaboli debellata, portis æreis contritis, & vectibus ferreis confractis. Ille est qui compedes mortis æternæ, quibus detinebamur omnes, crucis suæ malleo comminuit; vincula nostramorte sua dirupit, vt sine timore, liberati de manu inimicorum nostrorū, qui quo minus obtutibus nostris patent, hoc maioribus nos insidijs adoriuntur, seruiamus illi in sanctitate & iustitia, coram ipso omnibus diebus nostris. Soluti igitur hac tam graui seruitute, & in optatissimam libertatem

1. Pet. 2.

Rom. 6.

Psal. 85.

Ierem. 15

Luc. 1.

V

vindictam:

Galat. 5.

vindicari, de ea retinenda, qua nihil potest esse dulcius cogitemus omnes. Quod Paulus Apostolus nos monet, inquit; State, & nolite iterum iugo seruitutis contineri, id ante oculos mentis nostrae semper habeamus. Vocati sumus in libertatem, ne demus itaque libertatem hanc in occasionem carnis, sed per charitatem seruiamus inuicem. Empti sumus pretio magno; ut pote sanguine unigeniti filij Dei, de potestate tenebrarum eruti: ne venundemus igitur nosmetipsos peccato, seruientes immunditiae & iniquitati, sed potius exhibeamus membra nostra seruire iustitiae in sanctificatione. Quae delectat vera libertas, inquit Augustinus, ab amore rerum mutabilium, liber esse appetat: & quem regnare delectat, vni omnium regnatori Deo subiectus sit, plus eum diligendo quam seipsum. Haec illa iucundissima seruitus est, quae libertatis nomine censetur, Dei mandatis obtemperare, iustitiam sectari, mundi voluptates spernere, Si Deo seruiamus, regnamus: si nos illi nostraque omnia subijcimus, liberi sumus, ut nihil sit illo verius quod ab Ethnico quodam scriptum legimus; Deo parere libertas est.

Rom, 9.

De vera
religioneSeneca de
vita beata
cap. 15.

Psa. 73.

Dan. 3.


Eccl. 51.

Domine Deus Rex noster ante saecula, qui operatus es salutem in medio terrae, & non confundisti nos; sed fecisti nobiscum, iuxta Mansuetudinem tuam, & secundum multitudinem misericordiae tuae, liberans nos de perditione, & eripiens nos de de tempore iniquo: Confitemur & laudem dicimus tibi, & benedicimus Nomini tuo, maiestatemque tuam supplices oramus, ut mentes nostras radio tuae claritatis illustrare velis: quo cum spirituali profectu, beneficia tua nobis collata accuratius considerare valeamus. Concede Clementissime Deus, ut qua libertate per mortem filij tui Domini nostri Iesu Christi, homines donasti, dans eis potestatem filios Dei fieri, qui in eius nomine credere vellent, hanc ne socordia, malitiaque nostra amittamus; & in durissimam illam Diaboli seruitutem, per peccatum iterum recidamus. Gratiam tuam nobis largire ut carnalibus desiderijs postpositis, superbia vanaque gloria reiecta, tibi liberatori nostro, vitae & salutis,

auctori

auctori, perpetuo adhæreamus & quandoquidem dirupisti
vincula nostra, quibus ab immani nostri generis hoste, duri-
ter constricti fuimus, da vt tibi hostiam laudis & gratiarum
actionis, in Ecclesia tua sancta nunquam sacrificare desista-
mus.

FLAGELLATIO.



Non leui motu.

Romanis legibus sancitum fuisse, scribit Hieronymus
vt qui Cruci suffigi debebant ij flagellis prius cæderentur.
Traditus est itaq; IESVS militibus verberandus, & illud
sacrarissimum corpus, pectusq; Dei capax flagella secuerunt.
Hoc autem factum est, vt quia scriptum erat, Multa flagella
peccatoris, illo flagellato nos à verberibus liberaremur: di-
cente scriptura ad virum iustum, Flagellum non appropin-
quabit tabernaculo tuo. Flagellare autem Christum illi di-
cuntur, qui cultum Diuinum per IESVM introductum de-

*In cap. 27
Matth.*

Psal. 21.

*Psal. 90.
Orig. Ho-
mil. 11.
in Matth.*

ludentes, & doctrinam eius abijcientes, linguis suis illum flagellare non verentur quales non solum Iudæi & gentiles, sed Hæretici quoq; & impij Christiani censendi sunt: qui peruersis vitæ actionibus quasi quibusdam aculeis Christi nomen impie lacerant. Flagellati autem Christi typum, flagella Iob videntur representasse: qui recte factorum conscientia fretus, illud dicere non dubitauit.

Iob. 19.

Intelligite quia Deus non æquo iudicio afflixerit me, & flagellis suis me cinxerit.



Flagellis crudeliter cæsum saluatorem nostrum cum meminimus) meminisse autem frequenter debemus) ad mortificandam carnem nostram, prauasq; cupiditates voluntaria castigatione coercendas, animum adijciamus. Nihil enim æque nomini Christiano aduersatur, quàm Christū tot & tanta pro salute nostra passum intelligere, neq; tamen quicquā pro eo hic vicissim pati velle. Ille non pro suis, sed pro delictis nostris proprijs, aliquid etiam in hac vita perpeti, vt in

tutura, voluptate lætitiâq; sempiterna perfruemur. Ieiunio, vigilijs, abſtinentia, cilicio & diſciplina, corpus eſt attenuandum, vt in ſeruitutem ſpiritus redigatur, vt ne voluptatibus deſeruiat, vt Diabolicas tentationes facilius eludat. Recte itaq; per tympanum, quia de mortui animalis corio tenditur carnis noſtræ, vt ait Gregorius, mortificatio figuratur. Quæ admodum enim tympanum non carnem ſed mortui animalis pellem extenſam habet; quæ quo magis in eo extenditur. hoc ſonum acutiorem, & ad terrendos hoſtes magis accommodatum reddet: ita & homo, qui corpus ſuum caſtigat, aſſigit, macerat, vſq; quam longiſſimè illud à carnalium voluptatum deſiderijs abſtrahat, procurat, Diabolo cum primis terribilis efficitur, & machinationes illius à ſe propulſat; vt veluti mortua pellis in tympano extenſa, nobis in bello ſolet eſſe vſui, ita quoq; ille *MORTVVS* mundo, concupiſcentijs illius per diſciplinam edomitis, *TERREAT* & propulſat aduerſarium ſuæ ſalutis Diabolum. Timet enim ille, piorum ieiunia, vigilijs, orationes, & eleemoſynas: quib; illos veluti per quosdam gradus ad Deum propius videt accedere. Quamobrem ſi & nos Sathanam terrere & proſtigare volumus: ſtudeamus, quod Apoſtolus hortatur, mortificare membra noſtra, quæ ſunt ſuper terram, fornicationem, immunditiam, libidinem, concupiſcentiam malam, & auaritiã quæ eſt ſimulachrorum ſeruitus. Mortificare autem iſta non poterimus ſi luxui, deſidiæ, gulæ ſæculiq; voluptatibus nos tradiderimus. Sine carne & vino cito friget venus: à patre Libero ad inconceſſam Venerem eſt proximus gradus intemperantiæ inquit Hieronymus. Fugiendæ ſunt iſtæ voluptates corporeæ, quarum finis dedecus & dolor eſt ſempiternus. Vita durior nobis eſt inſtituenda, quæ carnem mortificet, vt ſpiritum viuificet: corpus caſtiget & animam ſaluet. Cogitet ſecum vnusquifq; ſe maiorem eſſe, & ad maiora genitum, quã vt mancipium ſit corporis ſui, ea, quæcunq; illi adhibuerint faciendõ, nullamq; Dei, nullam animæ ſuæ dignitatis rationem ducendo. Meminerit ſe non ideò creatum eſſe, vt corpo-

*In I. Reg.
cap. 10.
expoſit. l. 4.*

Coloſ. 3.

*In quad.
Epiſt.*

Sen. ep. 66

Hebr. 11.

Psal. 159.
Sup. Ezech.
lib. 1. Ho-
mil. 8.

1. Cor. 13

Ecccl. 12.
Sap. 10.


Sap. 9.

ri indulgeat, desideriaq; carnis perficiat, sed ut hic pie viuēdo, nulli nocendo, Deumq; assidue laudando, ad cœlestem illam patriam aspiret. Nostræ igitur creationis causam diligentius attendentes, illos in omni vita nostra nobis imitandos proponamus, qui ut hæredes fierent in domo Dñi, carnē pro nihilo ducentes, circūierunt in melotis, in pellibus caprinis, egentes, angustiati, afflicti, quibus dignus non erat mundus. in solitudinibus errantes, in montibus & spelūcis, & cauernis terræ Quo: ū vestigijs si insitemus, in tympano & choro Dominum laudabimus. In tympano inquit, Gregorius, corium sicum resonat; in choro autem voces cōcorditer cantant. Quid ergo per tympanum nisi abstinentia, & quid per chorum nisi charitatis concordia; designatur? Ad abstinentiam itaq; & carnis mortificationem, concordiam charitatis adiungamus: sine qua etiam si quis tradiderit corpus suum ut ardeat, nihil illi prodest, ut quæcunq; fecerimus, ea in hac vna radices suas defixas habeant. Ita enim futurum est, ut mortificatio carnis nostræ nobis utilis, Deo autem grata sit & acceptabilis.

Domine qui odio habes peccatores, & impijs reddis vindictam, custodi nos ab inimicis & a seductoribus, turare, & certamen forte da nobis: ut vincamus & sciamus. Vincamus quidem aduersarium nostrum Diabolum peccata fugiendo, & quæ tibi placita sunt, faciendo: sciamus autem, corpus hoc, quod corrumpitur, & aggrauat animam, castigare, & in seruitutem spiritus redigere. Da Domine, ut manentes hic, peccatorum ipsi nostrorum pœnas à nobis exigamus, pœnitentiam agendo, carnemq; nostram affligendo: ut ne in manus tuas, in quas horrendum est incidere, mortali corpore exuti, incidamus. Concede ut mundi huius voluptates, quarum fructus amariores felle, veneno sunt nocentiores, fugiamus in dolore autem pro peccatis concepto, in humilitate & patientia hic ita perfeueremus, ut tecum in cœlesti patria lætari sine fine possimus.

Coronatio

CORONATIO.

*Regium capiti decus.*

Regia Christi Dñi dignitati, volentes impij milites illudere, chlamyde coccinea indutum corona spinea pro diademate, arundine pro sceptro, regijs scilicet insignijs ornant: & quamvis non aliud hic spectare videbantur, quam vt & Iudæis placerent, & crudelitatem suam Christi calamitate satiarent; nobis tamen qui credimus, maxima sub hoc impio facto Sacramenta reliquerunt: quæ exponens Hilarius, Cæso inquit, Dño imponitur chlamys coccinea, & vestis purpurea, & corona spinea, & arundo dextra, & genu posito adoratur, illuditur, susceptis videlicet omnibus corporis nostri infirmitatibus, omnium deinde martyrum, quibus regnum secum erat debitum, sanguine in cocci colore perfunditur, preciososq; Prophetarum ac Patriarcharum in purpura honore vestitur. Spinis quoq; id est, compungentium quodam peccatis gentiū coronatur: vt ex rebus perniciosis atq; inutilibus, quæ capiti eius. i. Deo circumdata moliuntur,

*Ioan: 19.**Canone 33
in Matt.*

gloria

gloria quæreretur Peccatorum est enim aculeus in spinis, ex quibus Christi victoriæ corona texitur. In calamo verò earūdem gentium infirmitas atq; immanitas manu comprehensa firmatur, quin etiam capiti eius illuditur. Capiti, vt opinor, de ictu calami non grandis iniuria est, sed typica incoronatio seruat, vt infirmitas gentilium corporum manu Christi comprehensa etiam in Deum Patrem qui caput eius est acquiescat. In his autem omnibus Chrūs dum illuditur, adoratur Christum spinis coronandum aries ille præfigurabat, de quo scribitur;

Gen. 22.

Vidit post tergum arietem inter vepres hærentem cornibus, quem assumens obtulit holocaustum pro filio.



Honores mundi istius, tum diuitias, potentiam, siue gloriæ temporalis nitorem, non incongruè calamo vel arūdini comparari posse scribit Gregorius, qui cū locum il-

lum scripturæ produxisset, Fulgebunt iusti & tanquam scintillæ in arundinetu discurrent, Arundinetu vitam seculariū appellat; qui more arundinum per temporalem gloriam foris quasi adulta proficiūt, sed intus à soliditate veritatis inanescunt. Tanto enim apud semeripfos intus inanescunt, quāto alti & nitidi exterius ostenduntur: quia dum ad exteriorē gloriam per superficiem defluunt, nulla intus firmitate solidantur. More quippe calami intus sunt quidem per fatuitatem vacui, sed foris per speciem & ostentationem pulchri. sed quanto ab eis exterior gloria studiosius quæritur, tantō eorum corda grauioribus cogitationum stimulis agitantur. Hactenus ille Sanctus Ecclesiæ Doctor: cuius verbis tanto maiorem nos adhibere fidem conuenit, quantō pluribus exemplis didicimus, mundanos honores citō pertransire, paruoq; negotio, cum *NIL SOLIDVM* in se habeant, instar calami conteri & dissipari. Vbi sunt etenim potissimi illi orbis monarchæ, quos ad celsissimam dignitatis & honoris sedem Fortuna euexerat? vbi splendor & maiestas & illustres superbiorum pompæ, quibus immortale sibi nomen in terra comparare studuerunt? Vanitas vanitatum, dixit Ecclesiastes, Vanitas vanitatum & omnia vanitas. Baculo arundineo videbantur inniti, qui fractus lacerauit omnem humerum eorum. Quos enim honores sibi diuturnos fore pollicebantur ij non ita multo post præterierunt: vnde temporis exigui voluptatem, doloribus cruciatuq; perpetuo commutarunt. Hoc igitur considerantes ab ambitione gloriolæq; cupiditate, quā maximē fieri potest, animum auocemus: & dum pro nobis *I ES VM* spinis coronatum cogitamus, minimē nobis esse licitum pompas honoresq; seculi studiosē aucupari credamus; pro quibus Christus Deus Deiq; filius, ignominias, illusiones, & probra sustinere non dubitauit. Quæ frōte nanq; audebis, o Christiane, de temporali dignitate, celsioreq; honoris gradu cogitare; dum cæli terræq; Dñum adeo humiliatū intueris, vt atrocissimis quibusq; ab ijs quos creauit, se supplicijs affici sustinuerit? Eiusne te corporis mem-

Moral. lib.
33. cap. 3.
Sap. 3.

Eccl. 1.

Ezech.
cap. 29.

esse dices, dum vt te habeant in oculis omnes, es sollicitus, cuius caput spinis coronatum, te ad modestiam & humilitatem non reuocat? Abijciendus est amor sui nimius, quo ad tantam audaciam propelleris, vt te cæteris tantò digniorem melioremq; iudices, quantò maiore cum auiditate ad aucupandos honores accedis. Vide quid Sanctus ille pater Augustinus scribat; Quoties, inquit, hominibus præesse desidero toties Deo meo præire contendo. Magna hæc temeritas est cum quadam insigni impietate ac impudentia coniuncta, Dei de se iudicium non expectare, sed quasi ipsi præeundo, vltro sese antequam voceris ad honores suscipiendos, ingerere. Fugiamus igitur cane peius & angue, honorum temporalium cupiditatem & appetentiam; quæ mentem perturbat, metum adfert, simultates nutrit, superbiam amoremq; sui gignit, pudorem extinguit, & ad ruinam exitiumq; multos deducit; qui crescendo, vt ait Gregorius, plerumq; decrescunt, & ascendendo exterius interius in profunda descendunt. Non respiciamus in vanitates & has insanias falsas: quæ quo pulchrius nitent, hoc maiores turpitudinũ suppeditant occasiones, & incautos in extremum salutis periculum, miserè precipitant.

Psal. 39.

Psal. 33.

Eccl. 10.

Eccl. 6.

Eccl. 10.

I: IOAN. 2.

Deus qui oculos superbiorum humilias, humiles autem spiritu saluas: memoriam superbiorum perdis, & relinquis memoriam humilium sensu gratiam tuam nobis tribue, vt mundi fallacis fastum & honores contemnamus; & non extollamus in cogitatione animas nostras, velut taurus, ne fortè elidatur virtus nostra per stultitiam. Da, vt, quod à sapiente scriptum legimus, Omnis potentatus breuis vita, sic & Rex hodie est & cras morietur, cumq; morietur homo hæreditabit serpentes, & bestias, & vermes; id perpetuò mentibus nostris inhæreat, ne propter obliuionem mortis, in ambitionis & auaritiæ vitium turpiter prolabamur. Hanc nobis mentem tribue, vt ne diligamus mundum, neq; ea quæ in mundo sunt. Transit enim ille & concupiscentia eius: sed vt potius tibi, cui regnare est, in humilitate spiritus & obedientia

sancta subditi simus, te super omnia diligamus, honorem sanctissimi tui nominis, omnibus quæ in mûdo sunt, anteponamus. vt & ipsi post miseræ vitæ istius decursum, in cœlesti illa patria, gloria & honore, nunquam perituro, coronari mereamur.

CHRISTI CORONATI PRÆSENTATIO.

*Factorem noscite vestrum.*

CUm affectati Regni falsò Christum Iudæos infimulasse Pilatus animaduertisset, à morte innocentem liberare & omnem appetendi dominij, suspicionem à Christo cupiès dimouere, flagris crudeliter, cæsum, corona spinea coronatû, toto corpore vulneratum, Iudæis ex alto quodam loco spectandum exhibuit: vt feros eorum animos Christi ignominia mitigaret; Ecce inquit Rex vester: ac si diceret; Videtis quâ humilis & afflictus sit is, quem vos in honoribus petendis nimis ambitiosum esse putatis: Non est cur vobis ab eo metuatis: Liberum iam abire finite. Cæterum Iudæi nihilo mi-


Ioan. 19.

riores effecti, suaue Christi iugum à cervicibus suis prorsus deijcere volentes non Regem sed Cæsarem se tantum habere velle conclamarunt. Sponte se reos professi sunt: ideo & Deus, quandoquidem primi à prouidentia & protectione ipsius se subdixerunt, tradidit eos voluntati eorum, & qui Christum regnare super se ferre non potuerunt, ij non solum sub Dominis temporariâ, sed sub Principe etiam huius mundi Diabolo æternam nunquam quoq; animarum seruitutem patiuntur. Pilatus veró gentium scilicet populus, qui Regē spinis coronatum libenter pro Rege, Domino, & creatore suo agnoscit, in perpetuam libertatem, è duris Sathanæ cōpedibus vindicatus; altissimum quoddam gloriæ tribunal, consequutus est: vnde plus quàm Ægyptiacam Iudæorum seruitutem spectans, & Christum pro salute inq̄stra passum fidei charitatiscq; brachijs tenens & amplexans, infidelibus Iudæis vtilitatem vulnerum saluatoris ostentat, ad agnitionē veritatis quotidie vocat, & cum Propheta, non sine magna quadam commiseratione, nimium suæ salutis oblitos alloquitur.

Isaia 51.

Attendite ad petram vnde excisi estis: Et ad cauernam laci, de qua præcisi estis.





Misericordiae opera.

Christi vincti, spinis coronati, & purpura vestiti imaginē misericordiae nomine multis appellare non est inusitatum. Cupiens etenim Christum à morte Pilatus liberare, Iudaeis ira spectandum obtulit, vt animos eorum ad misericordiam flecteret. Minus tamen quam volebat ea ratione profecit apud eos, qui odio cæcati, planè totius humanitatis oblitifuerant, vt nulla Christi calamitate satiari potuerint, nisi morti viderent insuper adiudicatum. Hanc tantam eorum ferocitatem, quandoquidem sicuti debemus, meritò detestamur; omni studio provideamus oportet, nisi Iudæorum similes videri velimus, vt proximo, quem in angustijs positum videmus, benignè compatiatur, misericordiaeq; & charitatis viscera in eum effundamus, memores illius, quod sibi factum Christus interpretabitur, quicquid vni ex fratribus eius minimis humanitatis fuerit exhibitum. Nihil æquè commendare Christianum videtur, quam miseratio à vera charitate profecta. Hanc enim exhibere, si velint, possint omnes, tam diuites quam pauperes, tam domini quam serui: illi quidem

Ioan. 19.

Matt. 25.

Math. 10

Zach. 7.

Luc. 6.

Math. 5.

cum potentiores sint, facultates impartiendo, hi si aliud non possint, voluntatem bonam adferendo. Quamobrem ut omnem excusationis transgrediendi præcepti huius, Christus nobis auferret occasionem; Quicumque inquis, potum dederit uni ex minimis istis, calicem aquæ frigidæ, tantum in nomine discipuli. amen dico vobis, non perdet mercedem suam. Ac si diceret; Qui multa habet, egentibus multa & debet & potest impartiri, tu autem qui minus abundas, quantum facultates tuæ permittunt (has enim aquæ frigidæ calix significare videtur) tantum proximo largire. Nec enim ad ea quæ non potes, præstanda teneris. Voluntas suppleat, quod facultas denegat. Cum itaque bene de proximo merendi ratio, nulli deesse possit, recte per Prophetam Dominus misericordiam & miserationes facere unumquemque; CUM FRATRE suo iubet: quod qui facere negligit, & ad clamorem pauperis aures obturat, excusari nullo modo poterit. Vel solus aquæ frigidæ calix, conscientiam illius accusabit, & neglecti Divini præcepti crimine condemnabit. Studeamus igitur misericordes esse, sicut & pater noster misericors est. Memores sumus calamitatis illius nostræ qua sub Diabolicæ potestatis tyrannide, perpetuo cruciandi eramus, nisi filius Dei unigenitus nostri miseratus, à tantis angustiis morte passionisque sua nos liberasset: cuius beneficii ut gratos nos exhibeamus, illorum qui, cum caro nostra sint, mutuo auxilio iuvari à nobis possulant, vicissim misereamur, illis subveniamus, eos consolemur, necessitatibus eorum communicemus. Beati misericordes, inquit Christus, quoniam ipsi misericordiam consequentur. Volumus à miseria per misericordem Dominum liberari; simus & ipsi misericordes. Iustum enim est, ut qui à potentiore iuvari volumus, adiuuemus & ipsi inferiorem, in quo potentiores esse videmur. Illud autem ad misericordiam nostris animos vel maxime commouebit, si proprii periculi cogitatio semper nobis ante oculos obuersetur. Nihil humanis rebus instabilius, nihil magis est mutabile. Quod igitur nobis, si in grauiore aliquas calamitates incidereamus, ab alijs

præstari

præstari cuperemus; hoc dum possumus alijs exhibere nobis graue videri non debet. Postremò quod ab Hieronymo legimus annotatum, eius frequenter meminisse velimus; non memini, scribit ille, me legisse, mala morte mortuum, qui libenter opera charitatis exercuit. Habet enim multos intercessores: & impossibile est multorum preces non exaudiri. Nulla cogitari maior sælicitas nec optari potest in hac vita, quàm ita mori vt semper viuas, ita viuere vt nunquam moriaris. Induamur ergo misericordiæ viscera, quæ eam nobis pariunt beatitudinem, vt perpetuò, & quidem sælicissime viuamus. Compatiamur afflictis, vt precibus eorum adiuti, in necessitatibus nostris à Domino protegi atq; audiri mereamur.

Domine qui multiplices diuitiarum tuarum thesauros per vniuersum genus humanum sparsisti, pauperibusq; spiritu, & humilibus gratiæ tuæ dona dedisti; sparge & in nostræ suauitatis abundantiam, vt pauperes spiritu effecti, proximo Charitatis officia alacriter exhibeamus. Da nobis aures Zeli, quæ clamorem pauperum audiant, & ad præcationem eorum inclinentur. Ecce misericordia tua, Domine super omnem carnem; quam quis adijciat enarrare? cõcede igitur vt & nos doctrinam miserationis excipientes, miserationem circa proximum habeamus. Vtinam autem iudiciũ paremus iustitiam nobis, vt te in ijs qui esuriunt cibare, in ijs qui sitiunt, potare, in hospitibus & aduenis colligere, in nudis te operire, in infirmis visitare, in incarceratis te consolari, velimus: quo ante terribile iudicij tui tribunal constituti, vocem illam desideratissimam audiamus, Venite benedicti patris mei, possidete pararam vobis regnum à constitutione mundi.

—o—o—o—

In cap. ad
Napotian.

”

”

”

Psal. IIII.

Sap. I.

Eccl. 18.

Matt. 25.

SENTENTIA MORTIS.

*Sententia discors.*

Singularis fuit IESVCHRISTI nostri saluatoris innocentia, cui vel ab ipso iudice Pilato, dum mortis in eum sententiam ferret, graue cum primis testimonium fuit impartitum. Quis vmquam reus ita condemnatus est, vt purus & infons iudicis ore palam pronunciaretur? Damnari enim & absolui ita discrepare inter se videntur, vt in vno eodemq; reo locum simul habere non possint. Alio itaq; quodam Dei iudicio factum hoc est, vt omnibus innotesceret, Christum non pro suis, sed pro totius mudi peccatis indignissima quæque à Iudæis passum, ad extremum ad ignominiosam mortem crucis esse condemnatum. Pilatus itaq; iuxta illud Propheticum, Lauabo inter innocentes manus meas, accepit aquam, vt sicut Hieronymus docet, in lauacro manuum eius, gentiliū opera purgarentur: & ab impietate Iudæorū, qui clamauerunt, Crucifige eum, non alios faceret, quodammodo hoc contestans & dicens: Ego quidem innocentem volui li-


berare

Psal. 71.

Lib. 4. in
cap. Matt.
27.

berare; sed etiam seditio oritur, & perduellionis mihi contra Cæsarem crimen impingitur, Innocens ego sum à sanguine iusti huius. Iudex qui cogitur contra Christum sententiam ferre, non damnat oblatum, sed arguit offerentes, iustum esse pronuntians, qui crucifigendus est. Vos, inquit, videritis: Ego minister sum legum. Vestra vox sanguinem fundit. Ut quod de Christo morte adiudicando olim prædictum est, id magis etiam ad Iudæos ipsos, quam ad Pilatum referri posse videatur,

Captabunt in animam iusti, & sanguinem innocentem condemnabunt. Psal. 95.



Iustitia.

Quo spectabilior est Pilati Præsidis iniquitas, qui contra propriæ mentis conscientiam, solo Cæsaris timore ductus agnum illum innocentissimum Christum IESVM morti adiudicavit, hoc maiori studio providere debent illi, qui iudicium munere funguntur, ut ne ad eundem ipsi quoque lapidem offendant. Non timore humano, non cupiditate, nō

amore vel odio personæ alicuius, prohiberi debent, quominus id, quod iustum esse vident, decernant. *Quamobrem rectè libram in manibus gestare finguntur; vt, cum in ea facilè appareat vtra pars alteri præponderet, quid æquale sit, idem proculdubio sibi faciendum esse intelligant, in conscientia rectæq; rationis trutina æquum & iniquum diligenter prius examinantes, atq; ita demum, id quod rectū esse animaduertunt statuentes, illius quod ipsis dictum est, memores; Aperi os tuum; decerne *QVOD Iustum est*, & iudica inopem & pauperem. Habenda est iudicibus diligens æquitatis ratio. Qui enim aliter causam pauperis, aliter potentis; aliter sodalis aliter audit ignoti, statera vtiq; librat iniquā. Nō solum autem Iudex iniquus, sed, quemadmodum vtilis Beda scribit, & is etiam, qui sua bene gesta meliora quàm proximorum, & sua errata iudicat leuiora staterando, nec non & ille qui onera importabilia imponit in humeros hominum, ipse autem digito suo non vult tangere ea, etiā ille qui bona in publico, & mala in occulto facit, p iniquitate libræ dolosæ abominabitur à Domino. Et qui sinceriter agit in omnibus, qui causam æqua lance discernit, is nimirum iusti iudicis voluntati & actioni congruit. Hæc igitur iniustitiæ genera cognoscetes, cauere debemus, ne vel de aliorum factis temerarium iudicium proferamus, vel grauiora onera, quàm quæ sustinere possint, illis imponamus, vel Hypocritis scelerè ostentationisq; cupiditate nos obligemus. In omnibus his recta & regia via incedamus, nec ad dexteram nec ad sinistrā deflectentes, sed quod æquitas ipsa dicat, id sequamur, scientes quod retribuet Dominus vnicuiq; secundum iustitiam cuiusq; & secundum puritatem manuum suarum retribuet illi. Si bona igitur nobis dari volumus à Dño. custodiamus vias ipsius, iudicia eius sint in conspectu nostro, iustitias eius non repellamus à nobis. Simus immaculati cum eo & obseruemus nos ab iniquitate nostra, vt nec Deo, nec proximo, nec nobis ipsis iniurij simus. Hoc enim est iustum esse, vnicuiq; quod suum est tribuendo, innocentiam & inte-*

gritarem

Prou. 31.

*Lib. 2. sup.
illud Prou.
statera do-
losa &c.*

Psal. 17.

gritatem in omnibus vitæ actionibus conseruare. Tribuamꝰ Deo, qui illi debetur, cultum omnemq; reuerentiam & obedientiam: tribuamus superioribus non magis corporalem quàm spiritualem subiectionem: tribuamus æqualibus auxiliũ, quò infirmitas iuuetur, consiliũ quò ignorantia erudiatur: tribuamus subiectis custodiam & disciplinam, vt peccata vitare, quæ autem vitare noluerint ea metu correctionis abijcere discant: tribuamus inimicis patientiam, vt in charitate furores eorum vincamus: tribuamus egenis misericordiam, vt inopiam eorũ beneficentia nostra subleuemus. Obediamus diuinæ legi tanquam superiori, dominemur carni tanquam inferiori. Hoc erit bonum iudicem esse, iudicijq; veritatem iudicare, si vnicuiq; quod suum est, tradiderimus. Illud etiam mentibus nostris infixum esse debet, quod ab Echnico quedam scriptum legimꝰ; Quisquis iustitiam sectari desideras, prius Deum time & ama, vt ameris à Deo, amabis enim Deum, si in hoc illum imitaberis, vt velis omnibus prodesse, nulli nocere. Suũ igitur amorem Deo suum & proximo tribuere, & iustitiam sectari & diligere: qui facit iustus est, & in perpetuum viuet, & apud Dominum erit merces eius.

*Senec. 4
de virtut.*

Sap. 1.

Domine qui iustus es, & iustitias diligis, æquitatem videt vultus tuus: ad imple propitiationem tuam in nobis, & ostende nobis viam æquitatis, vt Iudices, quibus id oneris est impositum, iudicent populum iusto iudicio, nec in alterã partem declinent: non accipiant personam nec munera; quæ excæcant oculos sapientum, & mutant verba iustorum, sed iustè quod iustum est persequantur, vt viuant terramq; illam viuentium possideant. Largire etiam misericors Deus, vt non tantum Iudices, sed omnes quoq; habitatores orbis iustitiam discant, veritatem tantum & pacem diligentes, in innocentiaq; cordis ambulantes. Da Domine vt ne proponamꝰ ante oculos nostros rem iniustam, mandata tua transgrediendo, voluntatiq; tuæ non obtemperando, ne in malitia nostra

*Psal. 10.
Eccl. 18.*

Deut. 17.

*Isa. 26.
Zach. 8.
Psal. 100.*

consumpti intereamus. Charitas nostra magis ac magis abundet in scientia & in omni sensu, vt probemus potiora, vt simus synceri, & sine offensa in diem Christi, repleti fructu iustitiæ per IESVM Christum in laudem & gloriam, tuam Domine Deus noster.

Phil. i.

CRUCIS BAIVLATIO.



Hæc tutacula nudis.

AD quæuis incommoda facilius perferēda nullum præsentius remedium nobis relictum, ipsa nostri Saluatoris Cruce, debemus existimare: quam ipse suis humeris portare dignatus est, vt magistro, tantum onus absq; culpa sua ferente, discipuli quoq; minori negotio, quas peccata ipsorū pœnas merentur, perferre possint. Hæc afflictis solatium, ægris salutē, desolatis protectionem subministrat: nec tãta potest in mundo calamitas & angustia reperiri, quam Crux Dñi nostri Sacramentorum magnitudine tegere, & propul-


sare

fare non possit. Hinc est quod ad Crucem ferendam & Christus ipse nos hortatur, & exemplo Simonis etiam illius Cyrenæi ad id faciendum prouocatur: qui, cum extraneus fuerit, gentilem populum, cui verbum Crucis, virtus Dei erat futura, significare visus est. Indignus enim, inquit Hilarius, erat Iudæus Crucem Christi ferre: quia fidei gentium erat relictum & Crucem accipere, & compati. Simon quoque interpretatur obediens. Obediuit enim voci Domini populus gentium, fidem Christi suscipiens. Idololatriæ verò superstitione procul abiciens, iuxta illud Psalmi; Populus quem non cognoui seruiuit mihi, in auditu auris obediuit mihi. Quod autem Christus Crucem humeris ferendo, aduentus sui præsentiam mundo erat exhibiturus, Isaias manifestè prædixit;

I. Cor. 1.
Can. 33.
in Matth.

Psal. 17.

Factus est principatus super humerum eius. Isaia 9.



Dominum IESVM Crucem humeris suis ad montem Caluarie portantem cogitantes; omni studio contendere debemus, vt si Christo compati volumus, in perferen-

dis varijs vitæ præsentis tentationibus & tribulationibus fortes & intrepidus nos exhibere discam? Hoc enim est crucem humeris ferre, quascunq; angustias propter Deum forti atq; excelsò animo tolerare: quam ad rem vel hac vna cogitatione maximè excitabimur, si agnum illum innocentissimum Christum Dominum pro peccatis nostris, tam multa crudelia passum alius memoria repetierimus. Quid enim nobis tam graue potest hic accidere, quod non pro peccatis nostris perferre promeriti simus? Peccatis nostris pœnas habendum hic tribulamur deberi cogitemus, cogitantes ad fortitudinem & tolerantiam nos præparemus. Fiet autem hoc si quibus in rebus animi fortitudinem maximè spectari scribit Ambrosius, in ijs operam nostram omnem posuerimus. Primò vt exteriora corporis pro minimis habeamus, & quasi superflua despicienda magis quàm expetenda ducamus, Secundò vt ea quæ summa sunt, omnesq; res in quibus est honestas, præclara animi intentione vsq; ad effectum sequamur. Ex humanarum igitur rerum despicientia, honestatis autè & virtutis amore, nascetur illud animi robur, quod nec blanditijs vitæ nec periculorum metu, nos ab eo quod rectum est, abduci patietur: quodq; apud Prophetam scriptum est, Dabit Dominus vt adamantem & vt silicem faciem nostram, vt à nullo timere, à nullius facie metuere possimus, quicumq; nos persequi, & à recto viuendi statu ad turpitudinem aliquam pertrahere conatus fuerit. Adamas nulla ferri duritie frangitur, nullis malleorum ictibus atteritur. Talis est viri fortis animus, qui in bono obfirmatus, impetus fortunæ retundit, têtationes inimici fortiter repellit; & quæ admodum Adamas non nisi hircino, sic ille non nisi sanguine ipsius Christi; qui in cruce mortuus, tanquam hircus pro peccato nobis oblatio factus est; mollitur, non ad malum sed ad bonum, non ad vitia, sed ad virtutes: vt cor non lapideum sed carneum habens, in Dei præceptis ambulet & iudicia eius custodiat. Fortitudinem iustorum hanc esse vult Gregorius carnem vincere, proprijs voluntatibus contraire,

delectatio-

Amb. lib.
1 de offic.

Ezech. 3.

Ezech. 11.

l. 8. Mor.

delectationem vitæ præsentis extinguere, huius mundi aspera pro æternis præmijs amare, prosperitatis blandimenta contemnere, aduersitatis metum in corde superare. Hæc qui facit, fortis, robustus est, aduersarioq; suo Diabolo terribilis, cui fortis, in fide resistit, resistendo autem eum superat & vincit. Tentat ille per instrumenta sua, varièq; cruciat & affligit homines, si quis tamen æternorum gaudiorum pulchritudinem conficeret, carcer hic nec grauis, nec diuturnus illi videbitur. Habet tribulationem tanquam dierum, decem, quæ præterit citò. Temporaria nanq; est; porro gaudia cœlestia sunt æterna. Qui habet igitur aurè audiat, quid spiritus dicat Ecclesijs; qui vicerit *NON LÆDETVR* à morte secunda, Qui accinctus potentia & fortitudinis robore, vicerit carnem, mundum, & Diabolum non lædetur; non quidem ab hac morte prima, cum statutum sit omnibus hominibus semel mori, sed ab illa secunda morte; quæ in damnatos id iuris habebit, vt in igne, in doloribus cruciatuq; sempiterno viuentes, semper miserè moriantur. Fortis igitur & constans, qui mortem illam secundam cogitans, non læditur hic à concupiscentijs & voluptatibus mundi; non lædetur & in futuro sæculo ab igne illo, qui præparatus est Diabolo & Angelis eius. Licet Adamas hic tundatur tentationum, iniuriarum, detractio- & afflictionum malleo, persistat nihilominus firmus in via Domini: & in veritate sensus sui, & in scientia.

Apoc. 2.

Ibid.

Eccl. 5.

Tu ergo Rex gloriæ Deus, qui es Dominus fortis & potens, Dominus potens reple nos fortitudine spiritus tui, iudicio & virtute, vt te solum Diuinamque tuam legem præ oculis habentes, veluti leones ad nullius tentationis; pauemus occursum. Sit nobis turris fortissima nomen tuum ad quam in angustijs nostris recurrentes exaltari possimus. Ne nos quasi pigros deiciat timor, quoties cum aduersario nobis est colluctandum; sed da in animo nostro constantiam vt contemnamus illum, & virtutem

Psal. 23.

Mich. 3.

Prou. 30.

Fron. 18.


Iudith. 9.

vt auer-

Prove. 31

vt auertamus illum. Placeat tibi humilium & mansuetorum deprecatio Memento, Domine, testamenti tui, & da verbum in ore nostro, & in corde nostro consilium corrobora, vt domus tua, corpora scilicet nostra, quæ per grām tuæ visitationis inhabitas, in sanctificatione tua permaneat. Accinge fortitudine lumbos nostros, & robor a brachium nostrum, vt & voluptates carnis superare, illatas iniurias, & Crucem quam peccata nostra merentur sufferre, te adiuuante possimus.

CHRISTI MORS IN CRUCE.



Stillant roribus arbor.

CRUX Domini nostri **I**ESV **C**H**R**I**S**T**I**, cuius plurimo sudore & sanguine mundo pax & victoria parta est, speciem quandam quatuor cardinum orbis representat. Superior enim Orientē, inferior Occidentem; dextra septemtrionem, sinistra autem illius pars Meridiem designare videtur; vt ad omnes orbis plagas, passionis & mortis Christi meritū

se exten-

se extendere quiuis intelligat. Augustinus latitudinem illā cuius Paulus meminit, longitudinem, sublimitatem & profundum in Cruce pulchrē ostendit expressam; Lata est, inquit, Crux in transuerso ligno, quo extenduntur pendentis manus, & significat opera bona in latitudine charitatis. Longa est à transuerso ligno vsq; ad terram, vbi dorsum pedesq; figuntur, & significat perseverantiam in longitudine temporis vsq; in finem. Alta est in cacumine quod per transuersum lignum sursum versum excedit, & significat supernum finem quo cuncta opera referuntur, quoniam cuncta quæ latitudine ac longitudine benè ac perseveranter fiunt, propter altitudinem Diuinorum facienda sunt præmiorum. Profunda est in ea parte qua in terra figitur; ibi quippe & occulta est, nec videri potest, sed cuncta eius apparentia & eminentia inde confurgunt, sicut bona nostra de profunditate gratiæ Dei, quæ comprehendere ac diiudicare non potest, vniuersa procedunt. Caterum cur eo potissimum supplicij genere Chrûs affici voluerit, vel illa præcipua causa est, quòd redemptioni nostræ hæc moriendi ratio maximè conuenire videbatur, ad satisfaciendum pro peccato primi hominis: qui sicut in ligno peccauit, ita Christus secundus Adam peccatum ipsius per lignum quoq; abolere, atq; ita iustitiæ Diuinæ satisfacere voluit; iuxta illud quod scriptum est;

Benedictum lignum per quod fit iustitia.



Eph. 3.
Tract. 18.
in Ioan.

Sap. 14.



CRUCEM & mortem Domini præ oculis habentes, id potissimum curare debemus, vt abnegantes nosmetipsos voluntatemq; nostram, cruci Christi configamus: omnes vitæ nostræ actiones, quæ manuû nomine frequenter in scripturis vocantur, ad eum finem dirigendo, vt cuius doctrinam profiteamur, eius etiam actiones, quàm maximè possumus imitemur: quò per legem iustitiæ legi peccati mortui Deo viuamus, carnemq; nostram cum vitijs & concupiscentijs ita crucifigamus, vt, quod olim Paulus, idem vnusquisq; nostrû dicere, atq; in Dño possit gloriari, Christo confixus sum Crucis, Viuo autem iam non ego, viuit verò in me Christus. Quæ verba explicans Ambrosius, Hic, inquit, configitur Crucis Christi, qui æmulus vestigiorum eius, nulla mundi concupiscentia capitur, vt Deo viuens, mundo mortuus esse videatur. Qui enim non agit, quæ mundi sunt vel erroris, mortuus est mundo. Æmulari igitur vestigia Christi debemus, si mortis passionisq; ipsius participes effici, si veri ipsius imitatores dici & esse volumus. Hoc enim vt faciamus, ipse quo-

Galat. 2.

In Com-
Ep: ad Ga-
Capit. 2.

que

que Saluator nos admonet inquit, Si quis vult venire post me, abneget semetipsum, & tollat crucem suam quotidie, & sequatur me. Recte abnegare semetipsum, & tollere crucem suam dicitur ille quisquis voluntate propria reiecta, post concupiscentias suas non it, sed charitate Dei proximique; inflammatus corpus affligit, peccandi occasiones vitat, & de virtute in virtutem progredi festinat. Talis non modo ferre Crucem, sed & Cruci affixus esse videtur, qui desideria prava ita cohibet, ut extrema quæque; perpeti satius esse ducat, quam aliquid Diuinæ voluntati contrarium faciat. Qui cruci affixus est pro animisui motu, membra corporis sui mouere non valet, idem facit qui spiritualiter crucifixus est CVM CHRISTO. Non hoc quod affectus carnis suggerunt, non quod suaue illi videtur id agit, sed voluntatem suam legi Diuinæ, timoris, amoris, & obedientiæ clavis affigit, ut soli Deo viuere, mundo autem planè mortuus esse videatur. O verè scilicet & beatus ille est, qui quotidie ita moritur: vivet enim semper. Verè scilicet & beatus ille est, qui quotidie Crucem hæret: non confundetur nanque; in æternum. Renunciandum igitur est propriæ voluntati; caro in obsequium spiritus reddenda: ne, si præstes animæ tuæ concupiscentias eius, faciat te in gaudium inimicis tuis, Sathanæ videlicet ab Angelis eius, qui nihil magis cupit & elaborat, quam ut hominem à Deo auersum, ad carnis desideria perficienda pertrahere possit. Quàm autem graue scelus sit hoc, Dei mandatis postpositis propriæ voluntati adhærere pulchrè docet Bernardus; Propria voluntas, inquit, omnino vellet Deum peccata sua aut vindicare non posse, aut nolle, aut ea nesciri. Vult ergo eum non esse Deum; quæ quantum in ipsa est, vult eum aut impotentem, aut iniustum aut insipientem esse. Crudelis planè est & omnino execranda malitia, quæ Dei potentiam, iustitiam, sapientiam perire desiderat. Qui autem vult Deum esse iniustum, vult Deum non esse Deum, & qui desiderat Deum non esse, nonne quantum in se est, Deum occidit? Ecce igitur scelus quo cogitari nullum maius potest, in quod

Luc. 7.

Eccle. 18.

Eccle. 18.

Ser. 3. de Resur. Dni

Sen. Ep. 27


prolabi toties videmur, quoties carni potius quàm spiritui morem gerentes, nosmetipsos non abnegamus, & in peccatis perfisimus. Quamobrem custodiamus spiritum nostrum & vigilemus, nos imperio hostis illius subtrahentes, quem si volumus, Dei auxilio freti, nobis subijcere possumus. Voluntas, inquit quidam, beatæ & miseræ vita sibi causa est. Prouideamus itaq;, quandoquidem velle in manu nostra est, vt ne nobis æternæ miseræ, sed felicitatis potius æternæ causa simus. Crudele enim est sui nolle misereri, & quasi sibimet ipsi manus violentas iniicere velle.

Matt. 16.

Domine IESU qui dixisti; Qui voluerit animã suam saluam facere perdet eam qui autem perdiderit animam suam propter me inueniet eam; da vt in hac lachrymarũ valle constituti, miserum corpus hoc ita tractemus, vt anima, saluari, ita mortificemus, vt illa viuificari queat. Affige nos sanctissimæ Cruci tuæ, vt in eius iugi assiduaq; meditatione versemur, & à terrenis eleuati, ad cœlestia semper aspiremus. Passionis & mortis tuæ memoria nunquam recedat à nobis, vt precium quo nos à durissima Diaboli seruitute redemisti, cõtinuo aspiciamus, tibi pro tanto beneficio gratias agamus te amemus, peccata fugiamus, virtutem, pietatẽ, iustitiam amplectamur. Trahe nos post te Domine quo ipse præcessisti: membra nostra mortifica, mentem humilia spiritum exalta. Exaudi nos, vt abnegãtes impietatem, & sæcularia desideria, sobriè, & iuste, & pie viuamus in hoc sæculo, expectantes beatam spem & aduentum tuum, quando cum gloria venturus es iudicare viuos & mortuos.



VESTIVM DIVISIO.



Ut vestiat omnes.

Christo iam in Cruce pendente, ne quid in eum contumeliarum pratermitteretur, milites vestimenta illius in quatuor partes diuiserunt, de tunica vero inconsutili sortiti sunt. Quæ res licet ex mera impiorum insolentia protecta fuerit, magnis tamen Sacramentis cum primis abundat. Quadripartita enim vestis Domini nostri IESV Christi


Ioan. 19.

Tract. 118
in Ioan.

quadripatritam, vt Augustinus interpretatur, eius figurauit Ecclesiam, toto scilicet, qui quatuor partibus constat, terrarum orbe diffusam; & omnibus eiusdem partibus, æqualiter id est concorditer distributam. Propter quod alibi dicit missurum se angelos suos vt colligant electos eius à quatuor ventis Quod quid est nisi à quatuor partibus mundi, Oriente, Occidente, Aquilone, & Meridie. Tunica verò illa sortita omnium partium scāt vnitatem, quæ charitatis vinculo continetur: Inconfutibilis autem est, ne aliquando dissuatur. Et ad vnum peruenit, quia in vnum omnes colligit. In sorte autem gratia Dei commendata est. Sic quippe in vno ad omnes peruenit, cum fors quoq; omnibus placuit: quia & Dei gratia in vnitatem ad omnes peruenit, & cum fors mittitur, non personæ vel cuiusq; meritis, sed occulto Dei iudicio ceditur. Diuisionem autem vestium Christi ideo factam scribunt Euangelistæ, vt, quod olim scriptum fuerat, adimpleretur;

Psal. 21.

Diuiserunt sibi vestimenta mea; & super vestem meam miserunt sortem.



Diabolum

Diabolum dissensionis & diuisionis auctorem esse, vel illa vestium Christi diuisio, quam per impios illos milites, tanquam membra sua, procurauerat, manifestè videtur innuere. Quod enim tunc in vestimentis illis per milites, idè & nunc in Ecclesiæ vnitate, quæ Christi tunica est inconsutilis, scindenda & diuidenda facere non cessat per satellites suos Schismaticos & Hæreticos: qui vt se ueros illius esse ministros ostendant, non in quatuor sed in infinitas prope partes, dum suam quisq; opinionem sequitur, Ecclesiæ vnitatem diuidere conantur. Horum impietatem, cæcamq; quãdam temeritatem quantò magis abominamur, tantò diligentius providere debemus. vt quos Catholicæ fidei veritas sanctissimo concordia & vnitatis vinculo coniunxit, eos morù dissimilitudo, voluntatumq; in ijs quæ ad vitam præsentem spectant, dissensio ne disiungat. Hoc enim potissimum argumento Deum in nobis manere demonstratur, si charitatem vnitatis in vinculo pacis retineamus. Hoc Christus ipse, hoc & Apostoli illius, omnibus ijs qui Christiano nomine censentur, vel maximè inculcarunt, vt pacem cum Deo, pacem cum hominibus conseruent & habeant Pacem cù Deo habere, est à peccatis abstinere & in omnibus his quæ ad fidem religionemq; pertinent cum Ecclesia Catholica, quæ corpus ipsius est mysticum, consentire & concordare. Pacem porò cum hominibus illi colunt, qui idem sapientes, eandem charitatem habentes, vnanimè id ipsum sentientes, nihil per contentionem neq; per inanem gloriam faciunt, sed in humilitate superiores sibi inuicem arbitrantes, non ea quæ sua sunt singuli considerant, sed ea quæ aliorum. Hanc ad Deum & ad homines habere nos pacem voluit Apostolus Paulus ad Romanos scribens; *QUÆ PACIS SVNT*, inquit, *se-*
ctemur & quæ ædificationis sunt inuicè custodiam9 Omnes sanè vitæ nostræ actiones, in eū finem dirigere debent, vt nulli noceam9, profim9 autē omnib9, quod assuemur, si diligēter curauerim9 vt ne scādali alicui9 offensionē alijs præbeam9.

Phil. 2.

Rom. 14.

Hoc

Hoc enim est alicui nocere illum malo exemplo ad peccandum, atq; ita ad iram Dei promerendam, inducere. Ad ædificationem igitur omnia sunt referenda, vt ad virtutum & pietatis amorem quamplurimos dictis & factis pertrahere possim9, quod quoniam absq; mutua charitate & concordia perfici non potest, danda est opera, vt humanitate beneuolentia, humilitate, patientia, mansuetudine nobis quàm plurimos deuincire studeamus. Ita enim quod Apostolus monet, pacem sequemur cum omnibus & sanctimoniam, sine qua nemo videbit Deum. In signum igitur concordia, qua coniuncti esse debemus inuicem, dextram dextræ coniunctam, cum oliuæ ramis, abundantia, q; vt vocant, cornu, in symbolo hoc expressimus, innuere volentes; qui Christo nomen dederunt, eos in terris fide & dilectione vnitos esse debere, si cœlestis dulcedinis pinguedine repleti, æternæq; beatitudinis fructu & ybertate ditari desiderant. Nihil enim virtute dilectionis Deo gratius, nihil charitatis concordia apud eum preciosius; vt quicquid tandem boni absq; hac fiat, sibi nequaquam placere posse, ipsemet non obscure fateatur, inquit, si offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum. Quem locum Euangelij posteaquã Gregorius Pontifex produxisset; Ecce, inquit, à discordantibus non vult accipere sacrificium, holocaustum suscipere recusat. Hinc ergo perpendite, quantum sit malû discordia, propter quod & illud abiicitur, per quod culpa laxatur Hæc itaq; considerantes, diligamus inuicem, concordiam fratrum, amorem proximorum inter nos habeamus; & quandoquidem in vna Sancta Catholica, & Apostolica Ecclesia constituti sumus, ambulemus in domo Domini cum consensu, vt ne vnus aduersus alterum inpletur pro alio, sed totius multitudinis credentium sit cor vnum, & anima vna, quo vnusquisque nostrum proximo suo placeat in bonum ad ædificationem, & concordia fructu degustato,

eos

*Hebr. 12.**Matth. 5.**Lib. 1 sup.**Eze. Hô. 8.*

“

“

“

*Eccl. 2 5.**Psal. 5 4.**1. Cor. 4.**Actor. 4.**Rom. 1 5.**Psal. 132.*

eos qui ab vnitatis discesserunt, cum Propheta possit ad eam inuitare. Ecce quàm bonum & quàm iucundum habitare fratres in vnum. Quoniam illic mandauit Dñs benedictionem & vitam vltq; in sæculum.

Dñe IESV Christe, qui transiturus de hoc mundo, pro eis qui credituri erant per verbum Apostolorum tuorum in te, patrem deprecatus es, vt omnes vnū essent, sicut pater in te, & tu in patre: da vt precum illarum tuarum vim atq; efficaciam in nobis salutare sentiam; vt simus consummati in vnum, vt id ipsum sapere in alterutrum secundum te, & vnanimis vno ore honorificare te Deum, & Patrem tuum, Dñe noster IESV Christe, possimus. Reple nos omni gaudio & pace, vt quietam & tranquillam vitam agamus in omnipietate & castitate. Inclina corda nostra quasi viri vnus, vt infide vnanimis, compatientes, fraternitatis amatores, misericordes, modesti, humiles simus; non reddentes malum pro malo, nec maledictum pro maledicto, sed è contrario benedicentes. Da nobis cor vnum, & spiritum nouum tribue in visceribus nostris, vt in præceptis tuis ambulantes, & iudicia tua custodientes, concordia, pacis, vnitatis, charitatis, & dilectionis nodo ita adstringamur, ne nos Diaboli qui inter fratres diuidit fraudes, ab amore mutuo, possint vnquam separare.

Ioan. 17.

Rom. 15.

I. Tim. 2.

I. Reg. 19

I. Pet. 3.

Eccl. 11.



TENEBRÆ.

*Hæc violentia calo.*

Quo tempore Christus IESVS verus iustitiæ sol in ligno Crucis fuit appensus, creatura sui Creatoris iniuriam ferre non valens sol videlicet ipse, quem quotidie aspiciamus, radios suos, ne videret impiorum facinora, retraxit; vt à sexta hora vsq; ad nonam densissimæ tenebræ terram vniuersam occuparent: cuius rei sacramenta explicans Origenes, Duas Creaturas in sexta die factas fuisse scribit, ante sextam quidem animalia, in sexta verò hominem: & ideo conueniebat, inquit, pro salute hominis morientem, ipsa hora sexta suspendi; ac à sexta hora propter hoc tenebras fuisse factas super omnem terram. Et sicut in Moyse manus extendente in cælum, factæ sunt tenebræ super Ægyptios, seruos Dei tenentes in seruitute. imago futurarum tenebrarum quæ cõprehensuræ fuerant Ægyptios: similiter & Christo in sexta hora manus extendente in Cruce ad cælum super populum

Hom. 35.
in Matth.

qui

qui clamauerat. Tolle de terra hunc & crucifige, crucifige eum, factæ sunt tenebræ, & ab omni lumine sunt priuati, & imago fuit tenebrarum illarum futurarum, quæ comprehensuræ fuerant gentem Iudaicâ, quia ausi sunt lumini uero manus suas inferre. Vnde ex tunc, Omnis illa gens tenebris est repleta, sicut dicit Propheta; Obscurentur oculi eorum ne videant. Item sub Moysè factæ sunt tenebræ & caligo super omnem terram Ægypti, tribus diebus, & nemo uidit fratrem suum, neq; surrexit de lecto suo aliquis tribus diebus. Omnibus autem filijs Israel erat lumen in omnibus locis in quibus commorabantur. Sub Christo autem tenebræ factæ sunt super omnem terram Iudæam tribus horis, lumen autem fuit super omnem reliquam terram, quod ubiq; illuminat omnem Ecclesiam Dei in Christo. Et si usq; ad nonam horam tenebræ fuerunt super omnem terram Iudæam, manifestum est quod iterum lumen eius refulsit, quia cum plenitudo gentiũ intrauerit, tunc omnis Israel saluus futurus est. Quod autem tribus horis factæ sunt tenebræ super terram Iudæâ, illud ostendit, quod propter peccata sua, priuati sunt à lumine Dei patris, & à splendore Christi, & ab illuminatione spiritus sancti. Porro de tenebris ijs quæ sub ipsam passionem Christi Iudæam obscurauerant, apud Ezechielem apertis uerbis scriptum legimus;

Psal. 68.

Et operiam, cum extinctus fueris calor, & nigrescere faciam stellas eius: solem nube regam: Luna non dabit lumen suum. Omnia lumina cæli mœrere faciam super te, & dabo tenebras super terram tuam, dicit Dñs Deus.

Ezech. 32.





Compunctio

Quandoquidem Christo in Cruce pendenti non modò
 cælum ipsum, sed terra ac saxa quoq; muta condolue-
 runt; etiam atq; etiam cogitandum nobis est, quàm ab omni
 pietate Christiana sit alienum. IESVM Cruci affixum pro-
 pter hominum peccata videre, neq; tamen angi dolore, quòd
 scelera nostra tam ignominiosæ mortis filio Dei causâ fuerint.
 Ecce à facie eius contremuit terra, moti sunt cœli, sol & lu-
 na obtenebrati sunt, & stellæ retraxerunt splendorem suum.
 Omnis creatura in morte Creatoris ingemiscit. Quid facie-
 mus nos? Nunquid opus manuum illius non sumus & nos?
 Nunquid manibus eius plasmati non sumus? Tantò maiore
 sanè dolorem ex recordatione Dñicæ passionis haurire debe-
 mus, quantò rebus his, quæ propter nos creatæ sunt, esse su-
 periores videmur. Quod igitur Propheta facere nos monet,
 inquit, scindite corda vestra, & non vestimenta vestra; hoc,
 & peccati magnitudinem, & passionis Christi, per quam
 peccatum est abolitum, & acerbitatem præ oculis habentes,
 sedulò facere tenemur, vt dolorem internæ compunctiõnis

Joel. 2.

Iob. 10.

4. Esdr. 8.

Joel. 2.

in

in cordibus nostris habeamus, nisi saxis ipsis duriores videri velimus. Rugiamus à gemitu cordis nostri, quòd tam clementem & benignum Dominum offenderimus, qui vt seruos redimeret, sanctissimum corpus suum, omni prius suppliciorum genere affectum, in ara Crucis maclandum sponte obtulit. Dolor hic noster sit in conspectu nostro semper, qui nos ad amandum Deum prouocet, ad fugienda peccata, penitentiamq; pro illis agendam stimulet, & ad maiorem utilitatem nostram, illud cum Dauide peccata sua lachrymis abluente, vnumquenq; dicere compellat. Iniquitatè meam annuntiabo, & cogitabo **PRO PECCATO MEO.** Ille dicendus est iniquitatem suam annuntiare, qui quod peccando Deum offenderit, per puram confessionem coram sacerdote, ligandi soluendiq; conscientias potestatem habente, factam, Domino sua delicta recensere non erubescit, memor illius quod scriptum est; Pro anima tua non confundaris dicere verum. Est enim confusio adducens peccatum, & est confusio adducens gloriam & gratiam. Pro peccato, vt ait Gregorius, cogitare, est delectationi præteritæ dignam carnis afflictionem proponere. Ille cogitat igitur pro peccato qui eius turpitudine Diuinaq; pulchritudine & bonitate diligentius considerata, se deliquisse doler, corpus suum affligit, & castigat; & (qua vna re plerunq; serui delinquentes Dominos ad misericordiam flectere solent) errorè suum ipsemet fatetur, quæuis flagella sustinere paratus, dummodo in gratiam à qua ex-ciderat, restituatur. Qui igitur ita pro peccato cogitat, qui iniquitatem suam annuntiat, ille proculdubio cor suum & non vestimentum suum scindere dicetur. Prophetæ locum hunc explicans Hieronymus; Consuetudinis est, inquit, vt in tristibus atq; aduersis scindatis vestes, quod & Pontifex ad Domini saluatoris orimen augendum, in Euangelio fecisse memoratur; & Paulum & Batnabam audientes verba, blasphemix legimus perpetrasse. Idcirco ego præcipio vobis ut nequaquam scindatis vestimenta, sed corda quæ plena sunt peccatis, quæ instar vtrium, nisi scissa fuerint, sponte rumpè-

Psal. 37.

Eccl. 4.

In I. Reg.

cap. 2.

In Ioel.

cap. 2.

Matt. 26.

Actor. 14.

tur: cumq; hoc feceritis, redite ad Dñum Deum vestrum quem vobis priora peccata vestra alienum fecerant, nec desperetis veniam scelerum magnitudine; quia magna peccata magna delebit misericordia. Hactenus Hieronymus; cui cum Propheta nos monenti, tantò magis debemus obtemperare, quantò corda nostra peccatis onustiora videmus. Dum enim cor ita vulneratur, sanatur: dum sic affligitur, solatijs abundat, quòd ampliores hic suffert dolores, hoc maiori post lætitia cumulabitur. Non alia res igitur maiori nos afficiat molestia, quàm præteritorum delictorum memoria; quæ efficiet, vt & à futuris misericordia Diuina accedente, facilius nobis caueamus, & ad mundi istius voluptates turpitudinumq; illecebras è cordibus nostris, exterminandas vehementius animũ adijciamus. Neq; moueat quenquã, vt ait Ambrosius, quòd luctus, dolor, commaceratio corporis grauissimæ passionones sunt. Etsi grauissimæ videntur, tamen, indignæ sunt huiusmodi passionones ad superuenturam gloriã, sicut testis est Apostolus Paulus, Non pigeat ergo nos hinc leuiora ferre, vt ibi plena laudis & gloriæ possimus adipisci, pro temporalibus laboribus perpetua præmia reportantes.

Domine qui te amantium luctum conuertis in gaudium, & consolaris eos, & lætificas à dolore ipsorũ, vt nos in futuro sæculo lætifices. dum in hac vita sumus nõ concede requiescere spiritum nostrum, sed reple nos amaritudinibus: quo peccatorum admissorum magnitudinem, iugi lachrymarum imbre abluamus: & passionis vnigeniti filij tui memoriã conseruantes, quòd eò peccata nostra illũ detruserint ingemiscamus & doleamus. Saucia tu ipse Dñe IESV corda nostra amore tuo, vt nil aliud desideremus, nil concupiscamus ardētius, quã in vulneribus tuis abscondi, in cicatricũ tuarũ contemplatione versari. Da vt in orationibus & obsecrationibus nostris, cum dolore, & fletu, & planctu, penitentiã exerceamus, sordes & vulnera consciētĩe nostræ tibi deregamus. Tu enim ea curas, & non pollueris, tu nos adiuuas, & nõ cõtaminaris. Quia Deus salutis es Dñe; & manus tua non perdere sed sanare consuevit.

in Psal. 27.

Rom. 8.


Ier. 31.

Iob. 9.

Ambro. in

Psal. 37.

SEPVLTURA.

*Mors demicta iacet.*

Seriem Dominicæ sepulturæ recensens Hilarius, mysteria ipsius pulchre & eleganter aperit. Joseph, inquit. Apostolorum habet speciem, & idcirco quanquam in duodecim Apostolorum numero non fuerit, discipulus Domini nuncupatur. Hic munda syndone corpus inuoluit. Et quidem in hoc eodem linteo reperimus de cælo ad Petrum vniuersorū animantium genera summissa. Ex quo fortè non superflue intelligitur sub lintei huius nomine consepeliri Christo Ecclesiam: quia tum in eo, vt in confusione Ecclesiæ mundorum atq; immundorū animalium fuerit congesta diuersitas. Domini igitur corpus tanquam per Apostolorum doctrinam infertur in vacuam & in nouam requiem lapidis excisi, scilicet in pectus duritiæ gentilis, quodam doctrinæ opere excisum Christus infertur, rude scilicet ac nouū, & nullo antea ingressu timoris Dei peruium. Et quia nihil est quod præter eum oporteat in pectora nostra penetrare, lapis ostio aduoluitur: vt quia nullus antea in nos Diuinæ cognitionis auctor fuerat

Canon. 33
in Matth.

Actor. 10.

fuerat illatus, nullus absq; eo postea interatur. Metus deinde furandi corporis, & sepulchri custodia atq; obfignatio, stultitiz atq; infidelitatis testimonium est: quod signare sepulchrum eius voluerint, cuius præcepto conspexissent de sepulchro mortuum suscitatum. Typus Christi in sepulchro concludendi in Iona quondam præcesserat, qui & ipse tribus diebus & noctibus in ventre ceti, quasi tumulo quodam, delituit;

Iona. 2.

Et præparauit Dominus piscem grandem ut deglutiret Ionam: & erat Ionas in ventre piscis, tribus diebus & tribus noctibus:



Cum Christo in Sepulchro reposito; omnes etiam illos requiescere arbitramur, qui post edomitos affectus sensuq; mortificatos mūdo mortui; in sola beatitudinis æternæ contemplatione conquiescunt, ac tanto beatiore sunt, quāto à noxijs cupiditatibus & huius seculi tumultibus; magis sunt remoti. Licet enim in terris degant, euolant nihilomi-

nus ad superiora, & cum liberis habeant cogitationes ea sola intuentur, quæ ad animæ salutem gloriæq; cælestis pulchritudinem pertinere arbitrântur. Maxima sanè contemplationis laus hæc est, quod per eam homines diuinitatis quodammodo participes fiunt mortales immortalitatis suauitatem degustant terreni cælis inferuntur. Hanc igitur ob causam in hoc symbolo contemplationis, alas duas charitatem Dei & proximi designantes expressimus; quæ Cælestium desiderio rapiunt animam tantò ardentior, vt ait Augustinus, quantò mundior, & tantò mundior, quanto ad spiritualia surgentem, quanto carnalibus desiderijs & terrenis affectibus morientem. Quoniam autem vir perfectus, prius vitæ quam Actiuam vocant opera exercet; deinde verò sensim transit ad eam quæ in contemplatione versatur, ideo pennis istis manus adiunximus. illud Ezechielis, & similitudo manus hominis subtus pennas eorum erat. Quem scripturæ locum producens Gregorius; Quid per pennas; inquit animalium, nisi contemplationes possumus sentire sanctorum, quibus ad summa transuolant, & terrena deserentes, sese in cælestibus librant? Quid per manus nisi operationes accipimus? Quia cum in proximi amore se dilatant, bona quæ prævalent etiam corporaliter administrant. Sed manus eorum sub pennis sunt: quia actionis suæ opera virtute contemplationis vincunt. Ad eum igitur modum actiones & ipsi nostras disponere debemus, qui Christo consensu, à mundo scilicet abstrahi, & in contemplationis profunditatem immergi desideramus; vt per operationes bonas primum nos hinc exerceamus, deinde verò ad altiorem perfectionis gradum aspirantes, opera ipsa contemplationis virtute superemus. Eum siquidem ordinem David Propheta nobis præscripsisse videtur inquit; In mandatis tuis EXERCEBOR ET CONSIDERABO vias tuas: vt prius nos in mandatis Domini exerceamus faciendo bona deinde vias eius consideremus, contemplando cælestia. Ille enim in mandatis Domini exercetur, qui suscipiendo peregrinum,

*Lib. 1. de
Trinit.*

*Ezech. 1.
Li. 6. mor.
capit. 18.*

Psal. 118.

vestiundo nudum, gubernando subiectum, redimendo captiuum, tuendo violenter oppressum, iugiter se ab omnibus iniquitatibus suis emaculat. Porro qui facultatibus suis in usus pauperum distribuitis, simul se expoliavit mundo, & totis viribus adhæret cælo: res mundi mundo proiecit, & seipsum Christo deuota mente restituit, ille rectè vias Domini considerare videtur: quæ licet angustæ primo intuitu atq; difficiles appareant, quo tamen eos qui illas ingrediuntur, deducant, animo præuidet, ad immortalitatis nempe gloriam & cælestium præmiorum dulcedinem. Exerceamus itaq; nos per opera bona in mandatis Domini: in quibus quò amplius profecerimus; hoc altius ad eminentiam contemplationis eleuabimur: cuius lumen quandoquidem vel peccatorum tenebræ excludunt; vel scelerum, cum delectatione, recordatio obtenebrat; vel cura terrenorum obfuscat; tribus his morbis contraria remedia adhibere debebimus; vt peccata per crebram confessionem, delectationem illorum per assiduam orationem, sollicitudinem temporalium per quietem à nobis propulsemus: quo commortui Christo ingrediamur in abundantia sepulchrum, post congesta scilicet, vt scribit Gregorius vitæ præsentis opera, mutabilitati nostræ plenè mortui, in secreto veri luminis occultemur.

Domine à quo omnis sapientia est, & cum quo fuit semper, & est ante æuum; qui creasti illam in spiritu sancto, & effudisti illam super omnia opera tua, & super omnem carnem secundum datum suum, & præbuiisti illam diligentibus te; disciplina intellectus reple nos, & nobis scientiam spiritus, sensu imple cor nostrum, & mala & bona ostende nobis; vt considerantes mirabilia tua, & magnalia honoris tui videntes, attendamus ab omni iniquo, & nomen sanctificationis collaudemus. Da vt conuersi ad te Domine relinquamus peccata, precemur autem faciem tuam; & minuamus offendicula; vt altitudinem diuitiarum tuarum mente quieta, corde puro, conscientia læta contemplari possimus. Da vt in creaturarum tuarum

Vid. Born.
de Confid.
ad Eug.
Iob. 5.
Lib. 6. Mo
ral. ca. 18.
Eccle. 1.

Eccle. 17.

admiratione

admiratione te semper laudemus, in lectione sacrarumque scripturarū meditatione, te qui veritas es, cognoscamus, in morum circumsp̄ctione foris famam, intus consciētiā bonam ita arēdamus, vt quid deceat ad exemplum, quid exp̄diat ad meritum sedulō conquiramus. Eleua tu mentem nostram ad te vt cœlestia cogitet; mundanas cupiditates deprime, vt ad te spiritus noster euolet. Concede Misericordiā Deus, vt quæ recta cogitamus, ea opere impleamus, quæ autem implemus, ea simplici oculo, non vana gloria ducti, perficere ad laudem & tui nominis gloriam studeamus.

*Hugo in
meditati-
onibus suis*

RESURRECTIO.




Subiugatis hostibus.

Mortuus & sepultus Christus IESVS Dominus noster, posteaquam Diuinæ Iustitiæ pro peccato primi hominis abunde satisfacisset, & mortis chirographum contra nos conscriptum deleuisset, tertia die diuina sua virtute à mortuis clauso sepulchro resurrexit; & Sanctissimum suum corpus quod pro salute nostra tantis impiorum iniurijs exposuerat, immortalitatis gloria & admirabili quadam nouæ maiestatis amplitudine decorauit: vt & fidem nostram confirmaret, & corporum nostrorum corruptionem ad futuræ vitæ claritatem restauraret. In gloriosa autem illius resurrectione quæ typus nostræ fuit, & terræ motus factus est, & angelus Christi à morte ad vitam translatis potentiam nunciatus, mulieribus apparuit. Terræ motum illum Dominicæ resurrectionis virtutem significare scribit Hilarius, Nam contuso mortis aculeo, & illuminatis tenebris resurgente virtutum cœlestium Domino, infernorum trepidatio commouebatur. Angelus autem Domini de cœlo descendens & lapidē reuoluens & sepulchro adfidens, misericordiæ Dei patris insigne est, resurgenti filio ab inferis virtutum Cœlestium ministeria mittentis. Atq; ideo prior resurrectionis est iudex vt quodam famulatu paternæ voluntatis resurrectio nunciaretur. Quod verò primum mulierculæ Dominum vident, salutantur, genibus aduoluuntur, nunciare Apostolis iubentur, ordo in contrarium causæ principaliter est redditus: vt quia à sexu isto cœpta mors esset, ipsis primum resurrectionis gloriæ, & visus & fructus & nuncius redderetur. Emitur verò à Custodibus qui omnia hæc viderant resurrectionis silentium, & mendacium furti honore scilicet sæculi & cupiditate, quia in pecunia honor eius est Christi gloria denegatur. Quoniam verò sacrorum Vatum diuinationes non verbis tantum, sed quandoq; factis etiam ipsis peraguntur, ideo in Iona Resurrectionis Christi signum & indicium præcessisse credendum est; qui triduo in ventre piscis degens, è præsentem tandem morte fuit liberatus;

Canon. 33
in Matth.

Dixit Dominus pisci & euomit Ionam in aridam.



IN celeberrima Dominica Resurrectionis solennitate illud præcipue nobis est attendendum, quòd Colossentes Paulus Apostolus monet, vt si consurgere cum Christo velimus, quæ sursum sunt quæramus, & immortalitatis æternæq; gloriæ desiderio accensi, quæ sursum sunt sapiamus, non quæ super terram Mortui mundo cum Iesu saluatore crucifigi & sepeliri debemus, si cum eodem suscitari, decoreque Cælestis beatitudinis ornari desideramus. Si ita mortui fuerimus, perpetuò viuemus, si autem ita viuemus hic, vt non nisi præsentia consideremus, perpetuò moriemur. Est igitur, vt pulchre Leo Pontifex, mors quæ causa est viuendi, est & vita quæ causa est moriendi. Nec alibi quàm in hoc transitorio sæculo vtrunq; conquiritur, vt ex qualitate temporalium actionum differentia retributionum pendeant æternarum. Moriendum ergo est Diabolo, & viuendum Deo: deficientem iniquitati, vt iustitiæ resurgatur. Qualiter autem resurgere, & resurgendo veram immortalitatem consequi possumus, exemplo sanctarum illarum mulierum, quibus gaudium Resurrectionis Christi fuit ab Angelo nunciatum docemur: quæ Christum à mortuis suscitatum Apostolis nunciaturæ exierunt citò de monumento cum TIMORE ET

Collos 2.

Ser. I. de Resurrect Domini.

Matt. 8.

GAUDIO .Cum timore utiq; , quia potentiam & Maiestatem Domini in Angelica visione agnouerant: cum gaudio autem, quia quem ardentem quærebant, se iam iam inuenturas credebant: quod etiam mox subsequutum fuit. Subiungitur enim in Euangelio, Et ecce IESVS occurrit illis, dicens Auete &c. Omnis igitur qui Christum immortalitatis auctorem inuenire, diuinoq; ipsius aspectu, immortalis effectus in cœlesti patria perpetuò frui desiderat, ad vocē Angelicam, instinctus videlicet spirituales; & admonitiones Prædicato: um, de monumento citò exire, tenebrosas peccatorum sedes, mundanarumq; vanitatum turpitudines illico relinquere debet; quod ut tanto facilius perficere possit, Timorem & Gaudium sibi comites oportet adiungat, quorum altero ab illicitis deterreatur, altero ad celeriores in virtutibus progressum incitetur. Ita futurum est, ut nec timore ad desperationē propter peccata, præsentem gaudio induci; nec gaudio propter consolationes ad nimiam confidentiam adstante timore pertrahi possit. Per duo igitur hæc, fideles in Ecclesia Catholica constituti, ad immortalitatis dona, gloriæq; sempiternæ diuitias acquirendas deducuntur: quæ per aureum annulū significari non incongruè possunt, cum quemadmodum aurum reliqua metalla, sic illæ omnes orbis opes longè superant, & omnem gratiarum Dei perfectionem, quam Sphærica figura repræsentat contineant. Vnde & prodigo filio ad patrem reuerso annulus in manum eius dari iubetur; qui, ut interpretatur Augustinus, pignus est Spiritus sancti propter gratiæ participationem, quæ digito Dei bene significatur: cuius thesauris tunc vberius ditabimur, quando mortali corpore exuti, ad veram immortalitatis sedem, quæ cœlestis est gloria, transferemur. In hac igitur mortali vita de illa in quam non cadit interitus cogitantes, Timorem Dei, actionum nostrarum veluti quandam testem, temper habeamus, memores

Luc. i f.

Quæst. E-
uang. l. 2.

illius

illius quod scriptum est ; Beatus homo qui semper est pauidus , qui verò mentis est duræ , corruet in malum. Nihil magis timeamus , quàm Deum non timere, mandata illius transgredi, & carnalibus desiderijs obtemperare. Nisi enim Deum timuerimus, de terra viventium peribimus, & ipsi nobis laqueum Diabolicæ seruitutis iniiciemus^s, de quo scriptum legimus ; Peccantem virum iniquum inuoluet laqueus, & iustus laudabit atq; gaudebit. Posterius hoc potius quàm prius illud eligamus, vt non, cū viro iniquo, laqueo inuoluamur, sed cum iusto laudemus Deum & gaudeamus. Laudare Deum summa voluptas, summum est gaudium. Verè autem illum laudare non poterimus, nisi timor ipsius in nobis sit. Timor hic, gaudij cœlestis cogitatione augetur, porrò cogitatio illa voluptatem & lætitiã quandam singularem adfert. Cum timore itaq; Domino exultare, in lætitiãq; seruiendo illum timere debemus, si laudis & Confessionis sacrificium offerre, & ad immortalitatis gloriam consequendam viam nobis sternere voluerimus : cuius pulchritudinem qui cogitauerit, vitæ præsentis delectationes præ illa contemnet, & de vanitatis tumulo consurgens ; cum mulieribus Christum quærere festinabit.

Prove. 29

Psal. 2.

Psal. 99.

Rex Regum & Domine dominantium CHRISTE IESU, qui solus habes immortalitatem & lucem habitas inaccessibleem, da nobis semen cordis & sensui culturam, vnde fructus fiat, vt accipientes in corde nostro quod est futurum, nõ quod in præsentis illa tantum cogitemus & faciamus, quæ ad consequendam veræ immortalitatis gloriam, voluntatem tuam facientibus præparatam, pertinere videamus. Quid enim prodest nobis, Dñe si promissum est nobis immortale tempus, nos autem mortalia opera agimus, & quoniam prædicta est nobis perrennis spes nos vero pessimi

1. Tim. 6

4. Esdr. 7.

Ibid.

vani facti sumus. Aduua nos ergo Deus salutaris noster; adiuua infirmam creaturam tuam. Viuifica nos vt opus tuum. Si enim non multiplicaueris misericordias tuas, non viuificabitur seculum: si non donaueris de bonitate tua, de tuis iniquitatibus, non poterit decies millesima pars viuificari hominum. Da igitur nobis vt à peccatorum sordibus resuscitati, cum timore & gaudio te solum quæramus, mandataq; tua custodientes immaculati ante conspectum gloriae tuae constituti; in gaudio cum vultu tuo lætificari, & viam æternam apprehendere valeamus.

Iuda.

Psal. 20.

1. Tim. 6.

MAGDALENÆ ZELVS.



Ne credentibus obstet.

Maria Magdalena, quæ pro nimio quo in Christum nondum passum ferebatur amore, etiam mortui corpus tanta cum diligentia quærebat, eum vigilantia sedulitateq; suæ fructum retulit, vt Christus à morte suscitatus vltro se illi videndum offerret: quo quidem exemplo docemur, Christum gratiæ suæ præsentiam illis subtrahere non solere, qui illum toto corde ardentiq; desiderio quærunt. Cur autem Dominus à

Maria

Maria pedes ipsius amplecti cupiente, tangi se passus non fuerit, illa ratio fuisse videtur, quod mulier hæc de Christo quidem eam quam de sancto viro conveniebat fidem habebat, longius tamen adhuc ab ea perfectione aberat, quam ut Christum Patri æqualem & vnum cum Deo esse posset cognoscere. Cum igitur tactus finem faciat notionis, nolebat Christus, inquit Augustinus, in eo esse finem intenti cordis in se, ut hoc quod videbatur tantummodo putaretur. Ascensio autem ad Patrem erat ita videri, sicut æqualis est patri. Videtur ergo (sicut alio loco scribit idem Augustinus) ista Maria cui dixit Dominus; Noli me tangere; nondum enim ascendit ad Patrem meum, Ecclesie gestare personam quæ tunc in Christum credit cum ascendisset ad Patrem. Quid est tunc credidit? nisi tunc tetigit? Multi carnales Christum tantummodo hominem putauerunt, diuinitatem in illo latentem non intellexerunt, quia non bene crediderunt. Vis bene tangere? intellige Christum, ubi est Patri coæternus, & tetigisti. Si autem hominem putas, & nihil amplius putas, tibi nondum ascendit ad Patrem. Ad confirmandam itaq; gentium fidem, ut tanto melius Christum cum Magdalena tangi & amplecti nobis liceret illius ascensio nobis erat

necessaria; iuxta illud Propheticum;

Synagoga populorum circumdabit te propter hanc in altum regredere.



*De Trinit.
l. 1. cap. 9.*

*Serm. 152
de temp.*

Psal. 7.



Vigilantia.

Io. 20.

Mariæ Magdalenzæ piam in quærendo Christo sollicitudinem & vigilantiam, quò magis miramur laudamus & extollimus, hoc ad ipsius imitationem vehementiore studio incitari debemus, vt & ipsi in omni vita nostra Christum quærere discamus. Quam ad rem quoniam vigilantia maxime requiritur, curandum est, vt ne vel desidia nos incautos opprimat, vel altus sopor, dum voluptatibus mundi istius indormimus, desideratissimo Dñi intuitu defraudet. Vigilantes igitur nos esse conuenit, si Chrüm inuenire cum Maria desideramus, & ita vigilantes vt simus similes hominibus expectantibus Dominum suum, quando reuertatur à nuptijs. Ad nuptias quippe Dominus abiit, inquit Gregorius, quia resurgens à mortuis, ascendens in cælum supernam sibi Angelorum multitudinem nouus homo copulauit. Qui tunc reuertitur cum nobis iam per iudicium manifestatur. Beati sunt serui illi quos cum venerit Dominus inuenit vigilantes. Vigilat qui ad aspectum veri luminis mentis oculos apertos tenet. vigilat qui seruat operando quod credidit; vigilat

Luc. I 2.

In Eang.
Hom. I 3.

qui

qui à se torporis & negligentiae tenebras repellit: quas repellere non alia ratione poterit, quam si lucernam ardentem in manu habeat, hoc est per opera bona proximis exempla lucis demonstrat, idque sedulo provideat, ut ne unquam ab opere bono, vacuum eum Diabolus inueniat. Ne autem ociosus sit, breuitate temporis admoneri debet ad charitatis & pietatis opera exercenda. quae tanto feruentius impedi debent, quanto praemia in caelis ampliora habent constituta. Per lucernam igitur in Symbolo nostro bona opera, per clepsydram tempus bene agendi designatur. quae duo ad eos maximè pertinent qui serui vigilantes esse, ad omnemque occasionem Christum quaerere & inuenire concupiscunt: quod & omnes & semper facere debemus, si Prophetae monenti obtemperare volumus; qui ad id nos incitans; *Quaerite*, inquit, *Dñm & confirmamini, quaerite faciem eius semper.* *Quaerere Deum est diligere Deum.* Hunc enim sponsa quaerit, quem anima illius diligit. *Quomodo autem diligendo Deus sit quaerendus apud alium Prophetam legimus; qui posteaquam illud dixisset, Quaerite Dñm dum inueniri potest, inuocate eum, dum propè est, subiunxit statim, Derelinquat impius viam suam & vir iniquus cogitationes suas. Viam impietatis qui derelinquit, cogitationes iniquas qui abiicit, & benè agit, ille diligere & Deum quaerere dicendus est. Quoniam verò peregrinationis istius valde lubrica via est, ut à recto iustitiae tramite ad iniustitiam facile deflectere, atque ita Christum non inuenire cuiuis possit, ideo vigilandum, cautè incedendum, & mentibus nostris illud est altè infigendum, quod non solum Apostolus Petrus, qui sobrios nos esse & vigilare iubet, sed & magister omnium nostrorum Christus ipse discipulos alloquens praecipit; Quod vobis dico, omnibus dico. VIGILATE. Videamus igitur, vigilemus, & oremus omnes, lucernas bonorum operum in tenebrosos vitae istius vijs praeferramus: ad Dominum quocumque sese nobis obtulerit excipiendum parati simus omnes.* Cum ignoremus

*Psal. 104.**Cant. 3.**Isaia 55.**I. Pet. 5.**Marcii 3.*

De verbo
Domini.
Serm. 23.

Prove. 8.
Prou. 19.
Esaiā 29.

Bernar. de
diligendo
Deo.

quando tempus illud venturum sit, semper horam illam præsentem adesse intelligamus. Ita enim futurum est, vt nunquā obdormiamus in morte. Omnibus Christus, omnibus Apostolus illius dixit, *Vigilate*; Omnibus Augustinum etiam illa scripsisse intelligamus, *Corde vigila, spe vigila, Charitate vigila, operibus vigila, & quando corpore dormieris, veniet tempus vt resurgas. Cum autem surrexeris præpara lampades. Tunc non extinguantur, tunc in interiore conscientia oleo vegetentur: tunc sponsus ille incorporeis nexibus amplectatur, tunc te introducat in domum, vbi nunquam dormies, vbi nunquam possit tua lampas extingui.*

O Sapientia æterna Dñe IESV, qui diligentes te diligis, & qui manè vigilant ad te, eis te inueniendum offers pigredinem quæ soporem nobis altum immisit, aufer à nobis, vt semper audiamus te, & vigilemus ad fores tuas quotidie, & obseruemus ad postes ostij tui. Ne misceas nobis Domine spiritū soporis, ne claudas oculos nostros, sed da cor nobis, quod te cum Maria diligit, diligendo quærat, quærendo inueniat, inueniendo tanta suauitate perfundatur, vt præ amore langueat mundo, reuiuiscat cælo. Nemo te, Dñe, quærete valet, nisi qui prius inuenerit. Vis ergo inueniri, vt quæraris, quæri vt inueniaris. Potes quæri & inueniri, non tamè præueniri. Auxiliare igitur nobis, & sustenta imbecillitatem nostram, vt te veraciter & perseueranter quæramus, quærendo te, vigilemus, vigilantes Oleo charitatis lampades repletas habeamus, idq; semper cum diem & horam aduentus tui nesciamus: quo cum virginibus prudentibus parati ad nuptias Cælestis voluptatis intrare & tecum sine fine gaudere, possimus.



MANIFESTATIO IN EMAVS.

*Res edocet latentes.*

D Vobus discipulis, de Christi morte inter se conferentibus, comes itineris Christus iungitur, ut & dubitationem, quæ tardiores illos ad credendum de salutis humanæ restoratione fecerat, ex ipsorum animis omnem tolleret, & quod olim se facturum permiserat, ut inter duos vel tres in nomine suo congregatos medius esse vellet, id ad rem ipsam conferret. Licet autem manifestè appareat, panem illum in cuius fractione Dñum discipuli duo cognouerant, corporis & sanguinis Christi verum fuisse sacramentum; ut hæc propria & genuina scripturæ ipsius mens esse videatur; non repugnat tamen Catholicæ veritati; si quis per discipulos illos

quales tunc reuera fuerūt, omnes in fide vacillantes intelligat, qui plures hoc infalici seculo nostro reperiuntur, quàm vt numerus illorum iniri queat. Panis autem fractio; diligens scripturarum est perscrutatio: quæ cum testimonium Christo perhibeant, ab illis veritas & fidei nostræ certitudo petenda est; ita tamen vt non quiuis arbitrato suo panem hunc sibi frangat, non quiuis, iuxta quod illi visum fuerit, scripturas interpretetur, sed vt ex manibus Christi cibum hunc capiat. Porro manuum Christi nomine, Apostoli, Doctores, & Sacerdotes censendi sunt, per quos in Ecclesia sua Christus operatur omnia. quorum iam inde ab initio semper hoc fuit officium, vt populum saluari Verbi Dei cibo reficerent. Ab ijs igitur panem hunc sumat, qui paruulorum more, frangendo illi pares esse non possunt. Id si fecerint cognoscant procul dubio Christum in fractione panis: videbunt quæ ratione totius salutis nostræ mysteria in scripturis, vnanimis Ecclesiæ consensus ostendat, euitabunt stultitiam & tarditatem cordis, vt in vna sancta, Catholica, & Apostolica Ecclesia constituti, sicut de alijs doctrinæ capitibus, ita de veritate quoque corporis & sanguinis Christi, in Eucharistia, sub vnicâ tantum specie, hoc loco duobus his à Christo porrecta, nobiscum conueniant, idem loquantur, idem & sentiant omnes, atque ita sanctissimi panis illius participatione pingues facti, Reges etiam seu Cœlestes ciues efficiemur omnes, iuxta illud;

Gen. 49.

Aser pinguis panis eius. Et præstabit delicias Regibus.





DVorum discipulorum in Castellum Emaus euntium, & de omnibus his quæ Hierosolymis acciderant loquentium exemplo, docemur, dum in hac mundi peregrinatione versamur, non alia in re magis nos operam nostram ponere debere, quàm in ijs quæ ad excitandam mentis deuotionem pertinere videntur: quæ, cum ab Augustino pius & humilis affectus in Deum dicatur, humilis ex conscientia infirmitatis propriæ, pius ex consideratione Diuinæ Clementiæ, vera in discipulis illis fuisse liquet, cum & ex conscientia infirmitatis, tristitiæ, (quæ humilitatis comes esse videtur) & ex Diuinæ clementiæ consideratione, pietatis (quæ in spem illos erexerat quòd Christus esset redempturus Israel) expertes minimè fuerint. Hic igitur pius & humilis in Deum affectus, habendus est & nobis, si Christi presentis copiam nobis dari & ex illo cœlestiâ consolationû lætitiâ haurire cupim⁹. Consideranda sunt diligenter ea quæ ad humanitatē Christi pertinent, è quib⁹ quata nobis beneficia præstiterit intelligimus

Luc. 27.

*Li. de Spū.
& anima
cap. 30.*

vbi autem intellexerimus, fieri non poterit, quin ad deuotionem piè accendamus. Consideranda etiam est infirmitatis nostræ conditio, defectus, & varij humanarū opinionum errores: quibus rectè consideratis ad humilitatem, ab humilitate ad deuotionem excitabimur. Atq; hæc sunt duæ illæ alæ, in symbolo nostro expressæ, quibus hominum corda ad Deum eleuantur, Christi videlicet beneficiorum ingis & assidua meditatio, & humanæ miseræ fragilitatisq; consideratio. Qui cor ita habet eleuatum, accenditur igne desuper, vt & amplius charitate flagret, & terrenis cogitationibus relictis cœlestium tantum gaudiorum desiderio totus ardeat. Hoc enim se facturum Christus Dominus est pollicitus, qui ad hoc venit, vt ignem in terram mittat, qui hominum corda amore Diuino accendat & inflammet. Ac facit ille quidem hoc in multorū cordibus; cuius enim vult miseretur & quæ vult indurat, sed tamen plurimum interest qualem se quisq; ad gratiam Dei acceptandam præbeat. Verissimum namq; illud est, qui creare nos potuit sine nobis, saluare nos absq; nobis non potest. Debemus igitur ipsimet nobis attendere, vt quàm maxime possumus ad deuotionem animos componamus, & cum maximo desiderio illam quæramus. Si quæserimus eam inueniemus. Hæc enim est illa sapientia de qua scriptum legimus, quòd facile videtur ab his qui diligunt eam, & inuenitur ab his qui quærunt illam. Præoccupat QUI se CONCVPISCUNT, vt illis se prior offendant. Quoniam dignos se ipsa circuit quærens, in vijs se illis ostendit hilariter, & in omni prouidentia occurrit illis: cuius sanè rei in duobus his discipulis euident ostenditur exemplum. Nò solum mentem ad deuotionem compositam, sed linguam etiam ipsam ad id accommodatam habebant. Præsto igitur affuit illis Christus; ignem immisit, oculos aperuit, scripturas referauit, cor eorum ita succendit, vt ad inuicem, dicere, & apertè fateri non erubescerent illud; Nonne cor ardens erat in nobis, dum loqueretur in via? Ecce quid sanctum desiderium efficiat in hominibus attende; quid istius sanctæ disci-

Luc. 12.

Rom. 9.

Sap. 9.

Luc. 24.

plina concupiscentia præstet, vide. Concupiscamus igitur & nos Dominum, & ardebit cor nostrum: eleuemus illud, & non putrescet. Frumentum, inquit Augustinus, si haberes in inferioribus, ne putresceret, leuares ad superiora. Frumento tuo quæris mutare locum, & cor permittis in terra putrescere? Et vnde, inquis, possum, qui funes, quæ machinæ, quæ scilicet opus sunt? Gradus affectus sunt; iter tuum voluntas tua est. Amando ascendis, negligendo descendis. Stans in terra, in cælo es si diligas Deum. Non enim sic leuatur quomodo leuatur corpus. Corpus vt leuetur locum mutat, cor vt eleuetur voluntatem mutat. Mutemus itaq; voluntatem: non transitoria sed æterna cogitemus; non terrena sed cœlestia quæramus. Deum solum diligere studeamus, quem si dilexerimus, legem illius custodiemus. Custoditio autem legum, consummatio incorruptionis est: incorruptio autem facit esse proximum Deo. Concupiscentia itaq; sapientiæ, concupiscentia deuotionis (cui qui vacat sapientiæ vacat) deducit ad Regnum perpetuum. Discamus igitur ita sapere, vt regnemus, discamus ita viuere, vt in Cœlesti patria perpetuo viuere possimus.

In Psal. 85.

Prou. 6.

Prou. 9.

Deus patrum nostrorum & Dñe misericordiæ qui fecisti omnia verbo tuo, & sapientia tua constituisti hominem, vt dominaretur Creaturæ quæ à te facta est, da nobis sedium tuarum assistricem Sapientiam, vt non aliud quàm te concupiscamus, non aliud quàm te quæramus & inueniamus. Mane nobiscum Domine, quando deuotio in nobis versperascit: mane, quando dies meditationū spiritualium, quæ mentes illustrant, inclinatur. Si enim nobiscum manseris, cū lux sis mundi, tenebræ nos non oppriment, vitiorum nox non obscurabit, tenebrarum principes non præualebunt. Vt renes delectationum nostrarum, vt cor mentemq; cogitationum nostrarum igne verbi tui, calore, spiritus tui, vt ne malis delectemur, ne mala loquamur, cogitemus. Mentem ad te nostras eleua, vt in hac lachrymarū valle positi cor sursum semper habeamus, in carne constituti spiritu ambu-

lemus, in stadio ad brauium gloriæ cœlestis currere contendamus.

THOMÆ DVBITATIO.



Veritas dubia fide.

Hom. 26.
In Eang.

Tract. 121
in Ioann.

Sanctos & electos Dei, si quando labi contigit, nostra potissimum id causa fieri, credere debemus: quod vel in illa Thomæ de Christo suscitato, dubitatione videre est. Egit enim, vt scribit Gregorius, miro modo Diuina Clementia, vt discipulus dubitans dum in Magistro sua vulnera palparet carnis, in nobis sanaret vulnera infidelitatis. Plus enim nobis Thomæ infidelitas ad fidem, quam fides discipulorum credentium profuit: quia dum ille ad fidem palpando reducitur, nostra mens, omni dubitatione postposita in fide solidatur. Videbat igitur, inquit Augustinus, tangebaturq; Thomas hominem, & confitebatur Deum quem non videbat, neq; tangebatur. Sed per hoc quod videbat atq; tangebatur, illud iam remota dubitatione credebat. Porro mystice per digitum discretio, per manus autem opus nostrum designatur. Digitum

ergo

ergo & manum in latus Christi mittere, est totum id, quicquid in nobis discretionis & operis fuerit in laudem & gloriam Christi saluatoris conuertere: vt in omnibus actionibus nostris, non aliud nobis magis propositum esse debeat, quam vt per attractum lateris Christi, per passionem & vulnere eius assiduam meditationem, ipsius omnipotentiam & Diuinitatem agnoscamus, illud cum Apostolo Thoma non iam incredulo sed fideli, subinde ingeminantes; Dominus meus & Deus meus. &c. Cæterum quum nomen Thomæ, abyssum propriè significet, in abyfso verò profunditas quædam & obscuritas reperitur: possumus quoq; per Thomam & obscuritatem infidelitatis, quam ex se habuit, intelligere, & abyfsum quoq; profunditatis misericordiam, quam habuit à Christo; vt de illo scriptum in Psalmo esse videatur. Abyfsum profunditatis scilicet Christus, Abyfsum obscuritatis scilicet Thomam inuocat miserando; & Abyfsum obstinationis scilicet Thomas, Abyfsum profunditatis scilicet Christum, inuocat confitendo;

Abyfsum abyfsum inuocat.

Psal. 41.



Quemadmodum Apostolum Thomam post Sanctissimo-
 rum vulnere contrectationem, Christum *IESVM*
 non solum Dominum, verum & Deum confitentem & agno-
 scientem audientes, humanitatem & Diuinitatem saluatoris
 itidem confiteri & agnoscere debemus, ita animi illius affe-
 ctum, quem tunc habuit, quando discipulis Dominum se
 vldisse asserentibus, nisi videret in manibus eius fixuram cla-
 uorum, & mitteret manum suam in latus eius credere noluit,
 fugere meminimus. Nulla enim res æque periculosa
 est, quam si quis nihil admittere velit, nisi quod proprio iu-
 dicio rationiq; suæ consentaneum esse putat. Quod vitium
 effugere qui volet, infirmitatis propriæ memor seipsum co-
 gnoscere & considerare, quæ summa prudentia est, debet,
 atq; ita facile perspiciet, quantum alijs quantum sibi met
 tribuendam sit, & ab omni temeritate, opinionumq; cum veri-
 tate pugnantium diuersitate dimouebitur. Eam igitur sui
 cognitionem per arcam oculos intus defixos habentem, cum
 inscriptione *IPSI NOSMET* in Symbolo expressimus, vt ho-
 mo Christianus antequam iudicium aliqua de re proferat,
 semetipsum diligenter introspicere debere intelligat. Arcam
 etenim cor est hominis, in quo quid lateat, post Deum ne-
 mo scire melius potest, quam ipsemet homo. In hanc igitur
 arcam cordis, qui oculos intentos habuerit, illud assequetur,
 vt propriorum defectuum consideratione, nõ solum a teme-
 rario iudicio amoueat, sed ad veritatis cognitionem inda-
 gandam, & vberiore virtutis fructum producendum, inci-
 tetur ac propellatur. Quod etiam videns Apostolus, horti-
 ri Corinthios non dubitauit, vt semetipsos considerarent in-
 quiens. Vosmetipsos tentate si estis in fide; ipsi vos probate.
 An non cognoscitis vosmetipsos, quia Christus in vobis est;
 nisi fortè reprobis estis. Antequam igitur aliquid agamus, ad
 arcam cordis nostri recurrendum & diligentius consideran-
 dum est; num Christus in nobis sit, nõ id quod agimus Chri-
 sto placere, num diuinæ ipsius voluntati consentaneum vi-
 deri possit. Si quid secus à nobis sit, reprobis sumus, & nos-

2. Cor; 13.

meripfos

metipſos non tentamus, non probamus, non cognoſcimus; atq; ita in peccatum cum Thoma prolabimur, à quo munda-
 ri, non niſi per vulnerum Chriſti contrectationem, paſſionis
 videlicet illius meritum, & pœnitentiam poterimus. Cæte-
 rum antequam ad cognitionem noſtri perueniamus, tres gra-
 dus aſcendere nos iubet Auguſtinus: In primo inquit, a-
 ſcendimus ab iſtis exterioribus et inferioribus ad nos; in ſe-
 cundo aſcendimus ad cor altum. Quanto nanq; amplius pro-
 ficimus, tanto amplius aſcendimus. Qui enim non aſcendit,
 deſcendit; & qui non proficit, deſicit. In tertio aſcenſu, aſcē-
 dimus ad Deum. Primus aſcenſus fit conſideratione mundi
 & contemptu, Secundus aſcenſus fit cognitione & contem-
 ptu noſtri. Tertius aſcēſus fit, cognitione & amore Dei. Tres
 itaq; gradus hos aſcendere ſeſtinemus omnes; in quo aſcenſu
 tantò minus grauari nos intelligamus, quantò pulchriores
 in arca illa, in cognitione ſui theſauros eſſe reſpoſitos animad-
 uertimus. Conſideremus quàm caduca & tranſitoria ſint iſti-
 us mundi gaudia, & aſcendimus vnum grad ū: conſideremus
 quàm proni ad malum, quàm tardi ad bonum ſimus, &
 aſcendimus alium gradum: conſideremus quanta ſit ſapientia,
 potentia & bonitas Dei, conſiderantes autem amore illi-
 us accendamus, & aſcendimus vltimum gradum, in quo con-
 ſtituti facile videbimus & agnoſcemus arcam cordis noſtri,
 nos ipſos ſcilicet, quid natura; qui perſona, quales in vita &
 moribus ſimus. Aperientur oculi noſtri, vt videre poſſimus,
 quid nobis deſit, quid adſit: videntes curabimus, vt ſi quid
 boni habemus, id ne per incuriam amittamus: quo caremus
 id per orationes aſſequi ſtudeamus. Attendamus itaq; nobis,
 & in alienis rebus, quæ merito reprehenditur ab omnibus
 curioſitate relictæ, conſcientiæ noſtræ arcam diligentius in-
 tueamur, odorè virtutum an vitiorum fœtore ſit reſerta,
 deq; illa purè conſeruanda ſolliciti, Dominum rogemus, vt
 nos in omni opere bono confirmet, à vitijs autem cuſtodiat
 ac præſeruet:

Domine qui de cælo reſpiciens vides omnes filios homi-
 num, ante quem omne deſiderium noſtrum & gemitus no-
 ſter

*Li. de Spū.
 & anima
 cap. 52.*

*Pſalm. 32.
 & 37.*


Psal. 2.5.

Psal. 2.2.

1. Cor; 15.

ster à quo non est absconditus, ea nobis tuæ gratiæ munera largire, per quæ nosmetipfos cognoscere, infirmitateq; proprias considerare possimus. Da vt nos cognoscamus quales simus ad malum, quales simus ad bonum. Et quoniam adeo sumus procliuēs ad malum, vt nisi tu nos adiuues, in omne vitium præcipitemur, Dñe, misericordia tua sit ante oculos nostros, quæ nos custodiat, & misericordia tua subsequatur nos, quæ nos erigat. Inualidi sumus ad bonum, Gratia igitur tua in nobis vacua nõ sit, gratia tua maneat in nobis, vt quod sumus, gratia tua simus. Scimus neminem absq; sui cognitione saluari posse. eam itaq; virtutem nobis infunde, quæ mentem purificet, affectus regat, actus dirigat, corrigat excessus, componat mores, vitam honestet & ordinet, eamq; rerum diuinarum & humanarum nobis scientiã subministret, vt præter te nihil desideremus, præter cœlestem gloriam nihil hic quæramus & concupiscamus.

PETRI PRIMATVS.



Tot pondera vertens.

Quas Regni Cœlestis claves Christus se Petro daturum ante passionem suam fuerat pollicitus, eas cum in Cruce fabricasset, à morte suscitatus, illo ipso tempore tradidit, quo ter iteratis vocibus pascendas illi suas oues commisit. Equum quippe fuerat, ut cui tot ouium pascendarum cura & sollicitudo incumberebat, is claves etiam haberet quibus oues à lupis infestatas in vnus ouilis custodia claudere, infestas verò à reliquarum consortio separare posset. Istud itaq; ouile, Ecclesia est in terris militans, quæ Petro & visibili ipsius in terris Vicario Romano scilicet Pontifici, sub inuisibili pastore Christo subest: illius vocem, Christi vocem esse certò persuasum habet, & eius dicto se in omnibus audientem præbet. Per claves autem ligandarum & soluendarum animarum potestas intelligitur, quæ iam latè patet, ut non terræ tantum sed cœli quoq; ipsius amplissimis terminis circumscribatur: nec est quod quisquam arbitretur, se cœlestes illas in domos posse ingredi, nisi clauium Petri beneficio, ad tantam felicitatem aditus illi fuerit patefactus. Ad vnus enim Petri & legitimorum illius successorum arbitriū collata hic sunt omnia: ut & peccatorum vinculis astrictos, quos ex animo facti pœniteret, soluere & illos qui gratiam Dei contemnentes, post concupiscentias suas temere feruntur, ligare, eoque priorum cœtu procul eiecere possint. Atq; hoc quidè est claudere & aperire Cœlos: cuius rei officium penes Petrum tantum eiusq; vicarium Christus ideo voluit esse, ut si fortè inter se membra Ecclesiæ de rebus fidèi dissentire contingerit, ad vnum visibilem & supremum in terris Iudicem recurrerent: qui cum, pro ea quæ à Christo accepit auctoritate, errare nunquam possit, dissentientium animos charitatis & vnitatis vinculo sic astringat, ut nulla inter eos schismata, nullæ sint dissensiones, sed perpetua pax, & vna eademq; religio conferuetur ab omnibus. Magna sanè petræ illius super quam ædificata est Ecclesia, hinc videtur potestas, ut eius iudicia, quasi Deo per eam, iudicante, firma sint: magna clauium etiam vis quæ Isaiam non latuit, dum in persona Christi loqueretur;

Matt. 16.

Ioan. 21.

Et

Isaia 22.

Et dabo clauem domus David super humerum eius: & aperiet, & non erit qui claudat, & claudet, & non erit qui aperiat.



Ecclesiae unitatem, & concordem de rebus fidei consensum: quam charam Christus habeat, vel hinc videre licet quod post gloriosam resurrectionem suam in caelos ascensurus Principi Apostolorum Petro terna voce pascendas oues suas commisit; in Petro autem omnibus illis, quos ab illo per continuam temporum sibi succedentium seriem, descendentes, visibiles in terris istius ouilis pastores constituit & ordinat. Videbat enim bonus ille pastor unitatem in Ecclesia sua aliter non posse retineri, nisi vnus aliquis esset in terris, ad quem omne de rebus fidei iudicium spectaret, qui clauis ligandi & soluendi haberet, qui visibilem hunc Dei viuientis exercitum, visibiliter regeret & gubernaret. Quoniam autem onus hoc maius esse Christus perspiciebat, quam vt ei ferendo homines pares esse possent, ipse se praesto

promissu-

semper illis adfuturum, spiritumq; paraclitum eis missurum promisit, cuius præsentia errores omnes declinare, veritatē religionis retinere, vnitatem fidei perpetuò conseruare valent. Hinc illa Christi oratio, qua pro Petro se rogasse testatur, *VT NON DEFICIAT* fides ipsius, vt aliquando conuersus confirmet fratres suos. Rogauit Christus & exauditus est pro euerentia sua. Fides petri non defecit, nullis persecutionū fulminibus concuti, nullis Hæreticorum machinationibus labefactari potuit. Manet Ecclesiæ vnitatis pro qua tam ardentè Christus orauit, eadem illa est quæ fuit à principio. Propter vnitatem Ecclesiæ, vna Ecclesia, inquit Augustinus; vna est columba mea, vna est matris suæ. Propter congregationes fraternas per loca, multæ sunt Ecclesiæ. Vna igitur manet Ecclesia, quia ab vno pastore inuisibili in cœlis; ab vno pastore visibili regitur in terris. Vna cum sit, & vnitatis vinculo contineatur, dissensionibus non scinditur, erroribus non diuiditur, hæresibus in se non disseccatur. Pulchrè Ambrosius Ecclesiam currum Dei vocat, quæ regēda est gubernaculis Christi, ne diuersorum populorum motus eam dissensionēq; perturbent. Hoc ductore & rectore currus iste delecta via declinare nō potest, vt ei tutò insidere quilibet possit, qui ad Cœlestem patriam peruenire desiderat: extra hunc (vnus enim est) qui alios quærit interitum quærit; & quandoquidem cum Pharaone gentem electam persequitur, obruent illum aquæ maris, & viuens descendet in infernum. Qualis autem currus sit Ecclesia explicat Gregorius; Plaustrum, inquit, nomine, vniuersa simul sancta Ecclesia, aut vniquæq; cuiusq; fidelis anima designatur. Cuius profectò plaustrum rotæ sunt vtrumq; testamentum. Nam dum Sancta Ecclesia vel electa quælibet mens per vetus & nouum testamentum instructa ad æternam vitam nititur, quasi sublimibus prælata rotis ad propositum locum per altum fertur. Instruimur per vetus testamentum vt confiteamur Domino in Ecclesia magna, in populo graui laudemus eum. Instruimur & per nouum testamentum, vt audiamus Ecclesiam, quam qui

Luc. 22.

Ioan. 17.

In Psal. 141.

Cantic. 6.

in Psal. 118

Lib. 3. in

I. Reg. c. 6.

Psal. 34.

Matt. 18.

non audiuerit, esse nobis debet, tanquam Ethnicus & publicanus. Si igitur his veteris & noui testamenti præceptis obtemperamus, rotis infidemus, curru vehimur, Ecclesiæ firmiter adherentes ad montem beatitudinis æternæ deducimur. Sin Ecclesiam contempnimus, & diuersas ab illa nobis opiniones eligimus, nostrôq; plus quàm illius iudicio tribuimus, curru illo non vehimur, at erramus vehementer in via. Tutissimum ergo fuerit, in omnibus Ecclesiæ iudicium sequi, si quis contra Dei præceptum venire non vult; eius deceris & placitis adherere qui pro Ethnico & publicano haberi timeret. Non enim omnes esse debent pastores: non omnes doctores, non Apostoli, Prophetæ, & Euangelistæ omnes, vt suo arbitratu quilibet credat, & in causis fidei proprium iudicium sequatur: cum hoc esset ordinem confundere vnitatemq; scindere: sunt gradus in Ecclesia, distincta sunt in hoc curru loca, vocationes diuersæ diuersas habent sedes: quæ vni ad extremum illi cathedræ vnitatis, in qua Deus posuit doctrinam veritatis, subsunt; eamq; tanquam magistram & ducem, in ijs quæ ad Deum pertinent sequuntur. Hæc autem est Sancta Romana Ecclesia; cuius fides Apostolico ore laudatur: quæ legitimam Pastorem Christi Vicarium Petriq; successorem singulari gratiæ Diuinæ privilegio sortita mater est Ecclesiarum omnium per vniuersum orbem Christianum constitutarum. Supra hanc qui se extollit, quandoquidem super Deum ipsum, qui rector illius est, sese extollit, corruet; & de curru hoc excussus in foueam interitus æterni præcipitabitur.

Ephes. 4.

Rom. 1-

Psal. 136.

Mich. 4.

1. Par. 16.

Domine qui dispersiones congregas, & quos eieceras colligis, salua nos Deus Saluator noster & cõgrega nos, & erue de gentibus, vt quos rotius diuisionis & dissensionis auctor Diabolus ab vnitatem tuæ sacrosanctæ fidei incautos abduxit ij ad Ecclesiæ vnitatem reuersi, nobiscum confiteatur nomini sancto tuo, & exultent in carminib; tuis. Cõgrega claudicantem populum illū, qui post alienos Deos, quos nō coluerunt Patres eorum abeundo, claudicauit à semitis suis, modoq; in

hanc

hanc modo in illam perfidiam transiuit. Aperi oculos illorū, vt quibus in tenebris versentur videant, quā errauerint ab vtero matris Ecclesiæ, quā falsa pro veris locuti sint, intelligant. Collige eos, qui cum semetiplos eiecissent, & ab Ecclesia tua nefariè præcidissent, tu eos quoq; eiecisti à te & tradidisti in desideria cordis eorū: collige igitur eos, vt ad vnū ouile redeant. Nos autem qui in vera sanctissimæ tuæ fidei confessione persistimus, corrobora, & erue à gentibus quæ te non nouerunt, vt vnum omnes effecti, à timoreq; inimicorum nostrorum liberati, securi tibi seruiamus.

Psal. 57.

ASCENSIO.

*Redit maiore triumpho.*

Ascensionis Dominicæ triumphus, & ipsi Christo gloriosus, & nobis non solum utilis, sed & necessarius fuit.

77. 109

Nec enim quicquam magis gloriosum cogitari potuit, quã quod super excelsa Cœli, terrenum corpus impositum, ossa intra sepulchri angustias paulò antè conclusa, Angelorum cœtibus illata: in gremium immortalitatis natura mortalis est transfusa. Nobis verò illud cum primis fuerat necessarium vt diuinitati vnita humanitas viam nobis in Cœlum patefaceret, eoq; præcederet, quò corpora quoq; nostra post mortem peruentura credimus. Ad id autem consequendum vile nobis exemplum in Saluatoris ascensione proponitur. Què admodum enim cum Christo, vt scribit Augustinus, non ascendit superbia, non auaritia, non luxuria, nullum vitium ascendit cum medico nostro: ita & nos si post medicum desideramus ascendere, debemus, vitia & peccata deponere. Elaboremus vt quemadmodum Dominus nostro cum corpore ad superna conscendit: ita nos post illum quo modo possumus, spe ascendamus & corde sequamur. Ipso affectu pariter & profectu ascendamus post illum, etiam per vitia ac passiones nostras, si utiq; vnusquisq; nostrũ subdere eas sibi studeat, ac super eas stare consueat, ex ipsis sibi gradum construit, quo possit ad superiora, conscendere. Eleuabunt nos si fuerint infra nos. De vitijs nostris scalam nobis facimus, si vitia ipsa calcamus. Figura Ascensionis Christi præcessit & in Helia, qui per turbinem in cœlum ascendit; & in Raphael Angelo; qui posteaquam se quisnam esset manifestauit, vtrunq; Tobiam verbis his compellasse scribitur;

Serm. 175.
de Temp.

Ibid Serm
176.

4. Reg. 2.

Tob. 12.

Tempus est vt reuertar ad eum qui me misit vos autem benedicite Deum, & narrate omnia mirabilia eius. Et cùm hac dixisset, ablatu: est, & ultra eum videre non potuerunt.





ET si in omnia Christi Saluatoris acta dictaq; mentis nostræ oculos intentos habere debemus, ascensionis tamē illius triumphy tanto frequentius memoria repetendus est, quanto pulchrius esse iudicamus eō ingredi quod caput nostrum præcessit, ea gloria beatitudinēq; potiri, qualis in ingressu magistri, discipulis eius affulsit. Christum igitur cœlos ascendentem, & à terris eleuatum cogitantes, à terrenis nos primum eleuari oportere discamus, vt iam nil carnale nil mundanum sapiamus. Quam ad rem scala nobis est necessaria, cuius extrema pars mundum (qui specie meretricis instar ad decipiendos homines accommodatæ pulcher videtur, re autem ipsa venenoso serpente plus suis amatoribus adfert exitij) premat, suprema solem beatitudinis Christum, cœlorumq; gaudia seruetur & attingat, Eam autem quatuor gradus habere scribit Augustinus, lectionem videlicet meditationem, Orationem & Contemplationē. Lectio prout ipse declarat, inquit, meditatio inuenit, Oratio postulat, Contemplatio degustat. Vnde ipse Dominus dicit, Quæ-

*In lib. de
scala para-
disi cap. 1.*

rite & inuenietis, pulsate & aperietur vobis. Quærite legendo, & inuenietis meditando, pulsate orando, & aperietur vobis contemplando. Lectio sine meditatione arida est, meditatio sine lectione erronea est. Oratio sine meditatione est tepida, meditatio sine oratione infructuosa. Oratio cum deuotione contemplationis est acquisitiua. Contemplationis adeptio sine oratione, aut rara aut miraculosa. Sunt autem quatuor causæ quæ retrahunt nos plerunq̄ue ab istis gradibus, scilicet inuitabilis necessitas, honestæ actionis utilitas, humana infirmitas, mūdialis vanitas. Prima excusabilis, secūda tolerabilis, tertia miserabilis, quarta culpabilis. Cur culpabilis? Illis enim quos eiusmodi causa à Sancto proposito retrahit, melius erat gloriam Dei non cognoscere, quàm post agnitam retroire. Hæc sanctus ille pater Augustinus de scala ista Paradisi, per quam animo in terris, datur accessus ad degustandam suauitatem in cælis, quæ quantam adferat voluntatem illi norunt, qui se suaq̄; omnia Domino tradiderunt voluntati propriæ renunciarunt, beatissimam à strepitu mūdano seiuncti vitam instituunt, & scalæ istius gradus calcantes cum carne, mundo & diabolo grauissimum certamen sustinent, quos quantò beatiore intelligimus, tanto maiore studio contendendum est omnibus, qui piè in sæculo viuere volunt, vt quàm proximè ad hæc tam Sancta exercitia, quæ magis ad perfectionem tendunt, accedant. Quorum tamen id conditio, (vt diuersæ sunt hominum in Ecclesia Dei vocationes, quæ ad vnum nihilominus finem diriguntur omnes,) non permittit, Christum in cælos ascendentem per pœnitentiæ gradus sequi totis viribus contédant & elaborent, seduloq̄; provideant, vt blandas mundi huius illecebras negligant, proterant, & conculcent. Hi sunt gradus quibus itur ad astra, hæc scala est, qua ad æternæ lucis claritatem homines ascendunt; cuius latera corpus istud est & anima, in quibus compunctionem cordis, oris confessionem, & operis satisfactionem figentes, ascensum nobis ad superna præparamus. Euigilet igitur vnusquisq̄; nostrū, diligenterq̄; seipsum

consideret,

Accinge infirmos robore, quo hostis inuisibilis ferociam superare, carnis superbiam domare, mundanarū delectationū vanitatem conculcare possint, vt talibus trophæis ornati per virtutum gradus eò valeant ascendere, vbi tu cum Filio spirituq; sancto regnas in sæcula sæculorum.

SPIRITVS SANCTI MISSIO.



Et fatur & vrit.

Qvandoquidem multa Christus Apostolis dixerat, quæ vt tunc erant imbecilles, eorum animi capere non poterant, Spiritum Sanctum post suam in Cælos ascensionem se illis missurum est pollicitus: qui & omnem veritatem eos doceret, & ad Christi fidem vbiq; disseminandam fortes & animosos redderet. Illis ergo post ascensionem Dñi pariter in eodem loco congregatis, factus est repente de cælo sonus, tanquam aduenientis spiritus vehementis, & repleuit totā domum vbi erant sedentes. Et apparuerunt eis dispersitæ lin-

Matt. 14.

Actor. 2.

gua

guæ tanquam ignis, seditq; supra singulos eorum, & repleti sunt omnes spiritu sancto, & cœperunt loqui varijs linguis. Quæ scripturæ verba cum quodam loco produxisset Augustinus; Flatus inquit, ille, à carnali palea corda mundabat: ignis ille scœnum veteris concupiscentiæ consumebar: linguæ illæ quibus loquebatur à spiritu sancto impleri per omnium gentium linguas futuram Ecclesiam designabant. Sicut enim post diluuium impietas superbia hominum turrim contra Dominum ædificauit excessam, quando per linguas diuersas diuidi meruit genus humanum, vt vnaquæque gens lingua propria loqueretur ne ab alijs intelligeretur, sic humilis fidelium pietas earum linguarum diuersitate Ecclesiæ contulit vnitatem, vt quod discordia dissipauerat colligeret charitas, & humani generis tanquã vnus corporis membra dispersa ad vnum caput Christum compaginata redigeret, & in sancti corporis vnitatem dilectionis igne conflaret. Ab hoc itaq; dono Spiritus sancti prorsus alieni sunt, qui odunt gratiã, qui societatem non retinent vnitatis, Gregorius autem Pontifex Spiritum sanctum ideo scribit in igne apparuisse quia ab omni corde quod replet torporem frigoris excutit, & hoc in desiderio suæ æternitatis accendit. In igne autem linguis monstratus est, quia idem spiritus coæternus est filio, & habet cognationem maximam lingua cum verbo. Verbum quippe patris est filius: & quia vna est spiritus & verbum substantia, idem spiritus monstrari debuit in lingua vel certe quia per linguam procedit verbum in linguis apparuit spiritus; quia quisquis sancto spiritu tãgitur, Dei verbum, id est vnigenitum Dei filium confiteretur. & negare Dei verbum non valet, quia iam sancti spiritus linguam habet. Vel certe in linguis igneis spiritus apparuit, quia omnes quos repleuerit, ardentes pariter & loquẽtes facit. Linguas igneas Doctores habent, quia cum Deum amando prædicant, corda audientium inflammant spiritus sancti missionem à Ioele prædicam legimus;

*Serm. 187
de Temp.*

Genes. 11.

*In Homil.
sup. si quis
diligit.*

*Effundam Spiritum meum super omnem
carnem & prophetabūt filij vestri & filia, &c.*



Quandoquidem virtutes omnes & reliqua Spiritus sancti dona, sine Charitate non quidem nihil sunt, sed hominibus nihil profunt, ideo sub finem Charitatis symbolum, ad quod omnia sunt referenda putauimus adijciendum, quā virtutem qui habet, perfectum Spiritus sancti donum habere credendus est. Ea igitur cū certissima sit morum & vitæ Christianæ regula, perpendicularo non incongruè potest assimilari. Quemadmodum enim instrumento illo, rectitudinē vel obliquitatem operis prudens architectus dijudicat, ita ad Charitatis normam Christianus homo, qui spiritualis ædificij fabricam ex omni virtutum genere cupit erigere, actiones suas omnes diligentissimè perpēdere atq; examinare debet; vt quid cum illa conueniat, quid non, videat, videns Charitati contraria fugiat, illi consentanea amplectatur. Quod si fecerit in ædificando nunquam poterit errare. Duo autem habet hoc Charitatis perpendicularum latera, quorum vnum

ad

ad Dei alterum ad amorem proximi pertinet. Vtraq; ita sibi cohaerent, vt in aedificio spirituali, si quis vtraq; secutus non fuerit, inaequalitate compaginum molem vniuersam non solum deturpet, sed etiam plane dissoluat. Amandus est Deus, amandus est & proximus. Num autem Deum amare videtur is qui proximum odit? Num proximum diligit ille, qui Deum non diligit? Clara sunt illa Ioannis Apostoli verba; Si quis dixerit quoniam diligo Deum, & fratrem suum oderit, mendax est. Qui enim non diligit fratrem suum quem videt, Deum quem non videt, quomodo potest diligere? Conueniant latera perpendiculari necesse est: amor Dei & proximi simul retinendus est illi, qui Coeleste aedificium construere, & legem implere desiderat. In hoc enim vnico verbo Dilige, legem quae in duabus tabulis lapideis digito Dei scripta est, & Prophas omnes pedere Saluator ipse testatur: eius mentem Apostolus Paulus explicans, posteaquam varia Charitatis encomia enumerando recensuisset, OMNIA inquit SUSTINET. Sustinet legem & Prophas, sustinet omnia praecipua quam consilia Diuina. Sustinet mala, fortiter aduersa quaeq; propter iustitiam supportando: Sustinet bona, diligenter in humilitatis custodia gratiarum dona conferuando: Sustinet dulcia, cum gaudentibus gaudento, nec se de prosperis extollendo. Verba Dei audit & custodit, Fidem auget, Veritatem in omnibus retinet, continentiam amat, puritatem mentis seruat, mundum temnit, patientiam diligit, sancta Conuersatione gaudet, Humilitatem amplectitur, semper in melius proficit, tentationes vincit, gratitudinis nunquam obliuiscitur, salutis maximam curam gerit, scripturas scrutatur. Paenitentia delectatur, Coelestia concupiscit, terrenis non implicatur, conscientiam regit, admonitiones amplectitur, opera bona exercet, tribulationibus proficit, semper laetatur, semper timet, semper amat, Deum sequitur, oratione excitatur, a malis abstinet, mansuetudinem sectatur, sinceritatem

I. Ioan. 4.

I. Cor. 13.

tem colit, gratiarum munera conquirat, religionem tuetur, superioribus obedit, spe roboratur, innocentia pollet, libertatem conseruat, carnem macerat, ambitione non mouetur, misericors est, à iustitia non recedit, fortiter dimicat, desideria carnis non perficit, Concordiæ studet, compunctiõni inuigilat, Contemplationi vacat, immortalitatem concupiscit, Vigilans est, Deuota, Noscit seipsam, vnitati constanter adhæret, & vt paucis omnia comprehendam, per omnes virtutum gradus à terris ad cælestia eleuatur. Omnia igitur sustinet, vt vides, charitas: omnia bona continet in se, Tene illam & in ea omnem inuenies scientiam Quæ ideo laudata nobis placere debet, vt seruetur, ideo commédatur amari, vt exerceatur. Ad tantæ virtutis igitur amorem excitemur omnes. Nihil nobis durum, nihil hic difficile præcipitur. Amare iubemur, quod natura ipsa cum primis suaue & iucundum esse dicat. At quem amare? Amare Deum qui prior amauit nos; amare proximum qui caro nostra est. Amare Deum qui summa bonitas & pulchritudo est, amare proximum qui imago Dei est. Amare Deum ex toto corde ex tota anima: amare proximum sicut seipsum. Te ipsum utiq; non amas, qui Deum & proximum non amas. Si autem te non amas, quid, o homo te crudelius cogitari, quid ferocius reperiri potest? An illud non legisti? Nemo carnem suam odio habet. Carnem tuam odio habere videris, cum animam negligis, qua neglecta carnem ad æternum interitum deducis. Animam negligis, qua neglecta carnem ad æternum interitum deducit. Animam negligis si legem non implet: legem non implet, si charitatẽ quæ finis est legis non habes. Vt igitur te ipsum diligere scias, charitas est tibi habenda, quam tamdiu habere non poteris, quam diu cupiditatem inordinatam retinueris. Radix est omnium bonorum Charitas, inquit Augustinus, & radix omnium malorum est Cupiditas. Et simul ambæ esse non possunt. Quia nisi vna radicibus euulsa non fuerit, alia plantari nõ potest. Hinc cassum conatur aliquis ramos incidere, si radicem non contendit euellere. Huic itaq; Augustini consilio

Sup. Ioan.
hom. 6. de
pæn. disc. 2

acquies-

acquiescentes, diligenter solliciti simus, vt radicem Cupiditatis extirpare possimus, quò radix illa Charitatis in cordibus nostris crescat, & diffundatur per Spiritum sanctum qui tunc datur & adest nobis, quando in actionibus nostris omnibus normam illam bene viuendi retinendo, in dilectione Dei atq; proximi abundamus.

O vnice generis humani amator, **CHRISTE IESV**: qui de altissima tuæ maiestatis sede in castissimum virginis matris tabernaculum, descendens, pro ea, qua nos vsq; in finem dilexisti, charitate, carnē nostram assumpxisti, frigora, nuditatem, famem, sitim, pertulisti; probra, contumelias, sputa, flagella spinas, ipsamq; acerbissimam crucis mortem sustinisti: ad confirmandā fidem nostram à mortuis resurrexisti; ad spem roborandam cœlos ascendisti ad charitatem in nobis inflammandam Spiritum sanctum paracletum misisti: emitte nunc quoq; lucem illam tuam de alto, quæ mentium nostrorum tenebras illuminet: emitte ignem illum cœlestē, qui frigiditatem deuotionis à cordibus nostris depellat. Emitte Spiritum tuum sanctum in nos, qui carnem nostram viuificet, vt hic viuētes tibi soli seruiamus, te amemus & perpetuò laudemus. Respice Domine preces humilitatis nostræ vide infirmitatem, & laborem nostrum considera, quia absq; gratiæ tuæ donis nihil possumus. Aduua nos igitur & infirmos roborata, errantes instrue, fessos refice, pauperes Charitate dila: quā si habuerimus, nihil proficiet inimicus in nobis & filius iniquitatis nō apponet nocere nobis. O tu Consolator optime, dulcis hospes animæ, cordis mei vile tabernaculum visita, cuius præsentia mens illustretur, pectus amore Diuino saucietur, oculi dulcissimos lachrymarū fontes producant, pedes ad currendam mandatorum Dei viam feli-
nent, lumbi Castitatis Zona præcingantur, manus ad bene agendum accingantur. Si te præsentem habemus: vitam in nobis habemus si nos deseris, cū Saulo affligimur, morimur, perimus. Ne derelinquas igitur nos Dñe; ne discedat, Spiritus tuus Sanctus à nobis. Mane nobiscum, quia summa chari-

C
D
E
K
V
3
C

tas es, & manebimus in te. Si manebimus in charitate manebimus in te & tu in nobis. O verè beata domus, quæ te hospitem habet: tibi cum Maria & Martha ministrat: te in egenis cibat, verba tua audit, ad pedes tuos sedet, lachrymis eos lauat. Verè beata & gloriosa domus, quam in te homini manenti præbes: qui cum pauper sit, in tam sublime Palatium intromittitur: cum vilis & abiectus sit, tecum qui Deus immensus es habitat, & cum Angelis reliquisq; Cœli ciuibus, dulcedinis tuæ voluptate fruitur. Maneas itaq; in nobis Domine, & manebimus in te: Charitatis spiritum infunde in cordibus nostris, & diligemus te: visita nos, & videbimus te: ostende nobis faciem tuam. & inueniemus te, saluiq; erimus in Cœlestem illam patriam introeuntes, & te cum Deo Patre Spirituq; sancto laudantes & glorificantes in sæcula sæculorum,

A M E N.



detur illa tuba terribilis sonare in auribus meis, surgite mortui, venite ad iudicium. O beata recordatio, quæ peccati occasiones fugat, Diabolum confundit, vitam emendat, suspiria adducit, lachrymas pronocat, pœnitentiam auget, sancta desideria inspirat. Beatus hic timor, qui in futuro sæculo, securitatem parit, consolationes adfert, lætitia sempiterna terminatur. Beatus ergo tu quoq; eris, si te semper moriturum cogitabis quia non peccabis: beatus eris, si semper pauidus eris, quia post ab auditione mala non timebis. Beatus eris, si reipsum hic iudicaueris, quia post non iudicaberis. Hæc igitur cogitatio, semper altius animo tuo infideat, nulliusq; reipriorem rationem ducas, quàm temporis huius vsuræ, quæ quanto breuior tibi conceditur, tanto promptiorē ad omnia pietatis opera exercenda & alacriorem te præstare debebis: quandoquidem eius rei tibi sunt in Cœlis ea reposita præmia, quæ nec oculus vidit, nec auris audiuit, nec in cor hominis ascenderunt: quæ vt nobis omnibus gratia & misericordia Domini nostri IESV CHRISTI contingat assequi, supplices Diuinam illius Clementiam implorare nunquam intermittamus.



PRIOR INDEX MEDITATIONVM SYMBO-
licarum Vitæ Christi cum suis lemmatibus.

P Ræcurſor Domini.	pag. 1.	Paruulorum præſtantia.	pa. 64.
<i>Noctis tenet & conſinia lucis.</i>		<i>Vita monſtrata via.</i>	
Incarnatio Chriſti.	pag. 4.	Adulteræ liberatio.	pa. 68.
<i>Sub lege vteri ſine lege mariti.</i>		<i>Thalamis deſponſa pudicis.</i>	
Natiuitas.	pag. 7.	Languidi curatio.	pa. 72.
<i>Nigras diſcutit umbras.</i>		<i>Vita reſeruat poſtere.</i>	
Circumciſio.	pa. 10.	Cæci nati illuminatio.	pa. 77.
<i>Legem lege reſoluit.</i>		<i>Spiritus ne carnea diſſent.</i>	
Apparitió.	pa. 13.	Lazarí reſuſcitatio.	pa. 81.
<i>Coeunt hoc federe gentis.</i>		<i>In priſtina reddo.</i>	
Fuga in Ægyptum.	pa. 17.	Ingreſſus Hieroſoly mæ.	pa. 86.
<i>Mibi peruia tellus.</i>		<i>Tales in bella venimus.</i>	
Infanticidium.	pa. 20.	Templi repurgatio.	pa. 91.
<i>Flos ſuccifus aratro.</i>		<i>Procul eſte profani.</i>	
Doctrina.	pa. 24.	Cæna ſuprema.	pa. 96.
<i>Hoc rigante virebo.</i>		<i>Angelus hoc & homo.</i>	
Baptiſmus Chriſti.	pa. 28.	Lotio pedum.	p. 102.
<i>Sic naſcimur aſtris.</i>		<i>Seruilia ſoluit.</i>	
Aquæ in vinum mutatio.	pa. 32.	Confortatio in horto.	p. 108.
<i>Hic fontes Deus ipſe nouos.</i>		<i>Alieno laſſus aratro.</i>	
Tentatio.	e. 36.	Iudæorum caſus.	p. 112.
<i>Exacto certamine victor.</i>		<i>Quis obuiam auſit ire.</i>	
Leproſi Samaritani mūdatio.	pa. 40.	Iudæ oſculum.	p. 116.
<i>Hoc gratia ſuadet.</i>		<i>Ad vtrumq; paratus.</i>	
Dæmonū in porcos expulſio.	pa. 44.	Teſtimonia falſa.	p. 122.
<i>Quo ducit quemq; voluptas.</i>		<i>Vis neſcira vinci.</i>	
Panis multiplicatio.	pa. 48.	Percuſſio.	p. 127.
<i>Sufficient lenire famem.</i>		<i>Vſq; adeo furor inſanit.</i>	
Magdalenz pœnitentia.	pa. 52.	Petri negatio.	p. 131.
<i>Iuuat vſq; morari.</i>		<i>Vt vigilent alij.</i>	
Transfiguratio.	pa. 59.	Chriſti ad Pilatū adductio.	p. 138.
<i>Nouitate extruſa vetuſtas.</i>		<i>Vertit in rem gloriæ.</i>	

I N D E X.

<p>Iudæ suspendium. p.142. <i>Scelus sceleris ingerit.</i> Christi ad Herodem taciturnitas. p.147. <i>Muta libertas.</i> Barrabæ cum Iesu collatio. p.152. <i>Vage rerum vices.</i> Flagellatio. p.157. <i>Non leui motu.</i> Coronatio. p.161. <i>Regium capiti decus.</i> Christi coronati præsentatio p.165 <i>Factorem noscite vestrum:</i> Sententia mortis. p.170. <i>Sententia discors.</i> Crucis baiulatio. p.174 <i>Hæc tataracula nudis.</i> Christi mors in Cruce. p.178 <i>Stillauit roribus arbor.</i> Vestigium diuinitio. p.183.</p>	<p>p.142. p.147. p.152. p.157. p.161. p.165 p.170. p.174 p.178 p.183.</p>	<p><i>Vi vestiatur omnes.</i> Tenebræ. p.182. <i>Hæc violentia celo.</i> Sepultura. p.193. <i>Mors deuicta iacet.</i> Resurrectio. p.197. <i>Subiugatis hostibus.</i> Magdalenæ Zelus. p.202. <i>Ne credentibus obster.</i> Manifestatio in Emaus. p.206. <i>Res edocet latentem.</i> Thomæ dubitatio. p.212. <i>Veritas dubia fide.</i> Petri Primatus. p.216 <i>Tor pondera vertens.</i> Ascensio. p.221. <i>Redit maiore triumpho.</i> Spiritus sancti missio. p.226. <i>Et fatur & vrit.</i></p>
--	---	--

Posterior Index variarum virtutum Christiano cuiusque convenientium.

<p>Pædicatio. p.2. <i>Vox consona factis.</i> Fides. p.7. <i>Viris industria firmat.</i> Manifestata veritas. p.9. <i>Cognoscens age.</i> Continentia. p.10. <i>Per ardua dulcis.</i> Puritas mentis. p.14. <i>Deus non despiciet.</i> Vitiatorum fuga p.18. <i>Si fata premar;</i></p>	<p>p.2. p.7. p.9. p.10. p.14. p.18.</p>	<p>Patientia. p.21 <i>Gaudet patientia durus.</i> Conuersatio sancta. p.25. <i>Succos oblita priores.</i> Humilitas. p.29. <i>Ex humili potens.</i> Spiritualis profectus. p.33. <i>Robore fulta virescit.</i> Tentationum depulsio p.37. <i>Legis munimine tutus.</i> Gratitude p.41. <i>Videns laudabo.</i></p>
---	---	--

I N D E X.

Salutis cura.	p.45.	<i>Sine argento.</i>	
<i>In honore, in honorem.</i>		Aperta fidei confessio.	p.133
Verbi Dei intelligentia.	p.49.	<i>Non erubescio.</i>	
<i>Scrutamini.</i>		Obedientia.	p.139.
Pœnitentia.	p.53	<i>Obedite.</i>	
<i>Renouamini.</i>		Spes.	p.144.
Desiderium cœleste.	p.60.	<i>Non confundit.</i>	
<i>Vt comprehendatis.</i>		Innocentia.	p.248.
Terrenorum contemptio:	p.65.	<i>Non recedam.</i>	
<i>Nen que super terram.</i>		Libertas.	p.154.
Conscientiæ securitas.	p.69.	<i>Non seruiamus.</i>	
<i>Nec ui nec metu.</i>		Mortificatio.	p.158.
Correctio fraterna.	p.74.	<i>Mortuus terreo.</i>	
<i>Nolite obdurare.</i>		Honorum neglectio.	p.162.
Opera bona.	p.78.	<i>Nil solidum.</i>	
<i>Dum tempus habemus.</i>		Misericordiæ opera.	p.167.
Tribulationes.	p.83.	<i>Cum fratre.</i>	
<i>Non ad interitum.</i>		Iustitia.	p.171.
Lætitia spiritalis.	p.88.	<i>Quod iustum est.</i>	
<i>In Domino.</i>		Fortitudo.	p.175.
Timor Dei.	p.93.	<i>Non ledetur.</i>	
<i>Fortis vltor.</i>		Abnegatio sui.	p.180
Amor Dei.	p.98.	<i>Cum Christo.</i>	
<i>Diligite.</i>		Concordia.	p.184.
Imitatio Christi.	p.103.	<i>Qua pacis sunt.</i>	
<i>Vt sequamini.</i>		Compunctio.	p.191.
Oratio.	p.109.	<i>Pro peccato meo.</i>	
<i>Dirigatur.</i>		Contemplatio.	p.194
Resipiscencia.	p.113.	<i>Exercebor & considerabo.</i>	
<i>Non adjicias.</i>		Immortalitas.	p.199.
Mansuetudo.	p.118.	<i>Timori & gaudio.</i>	
<i>In bono malum.</i>		Vigilantia.	p.204
Sinceritas.	p.124.	<i>Vigilate.</i>	
<i>Aut est aut non.</i>		Deuotio.	p.209.
Gratiæ acceptatio	p.128.	<i>His qui concupiscunt.</i>	

I N D E X.

Consideratio sui. <i>Ipsi nosmet.</i>	p. 213.	Charitas. <i>Omnia sustinet.</i>	p. 228.
Unitas Ecclesiae. <i>Vt non deficiat.</i>	p. 218.	Symbolum paræneticum <i>Memorare.</i>	p. 233.
Exercitatio spiritualis. <i>In virtutem.</i>	p. 223.		

*M*ENDA *T*YPOTHETICA *E*MENDA.

<p>P Ag. 5. vers. ultimo prima. pag. 8. vers. 1. dissoluentis. pag. b. vers. penultima. illuxisset, veritas. pag. 23. vers. 20. totius. pag. 39. vers. 5. illecebris. pag. 42. vers. 32. pro virili. pag. 43. vers. 12. attigerimus. pag. 61. vers. 22. molestiasq;. pag. 63. vers. penul. ceruorum. pag. 66. vers. 6. occupabantur. p. 17. vers. 13. fidei naufragium.</p>	<p>Ibid. vers. 20. translati. pag. 109. vers. antep. confugientes: p. 115. vers. 8. Hæreticarum. p. 153. v. 2. Vbi enim non est Iesus: pag. 156. vers. 24. nos de tempore. pag. 159. vers. 11. vsq; quam. pag. 191. vers. 25. flagella. Ibid. ver: 27. iniquitatem suam. pag. 196. vers. 2. violenter: pag. 207. vers. promiserat. pag. 230. vers. penultima inca sum.</p>
---	--

Quæ cum his irreperant minutiora vt si pro si &c. catus lector facile dignoscet & ignoscet.

F I N I S.



In SYMBOLVM. T. T.



1.
Seps morsu Mortem: CRVX isto sepe salutem.
Hoc sapis & hoc, iam, quid sit sapuisse capis.

2.
Quem uiuus sapuit probitate TRETERVS IESVM,
Hoc, post fata, libro nos sapuisse docet.

In Anagramma eiusdem.

Sors levis rebus dominatur imis:
Prosperis tollit, leuat hæc sinistris.
TV TERAS SORTEM: monet hoc volumen
Voxq; TRETERI.



Cernit acutâ DRACO CVSTODIS digma TRETERI,
 Virus at huic adimens CRVX super astra cruat.

THOMAS TRETERVS.

Anagramma.

TV SORTEM TERAS.

L Vdit in humanis fors fallacissima rebus:
 Quod parit illa. perit; quod struit illa, ruit:
 Diuitias parit his, alijs molitur honores,
 Sors vbi Morsue rotam verterit, omne labat.
 Docta quod at pieras dedit ære perennius extat.
 Tu pie TV SORTEM docte TRETERE teras.



Baptista et ...

baient hui snomi de ...
et ... Helogheid ...
apposuerunt peccare ...

quasi in duntoto ...

